

全 唐 诗

(第十一部)

主编 卢炳瑞

延边大学出版社

目 录

【奉和中书舍人贾至早朝大明宫】	1
【和祠部王员外雪后早朝即事】	1
【奉和相公发益昌】	1
【秋夕读书幽兴，献兵部李侍郎】	2
【使君席夜送严河南赴长水（得时字）】	2
【暮春虢州东亭送李司马归扶风别庐】	2
【九日使君席奉饯卫中丞赴长水】	3
【西掖省即事】	3
【首春渭西郊行，呈蓝田张二主簿】	3
【赴嘉州过城固县，寻永安超禅师房】	4
【酬畅当嵩山寻麻道士见寄（一作卢纶诗）】	4
【和刑部成员外秋夜寓直寄台省知己】	4
【送卢郎中除杭州赴任】	5
【奉送李宾客荆南迎亲】	5
【送严维下第还江东】	5
【六月三十日水亭送华阴王少府还县（得潭字）】	6
【饯王岑判官赴襄阳道】	6
【送薛弁归河东】	6
【送薛播擢第归河东】	7
【送陶铣弃举荆南覲省】	7
【送史司马赴崔相公幕（一作无名氏诗，一作李 白诗）】	7

【送严黄门拜御史大夫再镇蜀川兼覲省】	8
【送郭仆射节制剑南】	8
【早秋与诸子登虢州西亭观眺】	8
【佐郡思旧游】	9
【灭胡曲】	9
【尚书念旧，垂赐袍衣，率题绝句献上，以申感 谢】	10
【忆长安曲二章寄庞□】	10
【寄韩樽】	10
【醉里送裴子赴镇西】	11
【题井陉双谿李道士所居】	11
【题云际南峰眼上人读经堂（眼公不下此堂十五 年）】	11
【题梁锜城中高居】	12
【题三会寺苍颉造字台】	12
【日没贺延碛作】	12
【西过渭州，见渭水思秦川】	12
【经陇头分水】	13
【秋思】	13
【行军九日思长安故园（时未收长安）】	13
【戏题关门】	13
【叹白发】	14
【题平阳郡汾桥边柳树（参曾居此郡八九年）】	14
【失题】	14
【献封大夫破播仙凯歌六首】	14
【春光戏题赠李侯】	15
【过燕支寄杜位】	15
【玉关寄长安李主簿】	16
【武威送刘判官赴碛西行军】	16

【虢州后亭送李判官使赴晋绛（得秋字）】	16
【五月四日送王少府归华阴（得留字）】	17
【原头送范侍御（得山字）】	17
【送李明府赴睦州，便拜觐太夫人】	17
【虢州西山亭子送范端公（得浓字）】	18
【奉送贾侍御使江外】	18
【崔仓曹席上送殷寅充石相判官赴淮南】	18
【送崔子还京】	19
【酒泉太守席上醉后作】	19
【题观楼】	19
【草堂村寻罗生不遇】	20
【山房春事二首】	20
【逢入京使】	20
【过磧】	21
【磧中作】	21
【赴北庭度陇思家】	21
【胡歌】	22
【赵将军歌】	22
【醉戏窦子美人】	22
【秋夜闻笛】	23
【戏问花门酒家翁】	23
【春梦】	23
【冬夕】	24
【句】	24
【武阳送别】	24
【捣衣】	25
【代闺人】	25
【江南遇雨】	25

【邺城引】	25
【僧舍小池】	26
【拟古】	26
【和李起居秋夜之作】	26
【吴声子夜歌（一作崔国辅诗，题云古意）】	27
【塞下曲】	27
【云中行】	27
【楚宫词二首】	28
【长孙十一东山春夜见赠】	28
【赠知己】	28
【东谿待苏户曹不至】	29
【登天目山下作】	29
【送裴少府】	29
【旅次灞亭】	30
【春旦歌】	30
【早发西山】	30
【送人还吴】	31
【送金文学还日东】	31
【卫中作】	31
【天长节】	32
梁锽	32
【长门怨】	32
【美人春卧】	32
梁锽	32
【名姝咏】	33
【艳女词】	33
梁锽	33
【狷氏子】	33

【戏赠歌者】	34
梁锬	34
【七夕泛舟】	34
梁锬	34
【崔驸马宅咏画山水扇】	34
梁锬	34
【观王美人海图障子】	35
梁锬	35
【闻百舌鸟】	35
梁锬	35
【省试方士进恒春草】	35
梁锬	35
【代征人妻喜夫还】	36
梁锬	36
【赠李中华】	36
梁锬	36
【咏木老人（一作傀儡吟，一作咏窟磊子人）】	36
梁锬	36
【句】	37
梁锬	37
【客中作】	37
【三月三日曲江侍宴】	37
【郑国夫人挽歌词】	38
【郡中客舍】	38
【途中口号（一作卢僎诗）】	38
【题李将军山亭】	38
【早行】	39
【过故人旧宅】	39

【关山月】	39
【战城南】	39
【咏史】	40
【途中览镜】	40
【送部四镇人往单于别知故】	40
【松滋江北阻风】	41
【晓入宜都渚】	41
【古意】	41
【春宵览月】	41
【秋怀】	42
【和中书侍郎院壁画云】	42
【幽情】	42
【怀鲁】	43
【燕歌行】	43
【乌江女】	43
【昌年宫之作】	44
【落第归乡留别长安主人】	44
【奉试咏青】	44
【观汉水】	45
【游越溪】	45
【登楼（一作王之涣诗）】	45
【感寓二首】	45
【咏谈容娘】	46
【览史】	46
【奉试冷井诗】	46
【都中闲居】	47
【江南弄】	47
【少年行】	47

【伊水门】	48
【东郊纳凉，忆左威卫李录事收昆季、太原崔参	48
军三首】	48
【西施石】	49
【江南行】	49
【采莲曲】	49
李康成	49
【玉华仙子歌】	49
【自君之出矣】	50
【句】	50
【时兴】	51
【咏石季伦】	51
【鹤警露】	51
【湘灵鼓瑟】	52
【湘灵鼓瑟】	52
【嵩山望幸】	52
【湘灵鼓瑟】	53
【湘灵鼓瑟】	53
【怀素上人草书歌（一本作王邕诗，今从统签另编）】	53
【怀素上人草书歌】	54
【怀素上人草书歌】	55
【怀素上人草书歌】	55
【题怀素上人草书】	56
【祀风师乐章·迎神】	56
【祀风师乐章·奠币登歌】	56
【祀风师乐章·迎俎酌献】	57
【祀风师乐章·亚献终献】	57
【祀风师乐章·送神】	57

【祀雨师乐章·迎神】	58
【祀雨师乐章·奠币登歌】	58
【祀雨师乐章·迎俎酌献】	58
【祀雨师乐章·亚献终献】	59
【祀雨师乐章·送神】	59
【答窦拾遗卧病见寄】	59
包佶	59
【对酒赠故人】	60
【同李吏部伏日口号，呈元庶子、路中丞】	60
【岭下卧疾，寄刘长卿员外】	60
【戏题诸判官厅壁】	61
【酬兵部李侍郎晚过东厅之作（时自刑部侍郎拜祭酒）】	61
【秋日过徐氏园林】	62
【双山过信公所居】	62
【尚书宗兄使过诗以奉献】	62
【抱疾谢李吏部赠诃黎勒叶】	63
【奉和柳相公中书言怀】	63
【客自江南话过亡友朱司议故宅】	63
【酬于侍郎湖南见寄十四韵】	64
【朝拜元陵】	64
【发襄阳后却寄公安人】	64
【立春后休沐】	65
【宿庐山，赠白鹤观刘尊师】	65
【观壁画九想图】	65
【送日本国聘贺使晁巨卿东归】	66
【顾著作宅赋诗】	66
【近获风痺之疾，题寄所怀】	66

【奉和常阁老晚秋集贤院即事，寄赠徐、薛二侍郎】	67
【酬顾况见寄】	67
【岁日作（一作口号）】	68
【元日观百僚朝会】	68
【再过金陵】	68
包佶	68
【寄杨侍御（一作包何诗）】	69
【江上曲】	69
李嘉祐	69
【伤吴中】	69
李嘉祐	69
【夜闻江南人家赛神，因题即事】	70
李嘉祐	70
【古兴】	70
李嘉祐	70
【杂兴】	71
李嘉祐	71
【送韦邕少府归钟山】	71
李嘉祐	71
【送卢员外往饶州】	71
李嘉祐	71
【送裴五归京口】	72
李嘉祐	72
【送严维归越州】	72
李嘉祐	72
【送杜士瞻楚州观省】	72
李嘉祐	72

【送裴宣城上元所居】	73
李嘉祐	73
【留别毗陵诸公】	73
李嘉祐	73
【送独孤拾遗先辈先赴上都】	73
李嘉祐	73
【常州韦郎中泛舟见饯】	74
李嘉祐	74
【送崔侍御入朝】	74
李嘉祐	74
【送岳州司马弟之任】	74
李嘉祐	74
【裴侍御见赠斑竹杖】	75
李嘉祐	75
【送张观归袁州】	75
李嘉祐	75
【冬夜饶州使堂饯相公五叔赴歙州】	75
李嘉祐	75
【蒋山开善寺（一作崔峒诗）】	76
李嘉祐	76
【晚发江宁道中呈严维】	76
李嘉祐	76
【句容县东青阳馆作】	76
李嘉祐	76
李嘉祐	77
【送王端赴朝】	77
李嘉祐	77
【送王正字山寺读书】	77

李嘉祐	77
【送房明府罢长宁令湖州客舍】	78
李嘉祐	78
【咏萤】	78
李嘉祐	78
【送李中丞、杨判官】	78
李嘉祐	78
【至七里滩作】	79
李嘉祐	79
【南浦渡口】	79
李嘉祐	79
【暮秋迁客增思寄京华】	79
李嘉祐	79
【送苏修往上饶】	80
李嘉祐	80
【题王十九茆堂】	80
【送弘志上人归湖州】	80
李嘉祐	80
【送陆士伦宰义兴】	81
李嘉祐	81
【和张舍人中书宿直】	81
【司勋王郎中宅送韦九郎中往濠州】	81
李嘉祐	81
【晚春送吉校书归楚州（吉中孚曾为道士）】	82
李嘉祐	82
【送严二擢第东归】	82
李嘉祐	82
【送冷朝阳及第东归江宁】	83

李嘉祐	83
【送越州辛法曹之任】	83
李嘉祐	83
【送樊兵曹潭州谒韦大夫】	83
李嘉祐	83
【送杜御史还广陵】	84
【送兖州杜别驾之任】	84
【题裴十六少卿东亭】	84
【同皇甫侍御题荐福寺一公房】	85
【送从侄端之东都】	85
【送王谏议充东都留守判官】	85
【和都官苗员外秋夜省直对雨简诸知己】	85
【送从弟归河朔】	86
【送崔夷甫员外和蕃】	86
【春日长安送从弟尉吴县】	86
【元日无衣冠入朝，寄皇甫拾遗冉、从弟补阙纾】	87
【和韩郎中扬子津玩雪寄严维】	87
【送王牧往吉州谒王使君叔】	87
【广陵送林宰】	88
【赠卫南长官赴任】	88
【自常州还江阴途中作】	88
【润州杨别驾宅送蒋九侍御收兵归扬州】	88
【仲夏江阴官舍寄裴明府】	89
【送夏侯审参军游江东】	89
【送袁员外宣慰劝农毕赴洪州使院】	89
【送侍御史四叔归朝】	90
【登楚州城望驿路，十馀里山村竹林相次交映】	90
【奉陪韦润州游鹤林寺】	90

【奉酬路五郎中院长新除工部员外见简】	91
【送韦司直西行（此公深入道门）】	91
【送上官侍御赴黔中】	91
【送元侍御还荆南幕府】	91
【登湓城浦望庐山初晴，直省赍敕催赴江阴】	92
【九日】	92
【九日送人】	92
【春日淇上作（一作汉口春）】	93
【送从叔阳冰祇召赴都】	93
【送友人入湘】	93
【送裴员外往江南】	94
【登秦岭】	94
【送张惟俭秀才入举】	94
【送韦侍御湖南幕府】	94
【同皇甫冉赴官，留别灵一上人】	95
【送客游荆州】	95
【与郑锡游春】	95
【故燕国相公挽歌二首】	96
【故吏部郎中赠给事中韦公挽歌二首】	96
【和袁郎中破贼后经剡县山水上太尉】	96
【送评事十九叔入秦】	97
【赠王八衢】	97
【入睦州分水路忆刘长卿】	97
【奉和杜相公长兴新宅即事呈元相公】	98
【江湖秋思】	98
【送朱中舍游江东】	98
李嘉祐	99
【自苏台至望亭驿，人家尽空，春物增思，怅然有	99

作，因寄从弟纾】	99
【承恩量移宰江邑，临鄱江怅然之作】	99
【题灵台县东山村主人】	100
【同皇甫冉登重玄阁】	100
【宋州东登望题武陵驿】	100
【晚登江楼有怀】	101
【游徐城河忽见清淮，因寄赵八】	101
【题游仙阁白公庙】	101
【送郑正则汉阳迎妇】	102
【送皇甫冉往安宜】	102
【晚发咸阳，寄同院遗补】	102
【早秋京口旅泊，章侍御寄书相问，因以赠之， 时七夕】	103
【秋晓招隐寺东峰茶宴，送内弟阎伯均归江州】	103
【送严员外（一作刘长卿诗）】	104
【赴南中留别褚七少府湖上林亭（一作刘长卿诗）】	104
【与从弟正字、从兄兵曹宴集林园】	104
【酬皇甫十六侍御曾见寄（此公时贬舒州司马）】	105
李嘉祐	105
【暮春宜阳郡斋愁坐，忽枉刘七侍御新诗，因以 酬答】	105
【送舍弟】	106
【送从弟永任饶州录事参军】	106
【送马将军奏事毕归滑州使幕】	106
【闻逝者自惊】	107
【伤歙州陈二使君】	107
【白田西忆楚州使君弟】	107
【送陆澧还吴中（一作刘长卿诗）】	108

【春日忆家（一作春日归山）】	108
【远寺钟】	108
【白鹭】	108
【夜宴南陵留别】	109
【题前溪馆】	109
【过乌公山寄钱起员外】	109
【寄王舍人竹楼】	109
【韦润州后亭海榴】	110
【送崔十一弟归北京】	110
【访韩司空不遇】	110
【题道虔上人竹房】	111
【秋朝木芙蓉】	111
李嘉祐	111
【袁江口忆王司勋、王吏部二郎中、起居十七弟】	111
【答泉州薛播使君重阳日赠酒】	112
【题张公洞】	112
【句】	112
【送泉州李使君之任李使君赴泉州】	113
【和孟虔州闲斋即事】	113
【同李郎中净律院梔子树】	113
【同闾伯均宿道士观有述】	114
【送乌程王明府贬巴江】	114
【同舍弟佶、班、韦二员外秋苔对之成咏】	114
【送王汶宰江阴】	115
【和苗员外寓直中书】	115
【阙下芙蓉】	115
【江上田家】	115
【送韦侍御奉使江岭诸道催青苗钱】	116

【和程员外春日东郊即事】	116
【裴端公使院，赋得隔帘见春雨】	116
【相里使君第七男生日（一作生日）】	117
【同诸公寻李方直不遇】	117
【婺州留别邓使君】	117
【寄杨侍御（一作包佶诗）】	118
【赋得秤，送孟孺卿】	118
【长安晓望，寄崔补阙（一作司空曙诗）】	118
【送萧颖士赴东府，得路字刘太真撰序】	119
【送萧颖士赴东府，得适字】	119
【送萧颖士赴东府，得离字】	119
【送萧颖士赴东府，得还字】	120
【送萧颖士赴东府，得引字】	120
【送萧颖士赴东府，得浅字】	120
【送萧颖士赴东府，得草字】	121
【送萧颖士赴东府，得往字】	121
【送萧颖士赴东府，得散字】	121
【奉陪韦中丞使君游鹤林寺】	122
【奉送杜侍御还京（一作杜中丞，一作林中丞）】	122
【酬郑侍御秋夜见寄】	122
【酬窦拾遗秋日见呈（时此公自江阴令除谏官）】	123
【韦使君宅海榴咏】	123
【送普上人还阳羨（一作皇甫冉诗）】	123
【送李中丞归本道（一作送人作使归）】	124
【和谢舍人雪夜寓直】	124
【寻刘处士】	124
【哭陆处士】	124
【乌程水楼留别】	125

【题赠吴门邕上人】	125
【送陆鸿渐山人采茶回】	125
【寄刘员外长卿】	126
【寄张仲甫】	126
【送元侍御充使湖南】	126
【晚至华阴】	127
【送孔征士】	127
【秋兴】	127
【送归中丞使新罗】	127
【送少微上人东南游】	128
【送韦判官赴闽中】	128
【送人还荆州（一作李嘉祐诗）】	128
【寄净虚上人初至云门（一作刘长聊诗）】	129
【春和杜相公移入长兴宅，奉呈诸宰执】	129
【路中口号】	129
【山下泉】	130
【早朝日寄所知】	130
【秋夕寄怀契上人】	130
【张苍见访郊居作】	130
【赠鉴上人（一作赠别筌公）】	131
【奉寄中书王舍人】	131
【送汤中丞和蕃】	131
【送和西蕃使】	132
【送王相公赴幽州】	132
【送徐大夫赴南海】	132
【赠沛禅师】	133
【萼岭四望】	133
【过刘员外长卿别墅（一作碧涧别业）】	133

【遇风雨作（一作权德舆诗）】	134
【送商州杜中丞赴任】	134
【送著公归越】	134
【送郑秀才贡举】	135
【锡杖歌，送明楚上人归佛川（一作权德舆诗）】	135
【玉山岭上作】	135
【国子柳博士兼领太常博士，辄申贺赠】	136
【送裴秀才贡举】	136
【赠老将】	136
【铜雀妓】	137
高适	137
【塞下曲】	137
高适	137
【塞上】	137
高适	138
【蓟门行五首】	138
高适	138
【效古赠崔二】	139
高适	139
【钜鹿赠李少府】	139
高适	139
【东平留赠狄司马（曾与田安西充判官）】	139
高适	139
【过卢明府有赠】	140
高适	140
【单父逢邓司仓覆仓库，因而有赠】	140
高适	140
【蓟门不遇王之涣、郭密之，因以留赠】	141

高適	141
【寄孟五少府】	141
高適	141
【苦雨寄房四昆季】	142
高適	142
【和贺兰判官望北海作】	142
高適	142
【和崔二少府登楚丘城作】	143
高適	143
【酬司空璩少府】	143
高適	143
【酬李少府】	144
高適	144
【酬裴秀才】	144
高適	144
【酬陆少府】	144
高適	144
【奉酬北海李太守丈人夏日平阴亭】	145
高適	145
【酬马八郊古见赠】	145
高適	145
【酬鸿胪裴主簿雨后睢阳北楼见赠之作（一作王	146
昌龄诗）】	146
高適	146
【酬裴员外以诗代书】	146
高適	146
【酬庞十兵曹】	147
高適	147

【同吕员外酬田著作幕门军西宿盘山秋夜作】148

高适148

【酬秘书弟兼寄幕下诸公】149

高适149

【淇上酬薛三据，兼寄郭少府微（一作王昌龄诗）】149

高适149

【酬岑二十主簿秋夜见赠之作】150

高适150

【答侯少府】150

高适150

【宋中别周、梁、李三子】151

高适151

【宋中别李八】152

高适152

【别王彻】152

高适152

【送萧十八与房侍御回还】153

高适153

【宋中送族侄式颜（时张大夫贬括州使人召式颜
遂有此作）】153

高适153

【又送族侄式颜】154

高适154

【赠别王十七管记】154

高适154

【涟上别王秀才】155

高适155

【赠别沈四逸人】155

高適	155
【送韩九】	156
高適	156
【送崔录事赴宣城】	156
高適	156
【别张少府】	156
高適	156
【淇上别刘少府子英】	157
高適	157
【别耿都尉】	157
高適	157
【宋中遇林虑杨十七山人，因而有别】	158
高適	158
【酬别薛三、蔡大，留简韩十四主簿】	158
高適	158
【送虞城刘明府谒魏郡苗太守】	159
高適	159
【途中酬李少府赠别之作】	159
高適	159
【睢阳酬别畅大判官】	160
高適	160
【宴韦司户山亭院】	160
高適	160
【同诸公登慈恩寺浮图】	161
高適	161
【同薛司直诸公秋霁曲江俯见南山作】	161
高適	161
【登广陵栖灵寺塔】	162

高適	162
【登百丈峰二首】	162
高適	162
【同群公秋登琴台】	162
高適	163
【同群公出猎海上】	163
高適	163
【同群公题郑少府田家（此公昔任白马尉，今寄	164
住滑台）】	164
高適	164
【同群公题中山寺】	164
高適	164
【同群公宿开善寺，赠陈十六所居】	165
高適	165
【同韩四、薛三东亭玩月】	165
【同敬八、卢五泛河间清河】	165
高適	165
【同房侍御山园新亭与邢判官同游】	166
高適	166
【同马太守听九思法师讲金刚经】	166
高適	166
【涟上题樊氏水亭】	167
高適	167
【同吕判官从哥舒大夫破洪济城回，登积石军多	167
福七级浮图】	167
高適	167
【三君咏·魏郑公（徵）】	168
高適	168

【三君咏·郭代公（元振）】	168
高適	168
【三君咏·狄梁公（仁杰）】	168
高適	168
【宓公琴台诗三首】	169
高適	169
【李云南征蛮诗】	169
高適	169
【题尉迟将军新庙】	170
高適	170
【观李九少府翥树宓子贱神祠碑】	170
高適	170
【同观陈十六史兴碑】	171
高適	171
【宋中十首】	171
高適	171
【蓟中作】	172
高適	172
【自淇涉黄河途中作十三首】	173
高適	173
【宋中遇陈二】	174
高適	174
【宋中遇刘书记有别】	175
高適	175
【鲁郡途中遇徐十八录事（时此公学王书嗟别）】	175
高適	175
【遇冲和先生】	176
高適	176

【鲁西至东平】	176
高適	176
【东平路作三首】	176
高適	176
【东平路中遇大水】	177
高適	177
【登垄】	177
高適	177
【苦雪四首】	178
高適	178
【哭单父梁九少府】	178
高適	178
【哭裴少府】	179
高適	179
【行路难二首】	179
高適	179
【秋胡行（一作鲁秋胡）】	180
高適	180
【古大梁行】	180
高適	180
【邯郸少年行】	181
高適	181
【燕歌行】	181
高適	181
【古歌行】	182
高適	182
【人日寄杜二拾遗】	182
高適	182

【九日酬颜少府】	183
高適	183
【留别郑三、韦九兼洛下诸公】	183
【送杨山人归嵩阳】	183
高適	183
【送别】	184
高適	184
【赠别晋三处士】	184
高適	184
【送浑将军出塞】	185
高適	185
【送蔡山人】	185
高適	185
高適	186
【题李别驾壁】	186
高適	186
【寄宿田家】	186
高適	186
【别韦参军】	187
高適	187
【送田少府贬苍梧】	187
高適	187
【平台夜遇李景参有别】	188
高適	188
【送郭处士往莱芜，兼寄荀山人】	188
高適	188
【赋得还山吟，送沈四山人】	188
高適	188

【崔司录宅燕大理李卿】	189
高适	189
【同鲜于洛阳于毕员外宅观画马歌】	189
高适	189
【同河南李少尹毕员外宅夜饮,时洛阳告捷,遂作	190
春酒歌】	190
高适	190
【同李九士曹观壁画云作】	190
高适	190
【见薛大臂鹰作（一作李白）】	191
高适	191
【画马篇（同诸公宴睢阳李太守，各赋一物） 】	191
高适	191
【咏马鞭】	191
高适	191
【塞下曲（贺兰作）】	192
高适	192
【渔父歌】	192
高适	192
【部落曲】	193
高适	193
【赠杜二拾遗】	193
高适	193
【醉后赠张九旭】	193
高适	193
【途中寄徐录事（比以王书见赠）】	194
高适	194
【酬卫八雪中见寄】	194

高適	194
【送白少府送兵之陇右】	194
高適	194
【河西送李十七】	195
高適	195
【送张瑶贬五谿尉】	195
高適	195
【别韦五】	195
高適	195
【别刘大校书】	196
高適	196
【宋中别司功叔，各赋一物得商丘】	196
高適	196
【送蔡十二之海上（时在卫中）】	196
高適	196
【别韦兵曹】	197
高適	197
【独孤判官部送兵】	197
高適	197
【别从甥万盈】	197
高適	197
【别崔少府】	198
高適	198
【别冯判官】	198
高適	198
【淇上送韦司仓往滑台】	198
高適	198
【送崔功曹赴越】	199

高適	199
【送蹇秀才赴临洮】	199
高適	199
【广陵别郑处士】	199
高適	199
【别孙訢】	200
高適	200
【送刘评事充朔方判官，赋得征马嘶】	200
高適	200
【送魏八】	200
高適	200
【赠别褚山人】	201
高適	201
【别王八】	201
高適	201
【送董判官】	201
高適	201
【送郑侍御谪闽中】	202
高適	202
【送李侍御赴安西】	202
高適	202
【送裴别将之安西】	202
高適	202
【宴郭校书，因之有别】	203
高適	203
【同李太守北池泛舟，宴高平郑太守】	203
高適	203
【同崔员外、綦母拾遗九日宴京兆府李士曹】	203

高適203

 【同群公十月朝宴李太守宅】204

高適204

 【武威同诸公过杨七山人，得藤字】204

高適204

 【同群公登濮阳圣佛寺阁】204

高適204

 【同卫八题陆少府书斋】205

高適205

 【淇上别业】205

高適205

 【入昌松东界山行】205

高適205

 【使青夷军入居庸三首】206

高適206

 【自蓟北归】206

高適206

 【东平别前卫县李粲少府】206

高適206

 【夜别韦司士，得城字】207

高適207

 【送李少府贬峡中，王少府贬长沙】207

高適207

 【同陈留崔司户早春宴蓬池】208

高適208

 【金城北楼】208

高適208

 【同颜六少府旅宦秋中之作】208

高適208

 【重阳】209

高適209

 【古乐府飞龙曲，留上陈左相（陈希烈）】209

高適209

 【留上李右相（一作奉赠李右相林甫）】210

高適210

 【同李员外贺哥舒大夫破九曲之作】210

高適210

 【信安王幕府诗】211

高適211

 【东平旅游，奉赠薛太守二十四韵】212

高適212

 【真定即事，奉赠韦使君二十八韵】212

高適212

 【和窦侍御登凉州七级浮图之作】213

高適213

 【酬河南节度使贺兰大夫见赠之作】213

高適213

 【奉酬睢阳路太守见赠之作】214

高適214

 【奉酬睢阳李太守】214

高適214

 【送柴司户充刘卿判官之岭外】215

高適215

 【送蔡少府赴登州推事】216

高適216

 【秦中送李九赴越】216

高適216

 【饒宋八充彭中丞判官之嶺南】216

高適216

 【陪竇侍御泛靈雲池】217

高適217

 【陪竇侍御靈雲南亭宴詩，得雷字】217

高適217

 【同熊少府題盧主簿茅齋（廬兼有人倫）】218

高適218

 【同朱五題盧使君義井】218

高適218

 【同郭十題楊主簿新廳】218

高適218

 【秋日作】219

高適219

 【辟陽城】219

高適219

 【赴彭州山行之作】219

高適219

 【詠史】220

高適220

 【送兵到蓟北】220

高適220

 【同群公題張處士菜園】220

高適220

 【逢謝偃】221

高適221

 【田家春望】221

高適221

 【闲居】221

高適221

 【封丘作】222

高適222

 【九曲词三首】222

高適222

 【营州歌】222

高適222

 【玉真公主歌】223

高適223

 【和王七玉门关听吹笛（一作塞上闻笛）】223

高適223

 【别董大二首】223

高適223

 【送桂阳孝廉】224

高適224

 【送李少府，时在客舍作】224

高適224

 【听张立本女吟】224

高適224

 【初至封丘作】225

高適225

 【除夜作】225

高適225

 【剑池】225

 【张公洞】226

 【投宋大夫】226

【宝林寺作】	226
【谒禹庙】	227
【自悼】	227
【灵岩寺】	228
【湘夫人】	228
【寄妻父刘长卿（一作严维诗，题作发桐庐寄刘员外）】	228
【短歌行】	229
【洛阳道】	229
【行路难】	229
【燕衔泥】	230
【同孟浩然宴赋（一作题壁歌）】	230
【尚书都堂瓦松】	230
【省试七月流火】	231
【奉赠韦左丞丈二十二韵】	231
【送高三十五书记】	232
【赠李白】	232
【游龙门奉先寺（龙门即伊阙，一名阙口，在河南府北四十里）】	233
【望岳】	233
【陪李北海宴历下亭】	233
【同李太守登历下古城员外新亭，亭对鹊湖】	234
【玄都坛歌，寄元逸人】	234
【今夕行（自齐赵西归至咸阳作）】	234
【贫交行】	235
【兵车行】	235
【高都护骢马行（高仙芝，开元末为安西副都护）】	236
【天育骠骑歌（天育，厩名，未详所出）】	236

【白丝行】	237
【秋雨叹三首】	237
【叹庭前甘菊花】	238
【醉时歌（赠广文馆博士郑虔）】	238
【醉歌行】	239
【赠卫八处士】	239
【苦雨奉寄陇西公兼呈王征士】	240
【同诸公登慈恩寺塔】	240
【示从孙济（济字应物，官给事中、京兆尹）】	241
【九日寄岑参（参，南阳人）】	241
【送孔巢父谢病归游江东，兼呈李白】	242
【饮中八仙歌】	242
【曲江三章，章五句】	243
【丽人行】	243
【乐游园歌】	244
【渼陂行（陂在鄠县西五里，周一十四里）】	244
【渼陂西南台】	245
【戏简郑广文虔，兼呈苏司业源明】	245
【夏日李公见访】	245
【奉同郭给事汤东灵湫作（骊山温汤之东有龙湫）】	246
【夜听许十损诵诗，爱而有作】	247
【桥陵诗三十韵，因呈县内诸官】	247
【沙苑行】	248
【骢马行】	248
【去矣行】	249
【自京赴奉先县咏怀五百字】	249
【奉先刘少府新画山水障歌】	250
【白水县崔少府十九翁高斋三十韵】	251

【三川观水涨二十韵】	252
【悲陈陶】	252
【悲青坂】	253
【哀江头】	253
【哀王孙】	253
【大云寺赞公房四首】	254
【苏端、薛复筵简薛华醉歌】	255
【晦日寻崔戢、李封】	255
【雨过苏端（端置酒）】	256
【喜晴（一作喜雨）】	256
【送率府程录事还乡】	257
【述怀一首（此已下自贼中鞞归凤翔作）】	257
【送长孙九侍御赴武威判官】	258
【送樊二十三侍御赴汉中判官】	258
【送从弟亚赴安西判官】	259
【送韦十六评事充同谷郡防御判官】	260
【塞芦子（芦子关属夏州，北去塞门镇一十八里）】	260
【彭衙行（郿阳县西北有彭衙城）】	261
【北征】	261
【得舍弟消息】	263
【徒步归行】	263
【玉华宫】	264
【九成宫】	264
【羌村】	264
【逼仄行，赠毕曜】	265
【送李校书二十六韵】	266
【洗兵马（收京后作）】	266
【留花门】	267

【病后遇王倚饮，赠歌】	268
【湖城东遇孟云卿，复归刘颢宅宿宴，饮散因为醉歌】	268
【阆乡姜七少府设脍，戏赠长歌】	269
【戏赠阆乡秦少公短歌】	269
【李鄠县丈人胡马行】	270
【义鹘】	270
【画鹘行（一作画雕）】	271
【瘦马行（一作老马）】	271
【新安吏】	272
【潼关吏】	272
【石壕吏（陕县有石壕镇）】	272
【新婚别】	273
【垂老别】	273
【无家别】	274
【夏日叹】	274
【夏夜叹】	275
【立秋后题】	275
【贻阮隐居】	276
【遣兴三首】	276
【昔游】	277
【幽人】	277
【佳人】	278
【赤谷西崦人家】	278
【西枝村寻置草堂地，夜宿赞公土室二首】	278
【寄赞上人】	279
【太平寺泉眼】	279
【梦李白二首】	280
【有怀台州郑十八司户（虔）】	280

【遣兴五首】	281
【遣兴五首】	281
【遣兴五首】	282
【前出塞九首】	283
【后出塞五首】	284
【别赞上人】	284
【万丈潭】	285
【两当县吴十侍御江上宅】	285
【发秦州（乾元二年，自秦州赴同谷县纪行）】	286
【赤谷】	286
【铁堂峡（铁堂山在天水县东五里，峡有铁堂庄）】	287
【盐井（盐井在成州长道县，有盐官故城）】	287
【寒硖】	288
【法镜寺】	288
【青阳峡】	288
【龙门镇（龙门镇在成县东，后改府城镇）】	289
【石龕】	289
【积草岭（同谷县界）】	289
【泥功山（贞元五年，于同谷西境泥公山权置行成 州）】	290
【凤凰台】	290
【乾元中寓居同谷县，作歌七首】	291
【发同谷县（乾元二年十二月一日自陇右赴剑南纪行）】	292
【木皮岭】	292
【白沙渡（属剑州）】	293
【水会渡】	293
【飞仙阁】	293
【五盘（七盘岭在广元县北，一名五盘，栈道盘曲有	294

五重)】	294
【龙门阁】	294
【石柜阁】	295
【桔柏渡（在昭化县）】	295
【剑门】	295
【鹿头山（山上有关，在德阳县治北）】	296
【成都府】	296
【石笋行】	297
【石犀行】	297
【杜鹃行】	298
【赠蜀僧闾丘师兄】	298
【泛溪】	299
【题壁画马歌（一作题壁上韦偃画歌。偃京兆人善画	299
马)】	299
【戏题画山水图歌（一本题下有王宰二字。宰，蜀人）】	300
【题李尊师松树障子歌】	300
【戏为双松图歌（韦偃画）】	301
【投简成、华两县诸子】	301
【徐卿二子歌】	301
【病柏】	302
【病橘】	302
【枯棕】	303
【枯楠】	303
【丽春】	303
【丈人山（山在青城县北，黄帝封青城山为五岳丈人）】	304
【百忧集行（王筠诗百忧俱集断人肠）】	304
【戏作花卿歌】	304
【入奏行，赠西山检察使窦侍御】	305

【楠树为风雨所拔叹】	305
【茅屋为秋风所破歌】	306
【大雨】	306
【溪涨】	307
【戏赠友二首】	307
【遭田父泥饮美严中丞】	307
【喜雨】	308
【渔阳】	308
【天边行】	308
【大麦行】	309
【苦战行】	309
【去秋行】	309
【述古三首】	310
【观打鱼歌】	310
【又观打鱼】	311
【越王楼歌（太宗子越王贞为绵州刺史，作台于州城西北）】	311
【海棕行】	312
【姜楚公画角鹰歌】	312
【相逢歌赠严二别驾（一作严别驾相逢歌）】	312
【光禄坂行】	313
【冬到金华山观，因得故拾遗陈公学堂遗迹】	313
【陈拾遗故宅（宅在射洪县东七里东武山下）】	314
【谒文公上方】	314
【奉赠射洪李四丈（明甫）】	315
【早发射洪县南途中作】	315
【通泉驿南去通泉县十五里山水作】	315
【过郭代公故宅】	316

【观薛稷少保书画壁】	316
【通泉县署屋壁后薛少保画鹤】	317
【陪王侍御同登东山最高顶宴姚通泉，晚携酒泛江】	317
【春日戏题恼郝使君兄】	318
【短歌行，赠王郎司直】	318
【短歌行，送祁录事归合州，因寄苏使君】	318
【陪章留后惠义寺饯嘉州崔都督赴州】	319
【将适吴楚，留别章使君留后，兼幕府诸公，得柳字】	319
【山寺（得开字，章留后同游）】	320
【棕拂子】	320
【桃竹杖引，赠章留后（竹兼可为簟，名桃笙）】	321
【寄题江外草堂（梓州作，寄成都故居）】	321
【韦讽录事宅观曹将军画马图】	322
【送韦讽上阆州录事参军】	322
【丹青引，赠曹将军霸】	323
【阆州东楼筵，奉送十一舅往青城县，得昏字】	324
【严氏溪放歌行（溪在阆州东百馀里）】	324
【南池（在阆中县东南，即彭道将鱼池）】	325
【发阆中】	325
【寄韩谏议】	325
【忆昔二首】	326
【冬狩行（时梓州刺史章彝兼侍御史留后东川）】	327
【自平】	327
【释闷】	328
【赠别贺兰钊】	328
【别唐十五诚，因寄礼部贾侍郎（贾至）】	328

【閬山歌】329

【閬水歌】329

【草堂】329

【四松】330

【水槛】331

【破船】331

【营屋】331

【除草】332

【扬旗】332

【太子张舍人遗织成褥段】333

【莫相疑行】333

【别蔡十四著作】334

【奉和中书舍人贾至早朝大明宫】

岑参

鸡鸣紫陌曙光寒，莺啭皇州春色阑。金阙晓钟开万户，
玉阶仙仗拥千官。花迎剑珮星初落，柳拂旌旗露未干。
独有凤凰池上客，阳春一曲和皆难。

【和祠部王员外雪后早朝即事】

岑参

长安雪后似春归，积素凝华连曙晖。色借玉珂迷晓骑，
光添银烛晃朝衣。西山落月临天仗，北阙晴云捧禁闱。
闻道仙郎歌白雪，由来此曲和人稀。

【奉和相公发益昌】

岑参

相国临戎别帝京，拥麾持节远横行。朝登剑阁云随马，
夜渡巴江雨洗兵。山花万朵迎征盖，川柳千条拂去旌。
暂到蜀城应计日，须知明主待持衡。

【秋夕读书幽兴，献兵部李侍郎】

岑参

年纪蹉跎四十强，自怜头白始为郎。雨滋苔藓侵阶绿，
秋飒梧桐覆井黄。惊蝉也解求高树，旅雁还应厌后行。
览卷试穿邻舍壁，明灯何惜借馀光。

【使君席夜送严河南赴长水（得时字）】

岑参

娇歌急管杂青丝，银烛金杯映翠眉。使君地主能相送，
河尹天明坐莫辞。春城月出人皆醉，野戍花深马去迟。
寄声报尔山翁道，今日河南胜昔时。

【暮春虢州东亭送李司马归扶风别庐】

岑参

柳弹莺娇花复殷，红亭绿酒送君还。到来函谷愁中月，
归去礲谿梦里山。帘前春色应须惜，世上浮名好是闲。
西望乡关肠欲断，对君衫袖泪痕斑。

【九日使君席奉饯卫中丞赴长水】

岑参

节使横行西出师，鸣弓擐甲羽林儿。台上霜风凌草木，
军中杀气傍旌旗。预知汉将宣威日，正是胡尘欲灭时。
为报使君多泛菊，更将弦管醉东篱。

【西掖省即事】

岑参

西掖重云开曙晖，北山疏雨点朝衣。千门柳色连青琐，
三殿花香入紫微。平明端笏陪鹓列，薄暮垂鞭信马归。
官拙自悲头白尽，不如岩下偃荆扉。

【首春渭西郊行，呈蓝田张二主簿】

岑参

回风度雨渭城西，细草新花踏作泥。秦女峰头雪未尽，
胡公陂上日初低。愁窥白发羞微禄，悔别青山忆旧谿。
闻道辋川多胜事，玉壶春酒正堪携。

【赴嘉州过城固县，寻永安超禅师房】

岑参

满寺枇杷冬著花，老僧相见具袈裟。汉王城北雪初霁，
韩信台西日欲斜。门外不须催五马，林中且听演三车。
岂料巴川多胜事，为君书此报京华。

【酬畅当嵩山寻麻道士见寄（一作卢纶诗）】

岑参

闻逐樵夫闲看棋，忽逢人世是秦时。开云种玉嫌山浅，
渡海传书怪鹤迟。阴洞石幢微有字，古坛松树半无枝。
烦君远示青囊录，愿得相从一问师。

【和刑部成员外秋夜寓直寄台省知己】

岑参

列宿光三署，仙郎直五宵。时衣天子赐，厨膳大官调。

长乐钟应近，明光漏不遥。黄门持被覆，侍女捧香烧。
笔为题诗点，灯缘起草挑。竹喧交砌叶，柳舞拂窗条。
粉署荣新命，霜台忆旧僚。名香播兰蕙，重价蕴琼瑶。

击水翻沧海，抟风透赤霄。微才喜同舍，何幸忽闻韶。

【送卢郎中除杭州赴任】

岑参

罢起郎官草，初分刺史符。海云迎过楚，江月引归吴。
城底涛声震，楼端蜃气孤。千家窥驿舫，五马饮春湖。
柳色供诗用，莺声送酒须。知君望乡处，枉道上姑苏。

【奉送李宾客荆南迎亲】

岑参

迎亲辞旧苑，恩诏下储闾。昨见双鱼去，今看驷马归。
驿帆湘水阔，客舍楚山稀。手把黄香扇，身披莱子衣。
鹊随金印喜，乌傍板舆飞。胜作东征赋，还家满路辉。

【送严维下第还江东】

岑参

勿叹今不第，似君殊未迟。且归沧洲去，相送青门时。
望鸟指乡远，问人愁路疑。敝裘沾暮雪，归棹带流澌。
严子滩复在，谢公文可追。江皋如有信，莫不寄新诗。

【六月三十日水亭送华阴王少府还县（得 潭字）】

岑参

亭晚人将别，池凉酒未酣。关门劳夕梦，仙掌引归骖。
荷叶藏鱼艇，藤花冒客簪。残云收夏暑，新雨带秋岚。
失路情无适，离怀思不堪。赖兹庭户里，别有小江潭。

【饯王岑判官赴襄阳道】

岑参

故人汉阳使，走马向南荆。不厌楚山路，只怜襄水清。
津头习氏宅，江上夫人城。夜入橘花宿，朝穿桐叶行。
害群应自惧，持法固须平。暂得青门醉，斜光速去程。

【送薛弁归河东】

岑参

薛侯故乡处，五老峰西头。归路秦树灭，到乡河水流。
看君马首去，满耳蝉声愁。献赋今未售，读书凡几秋。
应过伯夷庙，为上关城楼。楼上能相忆，西南指雍州。

【送薛播擢第归河东】

岑参

归去新战胜，盛名人共闻。乡连渭川树，家近条山云。
夫子能好学，圣朝全用文。弟兄负世誉，词赋超人群。
雨气醒别酒，城阴低暮曛。遥知出关后，更有一终军。

【送陶铣弃举荆南覲省】

岑参

明时不爱璧，浪迹东南游。何必世人识，知君轻五侯。
采兰度汉水，问绢过荆州。异国有归兴，去乡无客愁。
天寒楚塞雨，月净襄阳秋。坐见吾道远，令人看白头。

【送史司马赴崔相公幕（一作无名氏诗，

一作李

白诗）】

岑参

峥嵘丞相府，清切凤凰池。美尔瑶台鹤，高栖琼树枝。
归飞晴日好，吟弄惠风吹。正有乘轩乐，初当学舞时。
珍禽在罗网，微命若游丝。愿托周南羽，相衔溪水湄。

【送严黄门拜御史大夫再镇蜀川兼覲省】

岑参

授钺辞金殿，承恩恋玉墀。登坛汉主用，讲德蜀人思。
副相韩安国，黄门向子期。刀州重入梦，剑阁再题词。
春草连青绶，晴花间赤旗。山莺朝送酒，江月夜供诗。
许国分忧日，荣亲色养时。苍生望已久，来去不应迟。

【送郭仆射节制剑南】

岑参

铁马擐红缨，幡旗出禁城。明王亲授钺，丞相欲专征。
玉饌天厨送，金杯御酒倾。剑门乘嶮过，阁道踏空行。
山鸟惊吹笛，江猿看洗兵。晓云随去阵，夜月逐行营。
南仲今时往，西戎计日平。将心感知己，万里寄悬旌。

【早秋与诸子登虢州西亭观眺】

岑参

亭高出鸟外，客到与云齐。树点千家小，天围万岭低。
残虹挂陕北，急雨过关西。酒榼缘青壁，瓜田傍绿谿。
微官何足道，爱客且相携。唯有乡园处，依依望不迷。

【佐郡思旧游】

岑参

幸得趋紫殿，却忆侍丹墀。史笔众推直，谏书人莫窥。
平生恒自负，垂老此安卑。同类皆先达，非才独后时。
庭槐宿鸟乱，阶草夜虫悲。白发今无数，青云未有期。

【灭胡曲】

岑参

都护新灭胡，士马气亦粗。萧条虏尘净，突兀天山孤。

【尚书念旧，垂赐袍衣，率题绝句献上，

以申感

谢】

岑参

富贵情还在，相逢岂间然。绨袍更有赠，犹荷故人怜。

【忆长安曲二章寄庞□】

岑参

东望望长安，正值日初出。长安不可见，喜见长安日。
长安何处在，只在马蹄下。明日归长安，为君急走马。

【寄韩樽】

岑参

夫子素多疾，别来未得书。北庭苦寒地，体内今何如。

【醉里送裴子赴镇西】

岑参

醉后未能别，待醒方送君。看君走马去，直上天山云。

【题井陉双谿李道士所居】

岑参

五粒松花酒，双谿道士家。唯求缩却地，乡路莫教赊。

【题云际南峰眼上人读经堂（眼公不下此 堂十五

年矣）】

岑参

结宇题三藏，焚香老一峰。云间独坐卧，只是对山松。

【题梁锬城中高居】

岑参

高住最高处，千家恒眼前。题诗饮酒后，只对诸峰眠。

【题三会寺苍颉造字台】

岑参

野寺荒台晚，寒天古木悲。空阶有鸟迹，犹似造书时。

【日没贺延碛作】

岑参

沙上见日出，沙上见日没。悔向万里来，功名是何物。

【西过渭州，见渭水思秦川】

岑参

渭水东流去，何时到雍州。凭添两行泪，寄向故园流。

【经陇头分水】

岑参

陇水何年有，潺潺逼路傍。东西流不歇，曾断几人肠。

【秋思】

岑参

那知芳岁晚，坐见寒叶堕。吾不如腐草，翻飞作萤火。

【行军九日思长安故园（时未收长安）】

岑参

强欲登高去，无人送酒来。遥怜故园菊，应傍战场开。

【戏题关门】

岑参

来亦一布衣，去亦一布衣。羞见关城吏，还从旧路归。

【叹白发】

岑参

白发生偏速，交人不奈何。今朝两鬓上，更较数茎多。

【题平阳郡汾桥边柳树（参曾居此郡八九年）】

岑参

此地曾居住，今来宛似归。可怜汾上柳，相见也依依。

【失题】

岑参

帝乡北近日，泸口南连蛮。何当遇长房，缩地到京关。

【献封大夫破播仙凯歌六首】

岑参

汉将承恩西破戎，捷书先奏未央宫。

天子预开麟阁待，只今谁数贰师功。
官军西出过楼兰，营幕傍临月窟寒。
蒲海晓霜凝马尾，葱山夜雪扑旌竿。
鸣笳叠鼓拥回军，破国平蕃昔未闻。
丈夫鹊印摇边月，大将龙旗掣海云。
日落辕门鼓角鸣，千群面缚出蕃城。
洗兵鱼海云迎阵，秣马龙堆月照营。
蕃军遥见汉家营，满谷连山遍哭声。
万箭千刀一夜杀，平明流血浸空城。
暮雨旌旗湿未干，胡烟白草日光寒。

《全唐诗》·16

昨夜将军连晓战，蕃军只见马空鞍。

【春光戏题赠李侯】

岑参

燕雀始欲衔花来，君家种桃花未开。
长安二月眼看尽，寄报春风早为催。

【过燕支寄杜位】

岑参

燕支山西酒泉道，北风吹沙卷白草。
长安遥在日光边，忆君不见令人老。

【题苜蓿峰寄家人】

岑参

苜蓿峰边逢立春，胡芦河上泪沾巾。
闺中只是空相忆，不见沙场愁杀人。

【玉关寄长安李主簿】

岑参

东去长安万里馀，故人何惜一行书。
玉关西望堪肠断，况复明朝是岁除。

【武威送刘判官赴碛西行军】

岑参

火山五月行人少，看君马去疾如鸟。
都护行营太白西，角声一动胡天晓。

【虢州后亭送李判官使赴晋绛（得秋字）】

岑参

西原驿路挂城头，客散红亭雨未收。

君去试看汾水上，白云犹似汉时秋。

【五月四日送王少府归华阴（得留字）】

岑参

仙掌分明引马头，西看一点是关楼。
五月也须应到舍，知君不肯更淹留。

【原头送范侍御（得山字）】

岑参

百尺原头酒色殷，路傍骢马汗斑斑。
别君只有相思梦，遮莫千山与万山。

【送李明府赴睦州，便拜觐太夫人】

岑参

手把铜章望海云，夫人江上泣罗裙。
严滩一点舟中月，万里烟波也梦君。

【虢州西山亭子送范端公（得浓字）】

岑参

百尺红亭对万峰，平明相送到斋钟。

骢马劝君皆卸却，使君家酝旧来浓。

【奉送贾侍御使江外】

岑参

新骑骢马复承恩，使出金陵过海门。

荆南渭北难相见，莫惜衫襟著酒痕。

【崔仓曹席上送殷寅充石相判官赴淮南】

岑参

清淮无底绿江深，宿处津亭枫树林。

驷马欲辞丞相府，一樽须尽故人心。

【送崔子还京】

岑参

匹马西从天外归，扬鞭只共鸟争飞。
送君九月交河北，雪里题诗泪满衣。

【酒泉太守席上醉后作】

岑参

酒泉太守能剑舞，高堂置酒夜击鼓。
胡笳一曲断人肠，座上相看泪如雨。

【题观楼】

岑参

荒楼荒井闭空山，关令乘云去不还。
羽盖霓旌何处去，空留药臼向人间。

【草堂村寻罗生不遇】

岑参

数株谿柳色依依，深巷斜阳暮鸟飞。
门前雪满无人迹，应是先生出未归。

【山房春事二首】

岑参

风恬日暖荡春光，戏蝶游蜂乱入房。
数枝门柳低衣桁，一片山花落笔床。
梁园日暮乱飞鸦，极目萧条三两家。
庭树不知人死尽，春来还发旧时花。

【逢入京使】

岑参

故园东望路漫漫，双袖龙钟泪不干。
马上相逢无纸笔，凭君传语报平安。

【过碛】

岑参

黄沙碛里客行迷，四望云天直下低。
为言地尽天还尽，行到安西更向西。

【碛中作】

岑参

走马西来欲到天，辞家见月两回圆。
今夜不知何处宿，平沙万里绝人烟。

【赴北庭度陇思家】

岑参

西向轮台万里馀，也知乡信日应疏。
陇山鹦鹉能言语，为报家人数寄书。

【胡歌】

岑参

黑姓蕃王貂鼠裘，葡萄宫锦醉缠头。
关西老将能苦战，七十行兵仍未休。

【赵将军歌】

岑参

九月天山风似刀，城南猎马缩寒毛。
将军纵博场场胜，赌得单于貂鼠袍。

【醉戏窦子美人】

岑参

朱唇一点桃花殷，宿妆娇羞偏髻鬟。
细看只似阳台女，醉著莫许归巫山。

【秋夜闻笛】

岑参

天门街西闻捣帛，一夜愁杀湘南客。
长安城中百万家，不知何人吹夜笛。

【戏问花门酒家翁】

岑参

老人七十仍沽酒，千壶百瓮花门口。
道傍榆荚仍似钱，摘来沽酒君肯否。

【春梦】

岑参

洞房昨夜春风起，故人尚隔湘江水。
枕上片时春梦中，行尽江南数千里。

【冬夕】

岑参

浩汗霜风刮天地，温泉火井无生意。
泽国龙蛇冻不伸，南山瘦柏消残翠。

【句】

岑参

初程莫早发，且宿灞桥头。

第二百零二卷

【武阳送别】

沈宇

菊黄芦白雁初飞，羌笛胡笳泪满衣。
送君肠断秋江水，一去东流何日归。

【捣衣】

沈宇

日暮远天青，霜风入后庭。洞房寒未掩，砧杵夜泠泠。

【代闺人】

沈宇

杨柳青青鸟乱吟，春风香霭洞房深。
百花帘下朝窥镜，明月窗前夜理琴。

【江南遇雨】

张鼎

江天寒意少，冬月雨仍飞。出户愁为听，从风洒客衣。
旅魂惊处断，乡信意中微。几日应晴去，孤舟且欲归。

【邺城引】

张鼎

君不见汉家失统三灵变，魏武争雄六龙战。

荡海吞江制中国，回天运斗应南面。隐隐都城紫陌开，
迢迢分野黄星见。流年不驻漳河水，明月俄终邺国宴。
文章犹入管弦新，帷座空销狐兔尘。可惜望陵歌舞处，
松风四面暮愁人。

【僧舍小池】

张鼎

引出白云根，潺潺涨藓痕。冷光摇砌锡，疏影露枝猿。
净带凋霜叶，香通洗药源。贝多文字古，宜向此中翻。

【拟古】

薛奇童

沙尘朝蔽日，失道还相遇。寒影波上云，秋声月前树。
川气生晓夕，野阴乍烟雾。沉沉淩池水，人马不敢渡。
吮痛世所薄，挟纆恩难顾。不见古时人，中宵泪横注。

【和李起居秋夜之作】

薛奇童

过庭闻礼日，趋侍记言回。独卧玉窗前，卷帘残雨来。
高秋南斗转，凉夜北堂开。水影入朱户，萤光生绿苔。

简成良史笔，年是洛阳才。莫重白云意，时人许上台。

【吴声子夜歌（一作崔国辅诗，题云古意）】

薛奇童

净扫黄金阶，飞霜皓如雪。下帘弹箜篌，不忍见秋月。

【塞下曲】

薛奇童

骄虏初南下，烟尘暗国中。独召李将军，夜开甘泉宫。
一身许明主，万里总元戎。霜甲卧不暖，夜半闻边风。
胡天早飞雪，荒徼多转蓬。寒云覆水重，秋气连海空。
金鞍谁家子，上马鸣角弓。自是幽并客，非论爱立功。

【云中行】

薛奇童

云中小儿吹金管，向晚因风一川满。塞北云高心已悲，
城南木落肠堪断。忆昔魏家都此方，凉风观前朝百王。
千门晓映山川色，双阙遥连日月光。举杯称寿永相保，
日夕歌钟彻清昊。将军汗马百战场，天子射兽五原草。
寂寞金舆去不归，陵上黄尘满路飞。河边不语伤流水，

川上含情叹落晖。此时独立无所见，日暮寒风吹客衣。

【楚宫词二首】

薛奇童

禁苑春风起，流莺绕合欢。玉窗通日气，珠箔卷轻寒。
杨叶垂阴砌，梨花入井栏。君王好长袖，新作舞衣宽。

日晚梧桐落，微寒入禁垣。月悬三雀观，霜度万秋门。
艳舞矜新宠，愁容泣旧恩。不堪深殿里，帘外欲黄昏。

【长孙十一东山春夜见赠】

杨谏

故人谢城阙，挥手碧云期。溪月照隐处，松风生兴时。
旧林日云暮，芳草岁空滋。甘与子成梦，请君同所思。

【赠知己】

杨谏

江南折芳草，江北赠佳期。江阔水复急，过江常苦迟。
蘋白兰叶青，恐度先香时。美人碧云外，宁见长相思。

【东谿待苏户曹不至】

张万顷

洛阳城东伊水西，千花万竹使人迷。台上柳枝临岸低，
门前荷叶与桥齐。日暮待君君不见，长风吹雨过青谿。

【登天目山下作】

张万顷

去岁离秦望，今冬使楚关。泪添天目水，发变海头山。
别母乌南逝，辞兄雁北还。宦游偏不乐，长为忆慈颜。

【送裴少府】

张万顷

夕膳望东周，晨装不少留。酒中同乐事，关外越离忧。
座湿秦山雨，庭寒渭水秋。何当鹰隼击，来拂故林游。

【旅次灞亭】

沈颂

闲琴开旅思，清夜有愁心。圆月正当户，微风犹在林。
苍茫孤亭上，历乱多秋音。言念待明发，东山幽意深。

【春旦歌】

沈颂

常闻嬴女玉箫台，奏曲情深彩凤来。
欲登此地销归恨，却羡双飞去不回。

【早发西山】

沈颂

游子空有怀，赏心杳无路。前程数千里，乘夜连轻驭。
缭绕松筱中，苍茫犹未曙。遥闻孤村犬，暗指人家去。
疲马怀涧泉，征衣犯霜露。喧呼谿鸟惊，沙上或骞翥。
娟娟东岑月，照耀独归虑。

【送人还吴】

沈颂

人心不忘乡，矧余客已久。送君江南去，秋醉洛阳酒。
赠言幽径兰，别思河堤柳。征帆暮风急，望望空延首。

【送金文学还日东】

沈颂

君家东海东，君去因秋风。漫漫指乡路，悠悠如梦中。
烟雾积孤岛，波涛连太空。冒险当不惧，皇恩措尔躬。

【卫中作】

沈颂

卫风愉艳宜春色，淇水清泠增暮愁。
总使榴花能一醉，终须萱草暂忘忧。

【天长节】

梁锬

日月生天久，年年庆一回。时平祥不去，寿远节长来。
连吹千家笛，同朝百郡杯。愿持金殿镜，处处照遗才。

【长门怨】

梁锬

妾命何偏薄，君王去不归。欲令遥见悔，楼上试春衣。
空殿看人入，深宫羡鸟飞。翻悲因买赋，索镜照空辉。

【美人春卧】

梁锬

妾家巫峡阳，罗幌寝兰堂。晓日临窗久，春风引梦长。
落钗仍挂鬓，微汗欲消黄。纵使朦胧觉，魂犹逐楚王。

【名姝咏】

梁锬锬

阿娇年未多，弱体性能和。怕重愁拈镜，怜轻喜曳罗。
临津双洛浦，对月两嫦娥。独有荆王殿，时时暮雨过。

【艳女词】

梁锬

露井桃花发，双双燕并飞。美人姿态里，春色上罗衣。
自爱频开镜，时羞欲掩扉。不知行路客，遥惹五香归。

【狷氏子】

梁锬锬

杏梁初照日，碧玉后堂开。忆事临妆笑，春娇满镜台。
含声歌扇举，顾影舞腰回。别有佳期处，青楼客夜来。

【戏赠歌者】

梁锱

白皙歌童子，哀音绝又连。楚妃临扇学，卢女隔帘传。
晓燕喧喉里，春莺啖舌边。若逢汉武帝，还是李延年。

【七夕泛舟】

梁锱

云端有灵匹，掩映拂妆台。夜久应摇佩，天高响不来。
片欢秋始展，残梦晓翻催。却怨填河鹊，留桥又不回。

【崔驸马宅咏画山水扇】

梁锱

画扇出秦楼，谁家赠列侯。小含吴剡县，轻带楚扬州。
掩作山云暮，摇成陇树秋。坐来传与客，汉水又回流。

【观王美人海图障子】

梁锜

宋玉东家女，常怀物外多。自从图渤海，谁为觅湘娥。
白鹭栖脂粉，赭魴跃绮罗。仍怜转娇眼，别恨一横波。

【闻百舌鸟】

梁锜

百舌闻他郡，间关媚物华。敛形藏一叶，分响出千花。
坐爱时褰幌，行藏或驻车。不须应独感，三载已辞家。

【省试方士进恒春草】

梁锜

东吴有灵草，生彼剡溪傍。既乱莓苔色，仍连菡萏香。
掇之称远士，持以奉明王。北阙颜弥驻，南山寿更长。
金膏徒骋妙，石髓莫矜良。倘使沾涓滴，还游不死方。

【代征人妻喜夫还】

梁锬

征夫走马发渔阳，少妇含娇开洞房。千日废台还挂镜，
数年尘面再新妆。春风喜出今朝户，明月虚眠昨夜床。
莫道幽闺书信隔，还衣总是旧时香。

【赠李中华】

梁锬

莫向嵩山去，神仙多误人。不如朝魏阙，天子重贤臣。

【咏木老人（一作傀儡吟，一作咏窟磊子 人）】

梁锬

刻木牵丝作老翁，鸡皮鹤发与真同。
须臾弄罢寂无事，还似人生一梦中。

【句】

梁锬

堂高凭上望，宅广乘车行。（《咏郭令公宅》。
见《封氏闻见记》）

第二百零三卷

【客中作】

杜俨

书剑催人不暂闲，洛阳羁旅复秦关。
容颜岁岁愁边改，乡国时时梦里还。

【三月三日曲江侍宴】

赵良器

圣祖发神谋，灵符叶帝求。一人光锡命，万国荷时休。
雷解圜丘毕，云需曲水游。岸花迎步辇，仙仗拥行舟。
睿藻天中降，恩波海外流。小臣同品物，陪此乐皇猷。

【郑国夫人挽歌词】

赵良器

淑德延公胄，宜家接帝姻。桂宫男掌仆，兰殿女升嫔。
恩泽昭前命，盈虚变此辰。万年今已矣，彤管列何人。

【郡中客舍】

黄麟

虫响乱啾啾，更人正数筹。魂归洞庭夜，霜卧洛阳秋。
微月有时隐，长河到晓流。起来还嘱雁，乡信在吴洲。

【途中口号（一作卢僎诗）】

郭向

抱玉三朝楚，怀书十上秦。年年洛阳陌，花鸟弄归人。

【题李将军山亭】

郭良

凤辇将军位，龙门司隶家。衣冠为隐逸，山水作繁华。

径出重林草，池摇两岸花。谁知贵公第，亭院有烟霞。

【早行】

郭良

早行星尚在，数里未天明。不辨云林色，空闻风水声。
月从山上落，河入斗间横。渐至重门外，依稀见洛城。

【过故人旧宅】

王乔

故人轩骑罢归来，旧宅园林闲不开。
唯馀挟瑟楼中妇，哭向平生歌舞台。

【关山月】

徐九皋

玉塞抵长城，金徽映高阙。遥心万馀里，直望三边月。
霜静影逾悬，露晞光渐没。思君不可见，空叹将焉歇。

【战城南】

徐九皋

塞北狂胡旅，城南敌汉围。巉岩一鼓气，拔利五兵威。
虏骑瞻山哭，王师拓地飞。不应须宠战，当遂勒金徽。

【咏史】

徐九皋

亡国秦韩代，荣身刘项年。金槌击政后，玉斗碎增前。
圣主称三杰，明离保四贤。已申黄石祭，方慕赤松仙。

【途中览镜】

徐九皋

四海游长倦，百年愁半侵。赖窥明镜里，时见丈夫心。

【送部四镇人往单于别知故】

徐九皋

天下今无事，云中独未宁。忝驱更戍卒，方远送边庭。
马饮长城水，军占太白星。国恩行可报，何必守经营。

【松滋江北阻风】

阎宽

江风久未歇，山雨复相仍。巨浪天涯起，馀寒川上凝。
忧人劳夕惕，乡事急晨兴。远听知音骇，诚哉不可陵。

【晓入宜都渚】

阎宽

问俗周楚甸，川行眇江潏。兴随晓光发，道会春言深。
回眺佳气象，远怀得山林。伫应舟楫用，曷务归闲心。

【古意】

阎宽

庭树发华滋，瑶草复葳蕤。好鸟飞相从，愁人深此时。
天中有灵匹，日夕嚬蛾眉。愿逐飘风花，千里入遥帷。
心逝爱不见，空歌悲莫悲。

【春宵览月】

阎宽

月生东荒外，天云收夕阴。爱见澄清景，象吾虚白心。
耳目静无哗，神超道性深。乘兴得至乐，寓言因永吟。

【秋怀】

阎宽

下帷长日尽，虚馆早凉生。芳草犹未荐，如何蟋蟀鸣。
秋风已振衣，客去何时归。为问当途者，宁知心有违。

【和中书侍郎院壁画云】

李收

粉壁画云成，如能上太清。影从霄汉发，光照掖垣明。
映筱多幽趣，临轩得野情。独思作霖雨，流润及生灵。

【幽情】

李收

幽人惜春暮，潭上折芳草。佳期何时还，欲寄千里道。

【怀鲁】

程弥纶

曲阜国，尼丘山。周公邈难问，夫子犹启关。
履风雩兮若见，游夏兴兮鲁颜。天孙天孙，
何为今兮学且难，负星明而东游闲闲。

【燕歌行】

屈同仙

君不见渔阳八月塞草腓，征人相对并思归。
云和朔气连天黑，蓬杂惊沙散野飞。是时天地阴埃遍，
瀚海龙城皆习战。两军鼓角暗相闻，四面旌旗看不见。
昭君远嫁已年多，戎狄无厌不复和。汉兵候月秋防塞，
胡骑乘冰夜渡河。河塞东西万馀里，地与京华不相似。
燕支山下少春晖，黄沙碛里无流水。金戈玉剑十年征，
红粉青楼多怨情。厌向殊乡久离别，秋来愁听捣衣声。

【乌江女】

屈同仙

越艳谁家女，朝游江岸傍。青春犹未嫁，红粉旧来娼。
锦袖盛朱橘，银钩摘紫房。见人羞不语，回艇入溪藏。

【昌年宫之作】

豆卢复

但有离宫处，君王每不居。旗门芳草合，辇路小槐疏。
殿闭山烟满，窗凝野霭虚。丰年多望幸，春色待銮舆。

【落第归乡留别长安主人】

豆卢复

客里愁多不记春，闻莺始叹柳条新。
年年下第东归去，羞见长安旧主人。

【奉试咏青】

荆冬倩

路辟天光远，春还月道临。草浓河畔色，槐结路边阴。
未映君王史，先标胄子襟。经明如可拾，自有致云心。

【观汉水】

梁洽

发源自.冢，东注经襄阳。一道入溟渤，别流为沧浪。
求思咏游女，投吊悲昭王。水滨不可问，日暮空汤汤。

【游越溪】

郑绍

溪水碧悠悠，猿声断客愁。渔潭逢钓楫，月浦值孤舟。
访泊随烟火，迷途视斗牛。今宵越乡意，还取醉忘忧。

【登楼（一作王之涣诗）】

朱斌

白日依山尽，黄河入海流。欲穷千里目，更上一重楼。

【感寓二首】

梁德裕

彩云呈瑞质，五色发人寰。独作龙虎状，孤飞天地间。

隐隐临北极，峨峨象南山。恨在帝乡外，不逢枝叶攀。
幽涧生蕙若，幽渚老江蓠。荣落人不见，芳香徒尔为。
不及绿萍草，生君红莲池。左右美人弄，朝夕春风吹。
叶洗玉泉水，珠清湛露滋。心亦愿如此，托君君不知。

【咏谈容娘】

常非月

举手整花钿，翻身舞锦筵。马围行处匝，人压看场圆。
歌要齐声和，情教细语传。不知心大小，容得许多怜。

【览史】

张良璞

享年八十已，历数穷苍生。七虎门源上，咆哮关内鸣。
建都用鹑宿，设险因金城。舜曲烟火起，汾河珠翠明。
海云引天仗，朔雪留边兵。作孽人怨久，其亡鬼信盈。
素灵感刘季，白马从子婴。昏虐不务德，百代无芳声。

【奉试冷井诗】

孙欣

仙闾井初凿，灵液沁成泉。色湛青苔里，寒凝紫绶边。

铜瓶向影落，玉盃抱虚圆。永愿调神鼎，尧时泰万年。

【都中闲居】

王美门

君王巡海内，北阙下明台。云物天中少，烟花岁后来。
河从御苑出，山向国门开。寂寞东京里，空留贾谊才。

【江南弄】

芮挺章

春江可怜事，最在美人家。鹦鹉能言鸟，芙蓉巧笑花。
地衔金作埽，水抱玉为沙。薄晚青丝骑，长鞭赴狭斜。

【少年行】

芮挺章

任气称张放，衔恩在少年。玉阶朝就日，金屋夜升天。

轩骑青云际，笙歌绿水边。建章明月好，留醉伴风烟。

【伊水门】

楼颖

朝涉伊水门，伊水入门流。惬心乃成兴，澹然泛孤舟。
霏微傍青霭，容与随白鸥。竹阴交前浦，柳花媚中洲。
日落阴云生，弥觉兹路幽。聊以恣所适，此外知何求。

【东郊纳凉，忆左威卫李录事收昆季、太

原崔参

军三首】

楼颖

水竹谁家宅，幽庭向苑门。今知季伦沼，旧是辟疆园。
饥鹭窥鱼静，鸣鸦带子喧。兴成只自适，欲白返忘言。
纳凉每选地，近是青门东。林与缭垣接，池将沁水通。
枝交帝女树，桥映美人虹。想是忘机者，悠悠在兴中。
林间求适意，池上得清飙。稍稍斜回楫，时时一度桥。
水光壁际动，山影浪中摇。不见李元礼，神仙何处要。

【西施石】

楼颖

西施昔日浣纱津，石上青苔思杀人。
一去姑苏不复返，岸旁桃李为谁春。

【江南行】

李康成

杨柳青青莺欲啼，风光摇荡绿蘋齐，金阴城头日色低。
日色低，情难极，水中凫鹭双比翼。

【采莲曲】

李康成

采莲去，月没春江曙。翠钿红袖水中央，
青荷莲子杂衣香，云起风生归路长。归路长，那得久。
各回船，两摇手。

【玉华仙子歌】

李康成

紫阳仙子名玉华，珠盘承露饵丹砂。转态凝情五云里，
娇颜千岁芙蓉花。紫阳彩女矜无数，遥见玉华皆掩呼。
高堂初日不成妍，洛渚流风徒自怜。璇阶霓绮阁，
碧题霜罗幕。仙娥桂树长自春，王母桃花未尝落。
上元夫人宾上清，深宫寂历厌层城。解佩空怜郑交甫，
吹箫不逐许飞琼。溶溶紫庭步，渺渺瀛台路。
兰陵贵士谢相逢，济北书生尚回顾。沧洲傲吏爱金丹，
清心回望云之端。羽盖霓裳一相识，传情写念长无极。
长无极，永相随。攀霄历金阙，弄影下瑶池。
夕宿紫府云母帐，朝餐玄圃昆仑芝。不学兰香中道绝，
却教青鸟报相思。

【自君之出矣】

李康成

自君之出矣，弦吹绝无声。思君如百草，撩乱逐春生。

【句】

李康成

因缘苟会合，万里犹同乡。运命倘不谐，隔壁无津梁。

（《经籍考》云：康成编《玉台后集》，中间自载其诗八首，如《河阳居家女》长篇一首，押五十二韵，

若欲与《木兰》及《孔雀东南飞》之作方驾者，
末四句云云，亦佳）

第二百零四卷

【时兴】

杨贲

贵人昔未贵，咸愿顾寒微。及自登枢要，何曾问布衣。
平明登紫阁，日晏下彤闱。扰扰路傍子，无劳歌是非。

【咏石季伦】

李清

金谷繁华石季伦，只能谋富不谋身。
当时纵与绿珠去，犹有无穷歌舞人。

【鹤警露】

陈季

南国商飙动，东皋野鹤鸣。溪松寒暂宿，露草滴还惊。
欲有高飞意，空闻召侣情。风间传藻质，月下引清声。
未假抟扶势，焉知羽翼轻。吾君开太液，愿得应皇明。

【湘灵鼓瑟】

陈季

神女泛瑶瑟，古祠严野亭。楚云来泱泱，湘水助清泠。
妙指微幽契，繁声入杳冥。一弹新月白，数曲暮山青。
调苦荆人怨，时遥帝子灵。遗音如可赏，试奏为君听。

【湘灵鼓瑟】

王邕

宝瑟和琴韵，灵妃应乐章。依稀闻促柱，仿佛梦新妆。
波外声初发，风前曲正长。凄清和万籁，断续绕三湘。
转觉云山迥，空怀杜若芳。诚能传此意，雅奏在宫商。

【嵩山望幸】

王邕

峻极位何崇，方知造化功。降灵逢圣主，望幸表维嵩。

隐映连青壁，嵯峨向碧空。象车因叶瑞，龙驾愿升中。
万岁声长在，千岩气转雄。东都歌盛事，西笑伫皇风。

【湘灵鼓瑟】

庄若讷

帝子鸣金瑟，馀声自抑扬。悲风丝上断，流水曲中长。
出没游鱼听，逶迤彩凤翔。微音时扣徵，雅韵乍含商。
神理诚难测，幽情讵可量。至今闻古调，应恨滞三湘。

【湘灵鼓瑟】

魏瓘

瑶瑟多哀怨，朱弦且莫听。扁舟三楚客，丛竹二妃灵。
淅沥闻馀响，依稀欲辨形。柱间寒水碧，曲里暮山青。
良马悲衔草，游鱼思绕萍。知音若相遇，终不滞南溟。

【怀素上人草书歌（一本作王邕诗，今从 统签另编）】

王邕页

衡阳双峡插天峻，青壁巉巉万馀仞。此中灵秀众所知，

草书独有怀素奇。怀素身长五尺四，嚼汤诵咒吁可畏。
铜瓶锡杖倚闲庭，斑管秋毫多逸意。或粉壁，或彩笺，
蒲葵绢素何相鲜。忽作风驰如电掣，更点飞花兼散雪。

寒猿饮水撼枯藤，壮士拔山伸劲铁。
君不见张芝昔日称独贤，君不见近日张旭为老颠。
二公绝艺人所惜，怀素传之得真迹。峥嵘蹙出海上山，
突兀状成湖畔石。一纵又一横，一欹又一倾。
临江不羡飞帆势，下笔长为骤雨声。我牧此州喜相识，
又见草书多慧力。怀素怀素不可得，开卷临池转相忆。

【怀素上人草书歌】

窦冀

狂僧挥翰狂且逸，独任天机摧格律。龙虎惭因点画生，
雷霆却避锋芒疾。鱼笺绢素岂不贵，只嫌局促儿童戏。
粉壁长廊数十间，兴来小豁胸襟气。长幼集，贤豪至，
枕糟藉麹犹半醉。忽然绝叫三五声，满壁纵横千万字。
吴兴张老尔莫颠，叶县公孙我何谓。如熊如罴不足比，
如虺如蛇不足拟。涵物为动鬼神泣，狂风入林花乱起。
殊形怪状不易说，就中惊燥尤枯绝。边风杀气同惨烈，
崩槎卧木争摧折。塞草遥飞大漠霜，胡天乱下阴山雪。
偏看能事转新奇，郡守王公同赋诗。枯藤劲铁愧三舍，
骤雨寒猿惊一时。此生绝艺人莫测，假此常为护持力。
连城之璧不可量，五百年知草圣当。

【怀素上人草书歌】

鲁收

吾观文士多利用，笔精墨妙诚堪重。身上艺能无不通，就中草圣最天纵。有时兴酣发神机，抽毫点墨纵横挥。风声吼烈随手起，龙蛇迸落空壁飞。连拂数行势不绝，藤悬查蹙生奇节。划然放纵惊云涛，或时顿挫萦毫发。自言转腕无所拘，大笑羲之用阵图。狂来纸尽势不尽，投笔抗声连叫呼。信知鬼神助此道，墨池未尽书已好。行路谈君口不容，满堂观者空绝倒。所恨时人多笑声，唯知贱实翻贵名。观尔向来三五字，颠奇何谢张先生。

【怀素上人草书歌】

朱逵

几年出家通宿命，一朝却忆临池圣。转腕摧锋增崛崎，秋毫茧纸常相随。衡阳客舍来相访，连饮百杯神转王。忽闻风里度飞泉，纸落纷纷如跕鸢。形容脱略真如助，心思周游在何处。笔下惟看激电流，字成只畏盘龙去。怪状崩腾若转蓬，飞丝历乱如回风。长松老死倚云壁，蹙浪相翻惊海鸿。于今年少尚如此，历睹远代无伦比。妙绝当动鬼神泣，崔蔡幽魂更心死。

【题怀素上人草书】

许瑶

志在新奇无定则，古瘦漓紈半无墨。
醉来信手两三行，醒后却书书不得。

第二百零五卷

【祀风师乐章·迎神】

包佶

太皞御气，句芒肇功。苍龙青旗，爰候祥风。
律以和应，神以感通。鼎俎修蚩，时惟礼崇。

【祀风师乐章·奠币登歌】

包佶

旨酒告洁，青蘋应候。礼陈瑶币，乐献金奏。
弹弦自昔，解冻惟旧。仰瞻肸蚩，群祥来凑。

【祀风师乐章·迎俎酌献】

包佶

德盛昭临，迎拜翼方。爰候发生，式荐馨香。

酌醴具举，工歌再扬。神歆入律，恩降百祥。

【祀风师乐章·亚献终献】

包佶

膋芻备，玉帛陈。风动物，乐感神。

三献终，百神臻。草木荣，天下春。

【祀风师乐章·送神】

包佶

微穆敷华能应节，飘扬发彩宜行庆。送迎灵驾神心飨，

跪拜灵坛礼容盛。气和草木发萌芽，德畅禽鱼遂翔泳。

永望翠盖逐流云，自兹率主调春令。

【祀雨师乐章·迎神】

包佶

陟降左右，诚达幽圆。作解之功，乐惟有年。
云輶戾止，洒雾飘烟。惟馨展礼，爰列豆笾。

【祀雨师乐章·奠币登歌】

包佶

岁正朱明，礼布玄制。惟乐能感，与神合契。
阴雾离披，灵驭摇裔。膏泽之庆，期于稔岁。

【祀雨师乐章·迎俎酌献】

包佶

阳开幽蛰，躬奉郁鬯。礼备节应，震来灵降。
动植求声，飞沉允望。时康气茂，惟神之贶。

【祀雨师乐章·亚献终献】

包佶

奠既备，献将终。神行令，瑞飞空。
迎乾德，祈岁功。乘烟燎，俨从风。

【祀雨师乐章·送神】

包佶

整驾升车望寥廓，垂阴荐祉荡昏氛。飨时灵贶僊如在，
乐罢馀声遥可闻。饮福陈诚礼容备，撤俎终献曙光分。
跪拜临坛结空想，年年应节候油云。

【答窦拾遗卧病见寄】

包佶

今春扶病移沧海，几度承恩对白花。送客屡闻帘外鹊，
销愁已辨酒中蛇。瓶开枸杞悬泉水，鼎炼芙蓉伏火砂。
误入尘埃牵吏役，羞将簿领到君家。

【对酒赠故人】

包佶

扶起离披菊，霜轻喜重开。醉中惊老去，笑里觉愁来。
月送人无尽，风吹浪不回。感时将有寄，诗思涩难裁。

【同李吏部伏日口号，呈元庶子、路中丞】

包佶

火炎逢六月，金伏过三庚。几度衣裳汗，谁家枕簟清。
颁冰无下位，裁扇有高名。吏部还开瓮，殷勤二客情。

【岭下卧疾，寄刘长卿员外】

包佶

唯有贫兼病，能令亲爱疏。岁时供放逐，身世付空虚。
胫弱秋添絮，头风晓废梳。波澜喧众口，藜藿静吾庐。
丧马思开卦，占泉懒发书。十年江海隔，离恨子知予。

【戏题诸判官厅壁】

包佶

六十老翁无所取，二三君子不相遗。
愿留今日交欢意，直到隳官谢病时。

【酬兵部李侍郎晚过东厅之作（时自刑部

侍郎拜

祭酒）】

包佶

酒礼惭先祭，刑书已旷官。诏驰黄纸速，身在绛纱安。

圣位登堂静，生徒跪席寒。庭槐暂摇落，幸为入春看。

【昭德皇后挽歌词】

包佶

西汜驰晖过，东园别路长。岁华唯陇柏，春事罢公桑。

龟兆开泉户，禽巢闭画梁。更闻哀礼过，明诏制心丧。

【秋日过徐氏园林】

包佶

回塘分越水，古树积吴烟。扫竹催铺席，垂萝待系船。
鸟窥新罅栗，龟上半欹莲。屡入忘归地，长嗟俗事牵。

【双山过信公所居】

包佶

遥礼前朝塔，微闻后夜钟。人间第四祖，云里一双峰。
积雨封苔径，多年亚石松。传心不传法，谁可继高踪。

【尚书宗兄使过诗以奉献】

包佶

洛下交亲满，归闲意有馀。翻嫌旧坐宅，却驾所悬车。
腹饱山僧供，头轻侍婢梳。上官唯揖让，半禄代耕锄。
雨散三秋别，风传一字书。胜游如可继，还欲并园庐。

【抱疾谢李吏部赠诃黎勒叶】

包佶

一叶生西徼，賁来上海查。岁时经水府，根本别天涯。
方士真难见，商胡辄自夸。此香同异域，看色胜仙家。
茗饮暂调气，梧丸喜伐邪。幸蒙祛老疾，深愿驻韶华。

【奉和柳相公中书言怀】

包佶

运筹时所贵，前席礼偏深。羸驾归贫宅，欹冠出禁林。
凤巢方得地，牛喘最关心。雅望期三入，东山未可寻。

【客自江南话过亡友朱司议故宅】

包佶

交臂多相共，风流忆此人。海翻移里巷，书蠹积埃尘。
奉佛栖禅久，辞官上疏频。故来分半宅，惟是旧交亲。

【酬于侍郎湖南见寄十四韵】

包佶

桂岭千崖断，湘流一派通。长沙今贾傅，东海旧于公。
章甫经殊俗，离骚继雅风。金闺文作字，玉匣气成虹。
翰墨时招侣，丹青夙在公。主恩留左掖，人望积南宫。
巧拙循名异，浮沉顾位同。九迁归上略，三已契愚衷。
责谢庭中吏，悲宽塞上翁。楚材欣有适，燕石愧无功。
山晓重岚外，林春苦雾中。雪花翻海鹤，波影倒江枫。
去札频逢信，回帆早挂空。避贤方有日，非敢爱微躬。

【朝拜元陵】

包佶

宫前石马对中峰，云里金铺闭几重。

不见露盘迎晓日，唯闻木斧扣寒松。

【发襄阳后却寄公安人】

包佶

挥泪送回人，将书报所亲。晚年多疾病，中路有风尘。
王粲频征楚，君恩许入秦。还同星火去，马上别江春。

【立春后休沐】

包佶

心与青春背，新年亦掩扉。渐穷无相学，惟避不材讥。
积病攻难愈，衔恩报转微。定知书课日，优诏许辞归。

【宿庐山，赠白鹤观刘尊师】

包佶

苍苍五老雾中坛，杳杳三山洞里官。手护昆仑象牙简，
心推霹雳枣枝盘。春飞雪粉如毫润，晓漱琼膏冰齿寒。
渐恨流年筋力少，惟思露冕事星冠。

【观壁画九想图】

包佶

一世荣枯无异同，百年哀乐又归空。
夜阑鸟鹊相争处，林下真僧在定中。

【送日本国聘贺使晁巨卿东归】

包佶

上才生下国，东海是西邻。九译蕃君使，千年圣主臣。
野情偏得礼，木性本含真。锦帆乘风转，金装照地新。
孤城开蜃阁，晓日上朱轮。早识来朝岁，涂山玉帛均。

【顾著作宅赋诗】

包佶

几年江海烟霞，乘醉一到京华。已觉不嫌羊酪，
谁能长守兔置。脱巾偏招相国，逢竹便认吾家。
各在芸台阁里，烦君日日登车。

【近获风痺之疾，题寄所怀】

包佶

病夫将已矣，无可答君恩。衾枕同羁客，图书委外孙。
久来从吏道，常欲奉空门。疾走机先息，欹行力渐烦。
无医能却老，有变是游魂。鸟宿还依伴，蓬飘莫问根。
寓形齐指马，观境制心猿。唯借南荣地，清晨暂负暄。

【奉和常阁老晚秋集贤院即事，寄赠徐、

薛二侍

郎】

包佶

秘殿掖垣西，书楼苑树齐。秋烟凝缥帙，晓色上璇题。
门接承明近，池连太液低。疏钟文马驻，繁叶彩禽栖。
职美纶将綍，荣深组及珪。九霄偏眷顾，三事早提携。
对案临青玉，窥书捧紫泥。始欢新遇重，还惜旧游睽。
左宦登吴岫，分家渡越溪。赋中频叹鵬，卜处几听鸡。
望阙应多恋，临津不用迷。柏梁思和曲，朝夕候金闺。

【酬顾况见寄】

包佶

于越城边枫叶高，楚人书里寄离骚。
寒江鸂鶒思侑侣，岁岁临流刷羽毛。

【岁日作（一作口号）】

包佶

更劳今日春风至，枯树无枝可寄花。
览镜唯看飘乱发，临风谁为驻浮槎。

【元日观百僚朝会】

包佶

万国贺唐尧，清晨会百僚。花冠萧相府，绣服霍嫖姚。
寿色凝丹槛，欢声彻九霄。御炉分兽炭，仙管弄云韶。
日照金觞动，风吹玉佩摇。都城献赋者，不得共趋朝。

【再过金陵】

包佶

玉树歌终王气收，雁行高送石城秋。
江山不管兴亡事，一任斜阳伴客愁。

【寄杨侍御（一作包何诗）】

包佶

一官何幸得同时，十载无媒独见遗。
今日不论腰下组，请君看取鬓边丝。

第二百零六卷

【江上曲】

李嘉祐

江心澹澹芙蓉花，江口蛾眉独浣纱。可怜应是阳台女，
对坐鹭鸶娇不语。掩面羞看北地人，回身忽作空山语。
苍梧秋色不堪论，千载依依帝子魂。君看峰上斑斑竹，
尽是湘妃泣泪痕。

【伤吴中】

李嘉祐

馆娃宫中春已归，阖闾城头莺已飞。复见花开人又老，
横塘寂寂柳依依。忆昔吴王在宫阙，馆娃满眼看花发。
舞袖朝欺陌上春，歌声夜怨江边月。古来人事亦犹今，

莫厌清觞与绿琴。独向西山聊一笑，白云芳草自知心。

【夜闻江南人家赛神，因题即事】

李嘉祐

南方淫祀古风俗，楚姬解唱迎神曲。锵锵铜鼓芦叶深，
寂寂琼筵江水绿。雨过风清洲渚闲，椒浆醉尽迎神还。
帝女凌空下湘岸，番君隔浦向尧山。月隐回塘犹自舞，
一门依倚神之祐。韩康灵药不复求，扁鹊医方曾莫睹。
逐客临江空自悲，月明流水无已时。听此迎神送神曲，
携觞欲吊屈原祠。

【古兴】

李嘉祐

十五小家女，双鬟人不如。蛾眉暂一见，可直千金馀。
自从得向蓬莱里，出入金舆乘玉趾。梧桐树上春鸦鸣，
晓伴君王犹未起。莫道君恩长不休，婕妤团扇苦悲秋。
君看魏帝邺都里，惟有铜台漳水流。

【杂兴】

李嘉祐

花间昔日黄鹂啖，妾向青楼已生怨。花落黄鹂不复来，
妾老君心亦应变。君心比妾心，妾意旧来深。
一别十年无尺素，归时莫赠路傍金。

【送韦邕少府归钟山】

李嘉祐

祈门官罢后，负笈向桃源。万卷长开帙，千峰不闭门。
绿杨垂野渡，黄鸟傍山村。念尔能高枕，丹墀会一论。

【送卢员外往饶州】

李嘉祐

为郎复典郡，锦帐映朱轮。露冕随龙节，停桡得水人。
早霜芦叶变，寒雨石榴新。莫怪谙风土，三年作逐臣。

【送裴五归京口】

李嘉祐

君罢江西日，家贫为一官。还归五陵去，只向远峰看。
暮色催人别，秋风待雨寒。遥知到三径，唯有菊花残。

【送严维归越州】

李嘉祐

艰难只用武，归向浙河东。松雪千山暮，林泉一水通。
乡心缘绿草，野思看青枫。春日偏相忆，裁书寄剡中。

【送杜士瞻楚州覲省】

李嘉祐

风流与才思，俱似晋时人。淮月归心促，江花入兴新。
云深沧海暮，柳暗白田春。共道官犹小，怜君孝养亲。

【送裴宣城上元所居】

李嘉祐

水流过海稀，尔去换春衣。泪向槟榔尽，身随鸿雁归。
草思晴后发，花怨雨中飞。想到金陵渚，酣歌对落晖。

【留别毗陵诸公】

李嘉祐

久作涪阳令，丹墀忽再还。凄凉辞泽国，离乱到乡山。
北固滩声满，南徐草色闲。知心从此别，相忆鬓毛斑。

【送独孤拾遗先辈先赴上都】

李嘉祐

行春日已晓，桂楫逐寒烟。转曲遥峰出，看涛极浦连。
入京当献赋，封事更闻天。日日趋黄阁，应忘云海边。

【常州韦郎中泛舟见饯】

李嘉祐

主人冯轼贵，送客泛舟稀。逼岸随芳草，回绕背落晖。
映花双节驻，临水伯劳飞。醉与群公狎，春塘露冕归。

【送崔侍御入朝】

李嘉祐

十年犹执宪，万里独归春。旧国逢芳草，青云见故人。
潘郎今发白，陶令本家贫。相送临京口，停桡泪满巾。

【送岳州司马弟之任】

李嘉祐

岳阳天水外，念尔一帆过。野墅人烟迥，山城雁影多。
有时巫峡色，终日洞庭波。丞相今为郡，应无劳者歌。

【裴侍御见赠斑竹杖】

李嘉祐

骚人夸竹杖，赠我意何深。万点湘妃泪，三年贾谊心。
愿持终白首，谁道贵黄金。他日归愚谷，偏宜绿绮琴。

【送张观归袁州】

李嘉祐

羡尔湘东去，烟花尚可亲。绿芳深映鸟，远岫递迎人。
饥狖啼初日，残莺惜暮春。遥怜谢客兴，佳句又应新。

【冬夜饶州使堂饯相公五叔赴歙州】

李嘉祐

丞相过邦牧，清弦送羽觞。高情同客醉，子夜为人长。
斜汉初过斗，寒云正护霜。新安江自绿，明主待惟良。

【蒋山开善寺（一作崔峒诗）】

李嘉祐

山殿秋云里，香烟出翠微。客寻朝磬至，僧背夕阳归。
下界千门在，前朝万事非。看心兼送目，葭菼自依依。

【晚发江宁道中呈严维】

李嘉祐

惆怅遥江路，萧条落日过。蝉鸣独树急，鸦向古城多。
转曲随青嶂，因高见白波。潘生秋径草，严子意如何。

【句容县东青阳馆作】

李嘉祐

句曲千峰暮，归人向远烟。风摇近水叶，云护欲晴天。

夕照留山馆，秋光落草田。征途傍斜日，一骑独翩翩。

【晚春宴无锡蔡明府西亭】

李嘉祐

茅檐闲寂寂，无事觉人和。井近时浇圃，城低下见河。
兴缘芳草积，情向远峰多。别日归吴地，停桡更一过。

【送王端赴朝】

李嘉祐

君承明主意，日日上丹墀。东阁论兵后，南宫草奏期。
人稀傍河处，槐暗入关时。独遣吴州客，平陵结梦思。

【送王正字山寺读书】

李嘉祐

欲究先儒教，还过支遁居。山阶闲听法，竹径独看书。
向日荷新卷，迎秋柳半疏。风流有佳句，不似带经锄。

【送房明府罢长宁令湖州客舍】

李嘉祐

君为万里宰，恩及五湖人。未满先求退，归闲不厌贫。
远峰晴更近，残柳雨还新。要自趋丹陛，明年鸡树亲。

【咏萤】

李嘉祐

映水光难定，凌虚体自轻。夜风吹不灭，秋露洗还明。
向烛仍分焰，投书更有情。犹将流乱影，来此傍檐楹。

【送李中丞、杨判官】

李嘉祐

射策名先著，论兵气自雄。能全季布诺，不道鲁连功。
流水蒹葭外，诸山睥睨中。别君秋日晚，回首夕阳空。

【至七里滩作】

李嘉祐

迁客投於越，临江泪满衣。独随流水远，转觉故人稀。
万木迎秋序，千峰驻晚晖。行舟犹未已，惆怅暮潮归。

【南浦渡口】

李嘉祐

寂寞横塘路，新篁覆水低。东风潮信满，时雨稻梗齐。
寡妇共租税，渔人逐鼓鼙。惭无卓鲁术，解印谢黔黎。

【暮秋迁客增思寄京华】

李嘉祐

宋玉怨三秋，张衡复四愁。思乡雁北至，欲别水东流。
倚树看黄叶，逢人诉白头。佳期不可失，落日自登楼。

【送苏修往上饶】

李嘉祐

爱尔无羁束，云山恣意过。一身随远岫，孤棹任轻波。

世事关心少，渔家寄宿多。芦花泊舟处，江月奈人何。

【题王十九茆堂】

李嘉祐

满庭多种药，入里作山家。终日能留客，凌寒亦对花。

海鸥过竹屿，门柳拂江沙。知尔卑栖意，题诗美白华。

【送弘志上人归湖州】

李嘉祐

山林唯幽静，行住不妨禅。高月穿松径，残阳过水田。

诗从宿世悟，法为本师传。能使南人敬，修持香火缘。

【送陆士伦宰义兴】

李嘉祐

阳羨兰陵近，高城带水闲。浅流通野寺，绿茗盖春山。
长吏多愁罢，游人讵肯还。知君日清净，无事掩重关。

【和张舍人中书宿直】

李嘉祐祐祐

汉主留才子，春城直紫微。对花闾阖静，过竹吏人稀。
裁诏催添烛，将朝欲更衣。玉堂宜岁久，且莫厌彤闱。

【司勋王郎中宅送韦九郎中往濠州】

李嘉祐

怜尔因同舍，看书似外家。出关逢落叶，傍水见寒花。
送远添秋思，将衰恋岁华。清淮倍相忆，回首莫令赊。

【晚春送吉校书归楚州（吉中孚曾为道士）】

李嘉祐

祐

诗人饶楚思，淮上及春归。旧浦菱花发，闲门柳絮飞。
高名乡曲重，少事道流稀。定向渔家醉，残阳卧钓矶。

【送严二擢第东归】

李嘉祐

隳官就宾荐，时辈讵争先。盛业推儒行，高科独少年。
迎秋见衰叶，馀照逐鸣蝉。旧里三峰下，开门古县前。

【送冷朝阳及第东归江宁】

李嘉祐

高第由佳句，诸生似者稀。长安带酒别，建业候潮归。
稚子欢迎棹，邻人为扫扉。含情过旧浦，鸥鸟亦依依。

【送越州辛法曹之任】

李嘉祐

但能一官适，莫羨五侯尊。山色垂趋府，潮声自到门。
缘塘剡溪路，映竹五湖村。王谢登临处，依依今尚存。

【送樊兵曹潭州谒韦大夫】

李嘉祐

塞鸿归欲尽，北客始辞春。零桂虽逢竹，湘川少见人。
江花铺浅水，山木暗残春。修刺辕门里，多怜尔为亲。

【送杜御史还广陵】

李嘉祐

惭君从弱岁，顾我比诸昆。同事元戎久，俱承国士恩。
随莺过淮水，看柳向辕门。草色金陵岸，思心那可论。

【送兖州杜别驾之任】

李嘉祐

停车邀别乘，促轸奏胡笳。若见楚山暮，因愁浙水赊。
河堤经浅草，村径历繁花。更有堪悲处，梁城春日斜。

【题裴十六少卿东亭】

李嘉祐

平津旧东阁，深巷见南山。卷箔岚烟润，遮窗竹影闲。
倾茶兼落帽，恋客不开关。斜照窥帘外，川禽时往还。

【同皇甫侍御题荐福寺一公房】

李嘉祐

虚室独焚香，林空静磬长。闲窥数竿竹，老在一绳床。
啜茗翻真偈，然灯继夕阳。人归远相送，步履出回廊。

【送从侄端之东都】

李嘉祐

虏近人行少，怜君独出城。故关逢落叶，寒日逐徂征。
闻笛添归思，看山惬野情。皇华今绝少，龙名页也相迎。

【送王谏议充东都留守判官】

李嘉祐

时称谢康乐，别事汉平津。衰柳寒关道，高车左掖臣。
背河见北雁，到洛问东人。忆昔游金谷，相看华发新。

【和都官苗员外秋夜省直对雨简诸知己】

李嘉祐

多雨南宫夜，仙郎寓直时。漏长丹凤阙，秋冷白云司。
萤影侵阶乱，鸿声出苑迟。萧条人吏散，小谢有新诗。

【送从弟归河朔】

李嘉祐

故乡那可到，令弟独能归。诸将矜旄节，何人重布衣。
空城流水在，荒泽旧村稀。秋日平原路，虫鸣桑叶飞。

【送崔夷甫员外和蕃】

李嘉祐

君过湟中去，寻源未是赊。经春逢白草，尽日度黄沙。
双节行为伴，孤烽到似家。和戎非用武，不学李轻车。

【春日长安送从弟尉吴县】

李嘉祐

春愁能浩荡，送别又如何。人向吴台远，莺飞汉苑多。

见花羞白发，因尔忆沧波。好是神仙尉，前贤亦未过。

【元日无衣冠入朝，寄皇甫拾遗冉、从弟 补阙纾】

李嘉祐

伏奏随廉使，周行外冗员。白髭空受岁，丹陛不朝天。
秉烛千官去，垂帘一室眠。羡君青琐里，并冕入炉烟。

【和韩郎中扬子津玩雪寄严维】

李嘉祐

雪深扬子岸，看柳尽成梅。山色潜知近，潮声只听来。
夜禽惊晓散，春物受寒催。粉署生新兴，瑶华寄上才。

【送王牧往吉州谒王使君叔】

李嘉祐

细草绿汀洲，王孙耐薄游。年华初冠带，文体旧弓裘。
野渡花争发，春塘水乱流。使君怜小阮，应念倚门愁。

【广陵送林宰】

李嘉祐

清政过前哲，香名达至尊。明通汉家籍，重识府公恩。
春景生云物，风潮敛雪痕。长吟策羸马，青楚入关门。

【赠卫南长官赴任】

李嘉祐

吏曹难茂宰，主意念疲人。更事文犀节，还过白马津。
云间辞北阙，树里出西秦。为报陶明府，裁书莫厌贫。

【自常州还江阴途中作】

李嘉祐

处处空篱落，江村不忍看。无人花色惨，多雨鸟声寒。
黄霸初临郡，陶潜未罢官。乘春务征伐，谁肯问凋残。

【润州杨别驾宅送蒋九侍御收兵归扬州】

李嘉祐

沴气清金虎，兵威壮铁冠。扬旌川色暗，吹角水风寒。
人对輶轩醉，花垂睥睨残。羡归丞相阁，空望旧门栏。

【仲夏江阴官舍寄裴明府】

李嘉祐

万室边江次，孤城对海安。朝霞晴作雨，湿气晚生寒。
苔色侵衣桁，潮痕上井栏。题诗招茂宰，思尔欲辞官。

【送夏侯审参军游江东】

李嘉祐

袖中多丽句，未遣世人闻。醉夜眠江月，闲时逐海云。
荻花寒漫漫，鸥鸟暮群群。若到长沙苑，渔家更待君。

【送袁员外宣慰劝农毕赴洪州使院】

李嘉祐

圣主临前殿，殷忧遣使臣。气迎天诏喜，恩发土膏春。

草色催归棹，莺声为送人。龙沙多道里，流水自相亲。

【送侍御史四叔归朝】

李嘉祐

淮南频送别，临水惜残春。攀折隋宫柳，淹留秦地人。
含情归上国，论旧见平津。更接天津近，馀花映绶新。

【登楚州城望驿路，十馀里山村竹林相次 交映】

李嘉祐

十里山村道，千峰栎树林。霜浓竹枝亚，岁晚荻花深。
草市多樵客，渔家足水禽。幽居虽可羨，无那子牟心。

【奉陪韦润州游鹤林寺】

李嘉祐

野寺江城近，双旌五马过。禅心超忍辱，梵语问多罗。
松竹闲僧老，云烟晚日和。寒塘归路转，清磬隔微波。

【奉酬路五郎中院长新除工部员外见简】

李嘉祐

一门同秘省，万里作长城。问绢莲花府，扬旗细柳营。
词锋偏却敌，草奏直论兵。何幸新诗赠，真输小谢名。

【送韦司直西行（此公深入道门）】

李嘉祐

不耻青袍故，尤宜白发新。心朝玉皇帝，貌似紫阳人。
湘浦眠销日，桃源醉度春。能文兼证道，庄叟是前身。

【送上官侍御赴黔中】

李嘉祐

莫向黔中路，令人到欲迷。水声巫峡里，山色夜郎西。
树隔朝云合，猿窥晓月啼。南方饶翠羽，知尔饮清溪。

【送元侍御还荆南幕府】

李嘉祐

迢递荆州路，山多水又分。霜林澹寒日，朔雁蔽南云。
八座由持节，三湘亦置军。自当行直指，应不为功勋。

【登湓城浦望庐山初晴，直省赍敕催赴江 阴】

李嘉祐

西望香炉雪，千峰晚色新。白头悲作吏，黄纸苦催人。
多负登山屐，深藏漉酒巾。伤心公府内，手板日相亲。

【九日】

李嘉祐

惆怅重阳日，空山野菊新。蒹葭百战地，江海十年人。
叹老堪衰柳，伤秋对白蘋。孤楼闻夕磬，塘路向城闉。

【九日送人】

李嘉祐

晴景应重阳，高台怆远乡。水澄千室倒，雾卷四山长。

受节人逾老，惊寒菊半黄。席前愁此别，未别已沾裳。

【春日淇上作（一作汉口春）】

李嘉祐

淇上春风涨，鸳鸯逐浪飞。清明桑叶小，度雨杏花稀。
卫女红妆薄，王孙白马肥。相将踏青去，不解惜罗衣。

【送从叔阳冰祇召赴都】

李嘉祐

自小从游惯，多由戏笑偏。常时矜礼数，渐老荷优怜。
见主承休命，为郎贵晚年。伯喈文与篆，虚作汉家贤。

【送友人入湘】

李嘉祐

闻说湘川路，年年苦雨多。猿啼巫峡雨，月照洞庭波。
穷海人还去，孤城雁共过。青山不可极，来往自蹉跎。

【送裴员外往江南】

李嘉祐

公务江南远，留欢幕下荣。枫林缘楚塞，水驿到湓城。
岸草知春晚，沙禽好夜惊。风帆几度泊，处处暮潮声。

【登秦岭】

李嘉祐

南登秦岭头，回望始堪愁。汉阙青门远，高山蓝水流。
三湘行客去，九陌故人游。从此辞乡泪，双垂不复收。

【送张惟俭秀才入举】

李嘉祐

清秀过终童，携书访老翁。以吾为世旧，怜尔继家风。
淮岸经霜柳，关城带月鸿。春归定得意，花送到东中。

【送韦侍御湖南幕府】

李嘉祐

执宪随征虏，逢秋出故关。雨多愁郢路，叶下识衡山。
地远从军乐，兵强分野闲。皇家不易将，此去未应还。

【同皇甫冉赴官，留别灵一上人】

李嘉祐

法许庐山远，诗传休上人。独归双树宿，静与百花亲。
对物虽留兴，观空已悟身。能令折腰客，遥赏竹房春。

【送客游荆州】

李嘉祐

草色随骢马，悠悠共出秦。水传云梦晓，山接洞庭春。
帆影连三峡，猿声在四邻。青门一分首，难见杜陵人。

【与郑锡游春】

李嘉祐

东门垂柳长，回首独心伤。日暖临芳草，天晴忆故乡。
映花莺上下，过水蝶悠飏。借问同行客，今朝泪几行。

【故燕国相公挽歌二首】

李嘉祐

文若为全德，留侯是重名。论公长不宰，因病得无生。
大梦依禅定，高坟共化城。自应怜寂灭，人世但伤情。
共美持衡日，皆言折槛时。蜀侯供庙略，汉主缺台司。
车马行仍止，笳箫咽又悲。今年杜陵陌，殄瘁百花迟。

【故吏部郎中赠给事中韦公挽歌二首】

李嘉祐

神理今何在，斯人竟若斯。颜渊徒有德，伯道且无儿。
白发今非老，青云数有奇。谁言夕郎拜，翻向夜台悲。
社里东城接，松阡北地开。闻笳春色惨，执紼故人哀。
终日南山对，何时渭水回。仁兄与恩旧，相望泣泉台。

第二百零七卷

【和袁郎中破贼后经剡县山水上太尉】

李嘉祐

受律仙郎贵，长驱下会稽。鸣笳山月晓，摇旆野云低。
翦寇人皆贺，回军马自嘶。地闲春草绿，城静夜乌啼。
破竹清闽岭，看花入剡溪。元戎催献捷，莫道事攀跻。

【送评事十九叔入秦】

李嘉祐

白露沾蕙草，王孙转忆归。蔡州新战罢，郢路去人稀。
谒帝不辞远，怀亲空有违。孤舟看落叶，平楚逐斜晖。
北阙见端冕，南台当绣衣。唯余播迁客，只伴鹧鸪飞。

【赠王八衢】

李嘉祐

丹地偏相逐，清江若有期。腰金才子贵，剖竹老人迟。
桂楫闲迎客，茶瓯对说诗。渚田分邑里，山桂树罽毼。
心静无华发，人和似古时。别君远山去，幽独更应悲。

【入睦州分水路忆刘长卿】

李嘉祐

北阙忤明主，南方随白云。沿洄滩草色，应接海鸥群。
建德潮已尽，新安江又分。回看严子濑，朗咏谢安文。
雨过暮山碧，猿吟秋日曛。吴洲不可到，刷鬓为思君。

【奉和杜相公长兴新宅即事呈元相公】

李嘉祐

意有空门乐，居无甲第奢。经过容法侣，雕饰让侯家。
隐树重檐肃，开园一径斜。据梧听好鸟，行药寄名花。
梦蝶留清簟，垂貂坐绛纱。当山不掩户，映日自倾茶。
雅望归安石，举知在叔牙。还成吉甫颂，赠答比瑶华。

【江湖秋思】

李嘉祐

趋陪禁掖雁行随，迁向江潭鹤发垂。素浪遥疑八溪水，
清枫忽似万年枝。嵩南春遍伤魂梦，壶口云深隔路歧。
共望汉朝多霈泽，苍蝇早晚得先知。

【送朱中舍游江东】

李嘉祐

孤城郭外送王孙，越水吴洲共尔论。野寺山边斜有径，
渔家竹里半开门。青枫独映摇前浦，白鹭闲飞过远村。
若到西陵征战处，不堪秋草自伤魂。

-8【送窦拾遗赴朝，因寄中书十七弟（窦拾遗叔向其弟窦舒也）】

李嘉祐

自叹未沾黄纸诏，那堪远送赤墀人。老为侨客偏相恋，
素是诗家倍益亲。妻儿共载无羁思，鸳鹭同行不负身。
凭尔将书通令弟，唯论华发愧头巾。

【自苏台至望亭驿，人家尽空，春物增思，

怅然有

作，因寄从弟纾】

李嘉祐祐

南浦菰蒋覆白蘋，东吴黎庶逐黄巾。野棠自发空临水，
江燕初归不见人。远岫依依如送客，平田渺渺独伤春。
那堪回首长洲苑，烽火年年报虏尘。

【承恩量移宰江邑，临鄱江怅然之作】

李嘉祐祐

四年谪宦滞江城，未厌门前鄱水清。谁言宰邑化黎庶，
欲别云山如弟兄。双鸥为底无心狎，白发从他绕鬓生。
惆怅闲眠临极浦，夕阳秋草不胜情。

【题灵台县东山村主人】

李嘉祐

处处征胡人渐稀，山村寥落暮烟微。门临莽苍经年闭，
身逐嫖姚几日归。贫妻白发输残税，馀寇黄河未解围。
天子如今能用武，只应岁晚息兵机。

【同皇甫冉登重玄阁】

李嘉祐

高阁朱栏不厌游，蒹葭白水绕长洲。孤云独鸟川光暮，
万井千山海色秋。清梵林中人转静，夕阳城上角偏愁。
谁怜远作秦吴别，离恨归心双泪流。

【宋州东登望题武陵驿】

李嘉祐

梁宋人稀鸟自啼，登舳一望倍含凄。白骨半随河水去，
黄云犹傍郡城低。平陂战地花空落，旧苑春田草未齐。
明主频移虎符守，几时行县向黔黎。

【晚登江楼有怀】

李嘉祐

独坐南楼佳兴新，青山绿水共为邻。爽气遥分隔浦岫，
斜光偏照渡江人。心闲鸥鸟时相近，事简鱼竿私自亲。
只忆帝京不可到，秋琴一弄欲沾巾。

【游徐城河忽见清淮，因寄赵八】

李嘉祐

自缘迟暮忆沧洲，翻爱南河浊水流。初过重阳惜残菊，
行看旧浦识群鸥。朝霞映日同归处，暝柳摇风欲别秋。
长恨相逢即分首，含情掩泪独回头。

【题游仙阁白公庙】

李嘉祐

仙冠轻举竟何之，薜荔缘阶竹映祠。甲子不知风驭日，
朝昏唯见雨来时。霓旌翠盖终难遇，流水青山空所思。
逐客自怜双鬓改，焚香多负白云期。

【送郑正则汉阳迎妇】

李嘉祐

锦字相催鸟急飞，郎君暂脱老莱衣。遥想双眉待人画，
行看五马送潮归。望夫山上花犹发，新妇江边莺未稀。
令秩和鸣真可羨，此行谁道负春辉。

【送皇甫冉往安宜】

李嘉祐

江皋尽日唯烟水，君向白田何日归。楚地蒹葭连海迥，
隋朝杨柳映堤稀。津楼故市无行客，山馆荒城闭落晖。
若问行人与征战，使君双泪定沾衣。

【晚发咸阳，寄同院遗补】

李嘉祐

征战初休草又衰，咸阳晚眺泪堪垂。去路全无千里客，
秋田不见五陵儿。秦家故事随流水，汉代高坟对石碑。
回首青山独不语，羡君谈笑万年枝。

【早秋京口旅泊，章侍御寄书相问，因以

赠之，

时七夕】

李嘉祐

移家避寇逐行舟，厌见南徐江水流。吴越征徭非旧日，
秣陵凋弊不宜秋。千家闭户无砧杵，七夕何人望斗牛。
只有同时骢马客，偏宜尺牍问穷愁。

【秋晓招隐寺东峰茶宴，送内弟阎伯均归

江州】

李嘉祐

万畦新稻傍山村，数里深松到寺门。幸有香茶留稚子，
不堪秋草送王孙。烟尘怨别唯愁隔，井邑萧条谁忍论。
莫怪临歧独垂泪，魏舒偏念外家恩。

【送严员外（一作刘长卿诗）】

李嘉祐

春风倚棹阖闾城，水国春寒阴复晴。细雨湿衣看不见，
闲花落地听无声。日斜江上孤帆影，草绿湖南万里情。
君去若逢相识问，青袍今已误儒生。

【赴南中留别褚七少府湖上林亭（一作刘长卿诗）】

李嘉祐

种田东郭傍春陂，万事无情把钓丝。绿竹放侵行径里，
青山常对卷帘时。纷纷花发门空闭，寂寂莺啼日更迟。
从此别君千万里，白云流水忆佳期。

【与从弟正字、从兄兵曹宴集林园】

李嘉祐

竹窗松户有佳期，美酒香茶慰所思。辅嗣外生还解易，
惠连群从总能诗。檐前花落春深后，谷里莺啼日暮时。
去路归程仍待月，垂缰不控马行迟。

【酬皇甫十六侍御曾见寄（此公时贬舒州
司马）】

李嘉祐

祐

自顾衰容累玉除，忽承优诏赴铜鱼。江头鸟避青旄节，
城里人迎露网车。长沙地近悲才子，古郡山多忆旧庐。
更枉新诗思何苦，离骚愁处亦无如。

【暮春宜阳郡斋愁坐，忽枉刘七侍御新诗，
因以

酬答】

李嘉祐祐

子规夜夜啼楸叶，远道逢春半是愁。芳草伴人还易老，
落花随水亦东流。山临睥睨恒多雨，地接潇湘畏及秋。
唯羡君为周柱史，手持黄纸到沧洲。

【送舍弟】

李嘉祐

诸谢偏推永嘉守，三何独许水曹郎。老兄鄙思难侔匹，
令弟清词堪比量。叠嶂入云藏古寺，高秋背月转南湘。
定知马上多新句，早寄袁溪当八行。

【送从弟永任饶州录事参军】

李嘉祐

一官万里向千溪，水宿山行鱼浦西。日晚长烟高岸近，
天寒积雪远峰低。芦花渚里鸿相叫，苦竹丛边猿暗啼。
闻道慈亲倚门待，到时兰叶正萋萋。

【送马将军奏事毕归滑州使幕】

李嘉祐

吴门别后蹈沧州，帝里相逢俱白头。自叹马卿常带病，
还嗟李广未封侯。棠梨宫里瞻龙衮，细柳营前著豹裘。
想到滑台桑叶落，黄河东注荻花秋。

【闻逝者自惊】

李嘉祐

亦知死是人间事，年老闻之心自疑。黄卷清琴总为累，
落花流水共添悲。愿将从药看真诀，又欲休官就本师。
儿女眼前难喜舍，弥怜双鬓渐如丝。

【伤歙州陈二使君】

李嘉祐

怜君辞满卧沧洲，一旦云亡万事休。慈母断肠妻独泣，
寒云惨色水空流。江村故老长怀惠，山路孤猿亦共愁。
寂寞荒坟近渔浦，野松孤月即千秋。

【白田西忆楚州使君弟】

李嘉祐

山阳郭里无潮，野水自向新桥。鱼网平铺荷叶，
鹭鸶闲步稻苗。秣陵归人惆怅，楚地连山寂寥。
却忆士龙宾阁，清琴绿竹萧萧。

【送陆澧还吴中（一作刘长卿诗）】

李嘉祐

瓜步寒潮送客，杨花暮雨沾衣。

故乡南望何处，春水连天独归。

【春日忆家（一作春日归山）】

李嘉祐

自觉劳乡梦，无人见客心。空馀庭草色，日日伴愁襟。

【远寺钟】

李嘉祐

疏钟何处来，度竹兼拂水。渐逐微风声，依依犹在耳。

【白鹭】

李嘉祐

江南渌水多，顾影逗轻波。落日秦云里，山高奈若何。

【夜宴南陵留别】

李嘉祐

雪满前庭月色闲，主人留客未能还。
预愁明日相思处，匹马千山与万山。

【题前溪馆】

李嘉祐

两年谪宦在江西，举目云山要自迷。
今日始知风土异，浔阳南去鹧鸪啼。

【过乌公山寄钱起员外】

李嘉祐

雨过青山猿叫时，愁人泪点石榴枝。
无端王事还相系，肠断蒹葭君不知。

【寄王舍人竹楼】

李嘉祐

傲吏身闲笑五侯，西江取竹起高楼。
南风不用蒲葵扇，纱帽闲眠对水鸥。

【韦润州后亭海榴】

李嘉祐

江上年年小雪迟，年光独报海榴知。
寂寂山城风日暖，谢公含笑向南枝。

【送崔十一弟归北京】

李嘉祐

潘郎美貌谢公诗，银印花骢年少时。
楚地江皋一为别，晋山少水独相思。

【访韩司空不遇】

李嘉祐

图画风流似长康，文词体格效陈王。
蓬莱对去归常晚，丛竹闲飞满夕阳。

【题道虔上人竹房】

李嘉祐

诗思禅心共竹闲，任他流水向人间。
手持如意高窗里，斜日沿江千万山。

【秋朝木芙蓉】

李嘉祐

水面芙蓉秋已衰，繁条到是著花时。
平明露滴垂红脸，似有朝愁暮落悲。

【袁江口忆王司勋、王吏部二郎中、起居 十七弟】

李嘉祐

京华不啻三千里，客泪如今一万双。
若个最为相忆处，青枫黄竹入袁江。

【答泉州薛播使君重阳日赠酒】

李嘉祐

欲强登高无力去，篱边黄菊为谁开。
共知不是浔阳郡，那得王弘送酒来。

【题张公洞】

李嘉祐

空山杳杳鸾凤飞，神仙门户开翠微。
主人白发雪霞衣，松间留我谈玄机。

【句】

李嘉祐

水田飞白鹭，夏木啭黄鹂。（李肇称嘉祐有此句，
王右丞取以为七言，今集中无之）
白马撼金珂，纷纷侍从多。身居骠骑幕，家住滹沱河。
（《少年行》，《诗式》）

溪北映初星。（《海录碎事》）

第二百零八卷

【送泉州李使君之任李使君赴泉州】

包何

傍海皆荒服，分符重汉臣。云山百越路，市井十洲人。
执玉来朝远，还珠入贡频。连年不见雪，到处即行春。

【和孟虔州闲斋即事】

包何

古郡邻江岭，公庭半薜萝。府僚闲不入，山鸟静偏过。
睥睨临花柳，栏干枕芰荷。麦秋今欲至，君听两岐歌。

【同李郎中净律院椀子树】

包何

本椀稀难识，沙门种则生。叶殊经写字，子为佛称名。
滤水浇新长，燃灯暖更荣。亭亭无别意，只是劝修行。

【同阎伯均宿道士观有述】

包何

南国佳人去不回，洛阳才子更须媒。绮琴白雪无心弄，
罗幌清风到晓开。冉冉修篁依户牖，迢迢列宿映楼台。
纵令奔月成仙去，且作行云入梦来。

【送乌程王明府贬巴江】

包何

一片孤帆无四邻，北风吹过五湖滨。
相看尽是江南客，独有君为岭外人。

【同舍弟佶、班、韦二员外秋苔对之成咏】

包何

每看苔蘚色，如向簿书闲。幽思缠芳树，高情寄远山。
雨痕连地绿，日色出林斑。却笑兴公赋，临危滑石间。

【送王汶宰江阴】

包何

郡北乘流去，花间竟日行。海鱼朝满市，江鸟夜喧城。
止酒非关病，援琴不在声。应缘五斗米，数日滞渊明。

【和苗员外寓直中书】

包何

朝列称多士，君家有二难。贞为台里柏，芳作省中兰。
夜宿分曹阔，晨趋接武欢。每怜双阙下，雁序入鸳鸾。

【阙下芙蓉】

包何

一人理国致升平，万物呈祥助圣明。天上河从阙下过，
江南花向殿前生。广云垂荫开难落，湛露为珠满不倾。
更对乐悬张宴处，歌工欲奏采莲声。

【江上田家】

包何

近海川原薄，人家本自稀。黍苗期腊酒，霜叶是寒衣。
市井谁相识，渔樵夜始归。不须骑马问，恐畏狎鸥飞。

【送韦侍御奉使江岭诸道催青苗钱】

包何

近远从王事，南行处处经。手持霜简白，心在夏苗青。
回雁书应报，愁猿夜屡听。因君使绝域，方物尽来庭。

【和程员外春日东郊即事】

包何

郎官休浣怜迟日，野老欢娱为有年。几处折花惊蝶梦，
数家留叶待蚕眠。藤垂宛地萦珠履，泉迸侵阶浸绿钱。
直到闭关朝谒去，莺声不散柳含烟。

【裴端公使院，赋得隔帘见春雨】

包何

细雨未成霖，垂帘但觉阴。唯看上砌湿，不遣入檐深。
度隙沾霜简，因风润绮琴。须移户外屐，檐溜夜相侵。

【相里使君第七男生日（一作生日）】

包何

娶妻生子复生男，独有君家众所谈。荀氏八龙唯欠一，
桓山四凤已过三。他时干蛊声名著，今日悬弧宴乐酣。
谁道众贤能继体，须知个个出于蓝。

【同诸公寻李方直不遇】

包何

闻说到扬州，吹箫忆旧游。人来多不见，莫是上迷楼。

【婺州留别邓使君】

包何

西掖驰名久，东阳出守时。江山婺女分，风月隐侯诗。
别恨双溪急，留欢五马迟。回舟映沙屿，未远剩相思。

【寄杨侍御（一作包佶诗）】

包何

一官何幸得同时，十载无媒独见遗。
今日不论腰下组，请君看取鬓边丝。

【赋得秤，送孟孺卿】

包何

愿以金秤锤，因君赠别离。钩悬新月吐，衡举众星随。
掌握须平执，锱铢必尽知。由来投分审，莫放弄权移。

【长安晓望，寄崔补阙（一作司空曙诗）】

包何

迢递山河拥帝京，参差宫殿接云平。风吹晓漏经长乐，
柳带晴烟出禁城。天净笙歌临路发，日高车马隔尘行。
自怜久滞诸生列，未得金闺籍姓名。

第二百零九卷

【送萧颖士赴东府，得路字刘太真撰序】

贾邕

子欲适东周，门人盈歧路。高标信难仰，薄官非始务。
绵邈千里途，裴回四郊暮。征车日云远，抚已惭深顾。

【送萧颖士赴东府，得适字】

刘舟

大名掩诸古，独断无不适。德遂天下宗，官为幕中客。
骊山浮云散，灞岸零雨夕。请业非远期，圆光再生魄。

【送萧颖士赴东府，得离字】

长孙铸

大德讵可拟，高梧有长离。素怀经纶具，昭世犹安卑。

落日去关外，悠悠隔山陂。我心如浮云，千里相追随。

【送萧颖士赴东府，得还字】

房白

夫子高世迹，时人不可攀。今予亦云幸，谬得承温颜。
良策资入幕，遂行从近关。青春灞亭别，此去何时还。

【送萧颖士赴东府，得引字】

元晟

吾见夫子德，谁云习相近。数仞不可窥，言味终难尽。
处喧虑常澹，作吏心亦隐。更有嵩少峰，东南为胜引。

【送萧颖士赴东府，得浅字】

刘太冲

吾师继微言，赞述在坟典。寸禄聊自资，平生宦情鲜。
逶迟东州路，春草深复浅。日远夫子门，中心曷由展。

【送萧颖士赴东府，得草字】

姚发

天生良史笔，浪迹擅文藻。中夏授参谋，东夷愿闻道。
行轩玩春日，饯席藉芳草。幸得师季良，欣留篋笥宝。。

【送萧颖士赴东府，得往字】

郑愕

斤溪数亩田，素心拟长往。翳君曲得引，使我纓俗网。
风尘岂不劳，道义成心赏。春郊桃李月，忍此戒征两。

【送萧颖士赴东府，得散字】

殷少野

官闲幕府下，聊以任纵诞。文学鲁仲尼，高标嵇中散。
出门时雨润，对酒春风暖。感激知己恩，别离魂欲断。

邬载

策名十二载，独立先斯文。迺来及门者，半已升青云。
青云岂无姿，黄鹄素不群。一辞芸香吏，几岁沧江滨。
散职既不羁，天听亦昭闻。虽承急贤诏，未谒陶唐君。

薄俸还自急，此言那足云。和风媚东郊，时物滋南薰。
蕙草正可摘，豫章犹未分。宗师忽千里，使我心氛氲。

第二百一十卷

【奉陪韦中丞使君游鹤林寺】

皇甫曾

古寺传灯久，层城闭阁闲。香花同法侣，旌旆入深山。
寒磬虚空里，孤云起灭间。谢公忆高卧，徒御欲东还。

【奉送杜侍御还京（一作杜中丞，一作林中丞）】

皇甫曾

罢战回龙节，朝天上凤池。寒生五湖道，春入万年枝。
召化多遗爱，胡清已畏知。怀恩偏感别，堕泪向旌麾。

【酬郑侍御秋夜见寄】

皇甫曾

摇落空林夜，河阳兴已生。未辞公府步，知结远山情。

高柳风难定，寒泉月助明。袁公方卧雪，尺素及柴荆。

【酬窦拾遗秋日见呈（时此公自江阴令除 谏官）】

皇甫曾

孤城永巷时相见，衰柳闲门日半斜。
欲送近臣朝魏阙，独怜残菊在陶家。

【韦使君宅海榴咏】

皇甫曾

淮阳卧理有清风，腊月榴花带雪红。
闭阁寂寥常对此，江湖心在数枝中。

【送普上人还阳羨（一作皇甫冉诗）】

皇甫曾

花宫难久别，道者忆千灯。残雪入林路，暮山归寺僧。
日光依嫩草，泉响滴春冰。何用求方便，看心是一乘。

【送李中丞归本道（一作送人作使归）】

皇甫曾

上将还专席，双旌复出秦。关河三晋路，宾从五原人。
孤戍云连海，平沙雪度春。酬恩看玉剑，何处有烟尘。

【和谢舍人雪夜寓直】

皇甫曾

禁省夜沉沉，春风雪满林。沧洲归客梦，青琐近臣心。
挥翰宣鸣玉，承恩在赐金。建章寒漏起，更助掖垣深。

【寻刘处士】

皇甫曾

几年人不见，林下掩柴关。留客当清夜，逢君话旧山。
隔城寒杵急，带月早鸿还。南陌虽相近，其如隐者闲。

【哭陆处士】

皇甫曾

从此无期见，柴门对雪开。二毛逢世难，万恨掩泉台。
返照空堂夕，孤城吊客回。汉家偏访道，独畏鹤书来。

【乌程水楼留别】

皇甫曾

悠悠千里去，惜此一尊同。客散高楼上，帆飞细雨中。
山程随远水，楚思在青枫。共说前期易，沧波处处同。

【题赠吴门邕上人】

皇甫曾

春山唯一室，独坐草萋萋。身寂心成道，花闲鸟自啼。
细泉松径里，返景竹林西。晚与门人别，依依出虎溪。

【送陆鸿渐山人采茶回】

皇甫曾

千峰待逋客，香茗复丛生。采摘知深处，烟霞羡独行。
幽期山寺远，野饭石泉清。寂寂燃灯夜，相思一磬声。

【寄刘员外长卿】

皇甫曾

南忆新安郡，千山带夕阳。断猿知夜久，秋草助江长。
疏发应成素，青松独耐霜。爱才称汉主，题柱待回乡。

【寄张仲甫】

皇甫曾

悲风生旧浦，云岭隔东田。伏腊同鸡黍，柴门闭雪天。
孤村明夜火，稚子候归船。静者心相忆，离居畏度年。

【送元侍御充使湖南】

皇甫曾

云梦南行尽，三湘万里流。山川重分手，徒御亦悲秋。
白简劳王事，清猿助客愁。离群复多病，岁晚忆沧洲。

【晚至华阴】

皇甫曾

腊尽促归心，行人及华阴。云霞仙掌出，松柏古祠深。
野渡冰生岸，寒川烧隔林。温泉看渐近，宫树晚沈沈。

【送孔征士】

皇甫曾

谷口山多处，君归不可寻。家贫青史在，身老白云深。
扫雪开松径，疏泉过竹林。馀生负丘壑，相送亦何心。

【秋兴】

皇甫曾

流萤与落叶，秋晚共纷纷。返照城中尽，寒砧雨外闻。
离人见衰鬓，独鹤暮何群。楚客在千里，相思看碧云。

【送归中丞使新罗】

皇甫曾

南巾宪衮恩去，东夷泛海行。天遥辞上国，水尽到孤城。
已变炎凉气，仍愁浩淼程。云涛不可极，来往见双旌。

【送少微上人东南游】

皇甫曾

石梁人不到，独往更迢迢。乞食山家少，寻钟野寺遥。
松门风自扫，瀑布雪难消。秋夜闻清梵，馀音逐海潮。

【送韦判官赴闽中】

皇甫曾

孤棹闽中客，双旌海上军。路人从北少，海水向南分。
野鹤伤秋别，林猿忌夜闻。汉家崇亚相，知子远邀勋。

【送人还荆州（一作李嘉祐诗）】

皇甫曾

草色随骢马，悠悠同出秦。水传云梦晓，山接洞庭春。
帆影连三峡，猿声近四邻。青门一分手，难见杜陵人。

【寄净虚上人初至云门（一作刘长聊诗）】

皇甫曾

寒踪白云里，法侣自提携。竹径通城下，松门隔水西。
方同沃洲去，不似武陵迷。仿佛方知处，高峰是会稽。

【春和杜相公移入长兴宅，奉呈诸宰执】

皇甫曾

欲向幽偏适，还从绝地移。秦官鼎食贵，尧世土阶卑。
戟户槐阴满，书窗竹叶垂。才分午夜漏，遥隔万年枝。
北阙深恩在，东林远梦知。日斜门掩映，山远树参差。
论道齐鸳翼，题诗忆凤池。从公亦何幸，长与珮声随。

【路中口号】

皇甫曾

还乡不见家，年老眼多泪。车马上河桥，城中好天气。

【山下泉】

皇甫曾

漾漾带山光，澄澄倒林影。那知石上喧，却忆山中静。

【早朝日寄所知】

皇甫曾

长安雪夜见归鸿，紫禁朝天拜舞同。曙色渐分双阙下，
漏声遥在百花中。炉烟乍起开仙仗，玉佩才成引上公。
共荷发生同雨露，不应黄叶久随风。

【秋夕寄怀契上人】

皇甫曾

已见槿花朝委露，独悲孤鹤在人群。真僧出世心无事，
静夜名香手自焚。窗临绝涧闻流水，客至孤峰扫白云。
更想清晨诵经处，独看松上雪纷纷。

【张苍见访郊居作】

皇甫曾

林中雨散早凉生，已有迎秋促织声。三径荒芜羞对客，
十年衰老愧称兄。秋心自惜江蓠晚，世事方看木槿荣。
君若罢官携手日，寻山莫算白云程。

【赠鉴上人（一作赠别筌公）】

皇甫曾

律仪传教诱，僧腊老烟霄。树色依禅诵，泉声入寂寥。
宝龕经末劫，画壁见南朝。深竹风开合，寒潭月动摇。
息心归静理，爱道坐中宵。更欲寻真去，乘船过海潮。

【奉寄中书王舍人】

皇甫曾

腰金载笔谒承明，至道安禅得此生，西掖几年纶綍贵，
东山遥夜薜萝情。风传刻漏星河曙，月上梧桐雨露清。
圣主好文谁为荐，闭门空赋子虚成。

【送汤中丞和蕃】

皇甫曾

继好中司出，天心外国知。已传尧雨露，更说汉威仪。
陇上应回首，河源复载驰。孤峰问徒御，空碛见旌麾。
春草乡愁起，边城旅梦移。莫嗟行远地，此去答恩私。

【送和西蕃使】

皇甫曾

白简初分命，黄金已在腰。恩华通外国，徒御发中朝。
雨雪从边起，旌旗上陇遥。暮天沙漠漠，空碛马萧萧。
寒路随河水，关城见柳条。和戎先罢战，知胜霍嫫姚。

【送王相公赴幽州】

皇甫曾

台衮兼戎律，勤忧秉化元。凤池东掖宠，龙节北方尊。
长路山河转，前驱鼓角喧。人安布时令，地远答君恩。
暮日平沙迥，秋风大旆翻。渔阳在天末，恋别信陵门。

【送徐大夫赴南海】

皇甫曾

旧国当分阃，天涯答圣私。大军传羽檄，老将拜旌旗。
位重登坛后，恩深弄印时。何年谏猎赋，今日饮泉诗。
海内求民瘼，城隅见岛夷。由来黄霸去，自有上台期。

【赠沛禅师】

皇甫曾

南岳满湘沅，吾师经利涉。身归沃洲老，名与支公接。
净教传荆吴，道缘止渔猎。观空色不染，对境心自惬。
室中人寂寞，门外山重叠。天台积幽梦，早晚当负笈。

【萼岭四望】

皇甫曾

汉家仙仗在咸阳，洛水东流出建章。
野老至今犹望幸，离宫秋树独苍苍。

【过刘员外长卿别墅（一作碧涧别业）】

皇甫曾

谢客开山后，郊扉积水通。江湖千里别，衰老一尊同。

返照寒川满，平田暮雪空。沧洲自有趣，不便哭途穷。

【遇风雨作（一作权德舆诗）】

皇甫曾

草草理夜装，涉江又登陆。望路殊未穷，指期今已促。
传呼戒徒驭，振辔转林麓。阴云拥岩端，沾雨当山腹。
震雷如在耳，飞电来照目。兽迹不敢窥，马蹄惟务速。
虔心若斋祷，濡体如沐浴。万窍相怒号，百泉暗奔瀑。
危梁虑足跌，峻坂忧车覆。问我何以然，前日爱微禄。
转知人代事，纓组乃徽束。向若家居时，安枕春梦熟。
遵途稍已近，候吏来相续。晓霁心始安，林端见初旭。

【送商州杜中丞赴任】

皇甫曾

安康地理接商於，帝命专城总赋舆。夕拜忽辞青琐闥，
晨装独捧紫泥书。深山古驿分驺骑，芳草闲云逐隼狸。
绮皓清风千古在，因君一为谢岩居。

【送著公归越】

皇甫曾

谁能愁此别，到越会相逢。长忆云门寺，门前千万峰。
石床埋积雪，山路倒枯松。莫学白居易，无人知去踪。

【送郑秀才贡举】

皇甫曾

西去意如何，知随贡士科。吟诗向月路，驱马出烟萝。
晚色寒芜远，秋声候雁多。自怜归未得，相送一劳歌。

【锡杖歌，送明楚上人归佛川（一作权德 輿诗）】

皇甫曾

上人远自西天至，头陀行遍南朝寺。口翻贝叶古字经，
手持金策声泠泠。护法护身惟振锡，石濑云溪深寂寂。
乍来松径风露寒，遥映霜天月成魄。后夜空山禅诵时，
寥寥挂在枯树枝。真法尝传心不住，东西南北随缘路。
佛川此去何时回，应真莫便游天台。

【玉山岭上作】

皇甫曾

悠悠驱匹马，征路上连冈。晚翠深云窦，寒台净石梁。
秋花偏似雪，枫叶不禁霜。愁见前程远，空郊下夕阳。

【国子柳博士兼领太常博士，辄申贺赠】

皇甫曾

博士本秦官，求才帖职难。临风曲台净，对月碧池寒。
讲学分阴重，斋祠晓漏残。朝衣辨色处，双绶更宜看。

【送裴秀才贡举】

皇甫曾

儒衣羞此别，去抵汉公卿。宾贡年犹少，篇章艺已成。
临流惜暮景，话别起乡情。离酌不辞醉，西江春草生。

【赠老将】

皇甫曾

白草黄云塞上秋，曾随骠骑出并州。

辘轳剑折虬髯白，转战功多独不侯。

第二百一十一卷

【铜雀妓】

高適

日暮铜雀迴，秋深玉座清。萧森松柏望，委郁绮罗情。
君恩不再得，妾舞为谁轻。

【塞下曲】

高適

结束浮云骏，翩翩出从戎。且凭天子怒，复倚将军雄。
万鼓雷殷地，千旗火生风。日轮驻霜戈，月魄悬雕弓。
青海阵云匝，黑山兵气冲。战酣太白高，战罢旄头空。
万里不惜死，一朝得成功。画图麒麟阁，入朝明光宫。
大笑向文士，一经何足穷。古人昧此道，往往成老翁。

【塞上】

高適

东出卢龙塞，浩然客思孤。亭堠列万里，汉兵犹备胡。
边尘涨北溟，虏骑正南驱。转斗岂长策，和亲非远图。
惟昔李将军，按节出皇都。总戎扫大漠，一战擒单于。
常怀感激心，愿效纵横谟。倚剑欲谁语，关河空郁纡。

【蓟门行五首】

高適

蓟门逢古老，独立思氛氲。一身既零丁，头鬓白纷纷。勋庸
今已矣，不识霍将军。
汉家能用武，开拓穷异域。戍座厌糠核，降胡饱衣食。关
亭试一望，吾欲泪沾臆。
边城十一月，雨雪乱霏霏。元戎号令严，人马亦轻肥。羌
胡无尽日，征战几时归。
幽州多骑射，结发重横行。一朝事将军，出入有声名。
纷纷猎秋草，相向角弓鸣。
黯黯长城外，日没更烟尘。胡骑虽凭陵，汉兵不顾身。
古树满空塞，黄云愁杀人。

【效古赠崔二】

高適

十月河洲时，一看有归思。风飙生惨烈，雨雪暗天地。
我辈今胡为，浩哉迷所至。缅怀当途者，济济居声位。
邈然在云霄，宁肯更沦蹶。周旋多燕乐，门馆列车骑。
美人芙蓉姿，狭室兰麝气。金炉陈兽炭，谈笑正得意。
岂论草泽中，有此枯槁士。我惭经济策，久欲甘弃置。
君负纵横才，如何尚憔悴。长歌增郁快，对酒不能醉。
穷达自有时，夫子莫下泪。

【钜鹿赠李少府】

高適

李侯虽薄宦，时誉何籍籍。骏马常借人，黄金每留客。
投壶华馆静，纵酒凉风夕。即此遇神仙，吾欣知损益。

【东平留赠狄司马（曾与田安西充判官）】

高適

古人无宿诺，兹道以为难。万里赴知己，一言诚可叹。

马蹄经月窟，剑术指楼兰。地出北庭尽，城临西海寒。
森然瞻武库，则是弄儒翰。入幕绾银绶，乘轺兼铁冠。
练兵日精锐，杀敌无遗残。献捷见天子，论功俘可汗。
激昂丹墀下，顾盼青云端。谁谓纵横策，翻为权势干。
将军既坎壈，使者亦辛酸。耿介挹三事，羁离从一官。
知君不得意，他日会鹏抟。

【过卢明府有赠】

高適

良吏不易得，古人今可传。静然本诸己，以此知其贤。
我行挹高风，羡尔兼少年。胸怀豁清夜，史汉如流泉。
明日复行春，逶迤出郊坛。登高见百里，桑野郁芊芊。
时平俯鹊巢，岁熟多人烟。奸猾唯闭户，逃亡归种田。
回轩自郭南，老幼满马前。皆贺蚕农至，而无徭役牵。
君观黎庶心，抚之诚万全。何幸逢大道，愿言烹小鲜。
能奏明廷主，一试武城弦。

【单父逢邓司仓覆仓库，因而有赠】

高適

邦牧今坐啸，群贤趋纪纲。四人忽不扰，耕者遥相望。

粲粲府中妙，授词如履霜。炎炎伏热时，草木无晶光。

匹马度睢水，清风何激扬。校缙阅帑藏，发廩欣斯箱。
邂逅得相逢，欢言至夕阳。开襟自公馀，载酒登琴堂。
举杯挹山川，寓目穷毫芒。白鸟向田尽，青蝉归路长。
醉中不惜别，况乃正游梁。

【蓟门不遇王之涣、郭密之，因以留赠】

高適

適远登蓟丘，兹晨独搔屑。贤交不可见，吾愿终难说。
迢递千里游，羁离十年别。才华仰清兴，功业嗟芳节。
旷荡阻云海，萧条带风雪。逢时事多谬，失路心弥折。
行矣勿重陈，怀君但愁绝。

【寄孟五少府】

高適

秋气落穷巷，离忧兼暮蝉。后时已如此，高兴亦徒然。
知君念淹泊，忆我屡周旋。征路见来雁，归人悲远天。
平生感千里，相望在贞坚。

【苦雨寄房四昆季】

高適

独坐见多雨，况兹兼索居。茫茫十月交，穷阴千里馀。
弥望无端倪，北风击林箴。白日渺难睹，黄云争卷舒。
安得造化功，旷然一扫除。滴沥檐宇愁，寥寥谈笑疏。
泥涂拥城郭，水潦盘丘墟。惆怅悯田农，裴回伤里闾。
曾是力井税，曷为无斗储。万事切中怀，十年思上书。
君门嗟缅邈，身计念居诸。沉吟顾草茅，郁怏任盈虚。
黄鹄不可羨，鸡鸣时起予。故人平台侧，高馆临通衢。
兄弟方荀陈，才华冠应徐。弹棋自多暇，饮酒更何如。
知人想林宗，直道慚史鱼。携手风流在，开襟鄙吝祛。
宁能访穷巷，相与对园蔬。

【和贺兰判官望北海作】

高適

圣代务平典，輶轩推上才。迢迢溟海际，旷望沧波开。
四牡未遑息，三山安在哉。巨鳌不可钓，高浪何崔嵬。
湛湛朝百谷，茫茫连九垓。挹流纳广大，观异增迟回。
日出见鱼目，月圆知蚌胎。迹非想像到，心以精灵猜。
远色带孤屿，虚声涵殷雷。风行越裳贡，水遏天吴灾。

揽辔隼将击，忘机鸥复来。缘情韵骚雅，独立遗尘埃。
吏道竟殊用，翰林仍忝陪。长鸣谢知己，所愧非龙媒。

【和崔二少府登楚丘城作】

高適

故人亦不遇，异县久栖托。辛勤失路意，感叹登楼作。
清晨眺原野，独立穷寥廓。云散芒砀山，水还睢阳郭。
绕梁即襟带，封卫多漂泊。事古悲城池，年丰爱墟落。
相逢俱未展，携手空萧索。何意千里心，仍求百金诺。
公侯皆我辈，动用在谋略。圣心思贤才，竭来刈葵藿。

【酬司空璩少府】

高適

飘飘未得意，感激与谁论。昨日遇夫子，仍欣吾道存。
江山满词赋，札翰起凉温。吾见风雅作，人知德业尊。
惊飙荡万木，秋气屯高原。燕赵何苍茫，鸿雁来翩翩。
此时与君别，握手欲无言。

【酬李少府】

高適

出塞魂屡惊，怀贤意难说。谁知吾道间，乃在客中别。

日夕捧琼瑶，相思无休歇。伊人虽薄宦，举代推高节。
述作凌江山，声华满冰雪。一登蓟丘上，四顾何惨烈。
来雁无尽时，边风正骚屑。将从崖谷遁，且与沉浮绝。
君若登青云，余当投魏阙。

【酬裴秀才】

高適

男儿贵得意，何必相知早。飘荡与物永，蹉跎觉年老。
长卿无产业，季子惭妻嫂。此事难重陈，未于众人道。

【酬陆少府】

高適

朝临淇水岸，还望卫人邑。别意在山阿，征途背原隰。
萧萧前村口，唯见转蓬入。水渚人去迟，霜天雁飞急。

固应不远别，所与路未及。欲济川上舟，相思空伫立。

【奉酬北海李太守丈人夏日平阴亭】

高適

天子股肱守，丈人山岳灵。出身侍丹墀，举翮凌青冥。
当昔皇运否，人神俱未宁。谏官莫敢议，酷吏方专刑。
谷永独言事，匡衡多引经。两朝纳深衷，万乘无不听。
盛烈播南史，雄词豁东溟。谁谓整隼旗，翻然忆柴扃。
寄书汶阳客，回首平阴亭。开封见千里，结念存百龄。
隐轸江山丽，氛氲兰茝馨。自怜遇时休，漂泊随流萍。
春野变木德，夏天临火星。一生徒羡鱼，四十犹聚萤。
从此日闲放，焉能怀拾青。

【酬马八郊古见赠】

高適

深崖无绿竹，秀色徒氛氲。时代种桃李，无人顾此君。
奈何冰雪操，尚与蒿莱群。愿托灵仙子，一声吹入云。

【酬鸿胪裴主簿雨后睢阳北楼见赠之作

（一作王

昌龄诗）】

高適

暮霞照新晴，归云犹相逐。有怀晨昏暇，相见登眺目。
问礼侍彤檐，题诗访茅屋。高楼多古今，陈事满陵谷。
地久微子封，台馀孝王筑。裴回顾霄汉，豁达俯川陆。
远水对秋城，长天向乔木。公门何清净，列戟森已肃。

不叹携手稀，恒思著鞭速。终当拂羽翰，轻举随鸿鹄。

【酬裴员外以诗代书】

高適

少时方浩荡，遇物犹尘埃。脱略身外事，交游天下才。
单车入燕赵，独立心悠哉。宁知戎马间，忽展平生怀。
且欣清论高，岂顾夕阳颓。题诗碣石馆，纵酒燕王台。
北望沙漠垂，漫天雪皑皑。临边无策略，览古空裴回。
乐毅吾所怜，拔齐翻见猜。荆卿吾所悲，适秦不复回。

然诺多死地，公忠成祸胎。与君从此辞，每恐流年催。
如何俱老大，始复忘形骸。兄弟真二陆，声名连八裴。
乙未将星变，贼臣候天灾。胡骑犯龙山，乘輿经马嵬。
千官无倚著，万姓徒悲哀。诛吕鬼神动，安刘天地开。
奔波走风尘，倏忽值云雷。拥旄出淮甸，入幕征楚材。
誓当剪鲸鲵，永以竭駑駘。小人胡不仁，谗我成死灰。
赖得日月明，照耀无不该。留司洛阳宫，詹府唯蒿莱。
是时扫氛祲，尚未歼渠魁。背河列长围，师老将亦乖。
归军剧风火，散卒争椎埋。一夕瀍洛空，生灵悲曝腮。
衣冠投草莽，予欲驰江淮。登顿宛叶下，栖遑襄邓隈。
城池何萧条，邑屋更崩摧。纵横荆棘丛，但见瓦砾堆。
行人无血色，战骨多青苔。遂除彭门守，因得朝玉阶。
激昂仰鹓鹭，献替欣盐梅。驱传及远蕃，忧思郁难排。
罢人纷争讼，赋税如山崖。所思在畿甸，曾是鲁宓侪。
自从拜郎官，列宿焕天街。那能访遐僻，还复寄琼环。

金玉本高价，埶簏终易谐。朗咏临清秋，凉风下庭槐。
何意寇盗间，独称名义偕。辛酸陈侯诔，叹息季鹰杯。
白日屡分手，青春不再来。卧看中散论，愁忆太常斋。
酬赠徒为尔，长歌还自咍。

【酬庞十兵曹】

高適

忆昔游京华，自言生羽翼。怀书访知己，末路空相识。

许国不成名，还家有惭色。托身从畎亩，浪迹初自得。
雨泽感天时，耕耘忘帝力。同人洛阳至，问我睢水北。
遂尔款津涯，净然见胸臆。高谈悬物象，逸韵投翰墨。
别岸迥无垠，海鹤鸣不息。梁城多古意，携手共凄恻。
怀贤想邹枚，登高思荆棘。世情恶疵贱，之子怜孤直。
酬赠感并深，离忧岂终极。

【同吕员外酬田著作幕门军西宿盘山秋夜 作】

高適

磧路天早秋，边城夜应永。遥传戎旅作，已报关山冷。
上将顿盘阪，诸军遍泉井。绸缪阃外书，慷慨幕中请。
能使勋业高，动令氛雾屏。远途能自致，短步终难骋。
羽翮时一看，穷愁始三省。人生感然诺，何啻若形影。

白发知苦心，阳春见佳境。星河连塞络，刁斗兼山静。
忆君霜露时，使我空引领。

【酬秘书弟兼寄幕下诸公】

高適

亚相膺时杰，群才遇良工。翩翩幕下来，拜赐甘泉宫。
信知命世奇，适会非常功。侍御执邦宪，清词焕春丛。
末路望绣衣，他时常发蒙。孰云三军壮，惧我弹射雄。
谁谓万里遥，在我樽俎中。光禄经济器，精微自深衷。
前席屡荣问，长城兼在躬。高纵激颓波，逸翮驰苍穹。
将副节制筹，欲令沙漠空。司业志应徐，雅度思冲融。
相思三十年，忆昨犹儿童。今来抱青紫，忽若披鹓鸿。
说剑增慷慨，论交持始终。秘书即吾门，虚白无不通。
多才陆平原，硕学郑司农。献封到关西，独步归山东。
永意久知处，嘉言能亢宗。客从梁宋来，行役随转蓬。
酬赠欣元弟，忆贤瞻数公。游鳞戏沧浪，鸣凤栖梧桐。
并负垂天翼，俱乘破浪风。眈眈天府间，偃仰谁敢同。
何意构广厦，翻然顾雕虫。应知阮步兵，惆怅此途穷。

【淇上酬薛三据，兼寄郭少府微（一作王昌龄诗）】

高適

自从别京华，我心乃萧索。十年守章句，万事空寥落。
北上登蓟门，茫茫见沙漠。倚剑对风尘，慨然思卫霍。
拂衣去燕赵，驱马怅不乐。天长沧洲路，日暮邯郸郭。
酒肆或淹留，渔潭屡栖泊。独行备艰险，所见穷善恶。
永顾拯乌菟，孰云干鼎鑊。皇情念淳古，时俗何浮薄。
理道资任贤，安人在求瘼。故交负灵奇，逸气抱謇谔。
隐轸经济具，纵横建安作。才望忽先鸣，风期无宿诺。
飘飘劳州县，迢递限言谑。东驰眇贝丘，西顾弥虢略。
淇水徒自流，浮云不堪托。吾谋适可用，天路岂寥廓。
不然买山田，一身与耕凿。且欲同鷦鷯，焉能志鸿鹄。

【酬岑二十主簿秋夜见赠之作】

高適

舍下蛩乱鸣，居然自萧索。缅怀高秋兴，忽枉清夜作。
感物我心劳，凉风惊二毛。池枯菡萏死，月出梧桐高。
如何异乡县，复得交才彦。泪没嗟后时，蹉跎耻相见。
箕山别来久，魏阙谁不恋。独有江海心，悠悠未尝倦。

【答侯少府】

高適

常日好读书，晚年学垂纶。漆园多乔木，睢水清粼粼。

诏书下柴门，天命敢逡巡。赫赫三伏时，十日到咸秦。
褐衣不得见，黄绶翻在身。吏道顿羁束，生涯难重陈。
北使经大寒，关山饶苦辛。边兵若刍狗，战骨成埃尘。
行矣勿复言，归欤伤我神。如何燕赵陲，忽遇平生亲。
开馆纳征骑，弹弦娱远宾。飘飘天地间，一别方兹晨。
东道有佳作，南朝无此人。性灵出万象，风骨超常伦。
吾党谢王粲，群贤推郗诜。明时取秀才，落日过蒲津。
节苦名已富，禄微家转贫。相逢愧薄游，抚己荷陶钧。
心事正堪尽，离居宁太频。两河归路遥，二月芳草新。
柳接滹沱暗，莺连渤海春。谁谓行路难，猥当希代珍。
提携每终日，相思犹比邻。江海有扁舟，丘园有角巾。
君意定何适，我怀知所遵。浮沉各异宜，老大贵全真。
莫作云霄计，遑遑随缙绅。

【宋中别周、梁、李三子】

高適

曾是不得意，适来兼别离。如何一尊酒，翻作满堂悲。
周子负高价，梁生多逸词。周旋梁宋间，感激建安时。
白雪正如此，青云无自疑。李侯怀英雄，肮脏乃天资。
方寸且无间，衣冠当在斯。俱为千里游，忽念两乡辞。
且见壮心在，莫嗟携手迟。凉风吹北原，落日满西陂。
露下草初白，天长云屡滋。我心不可问，君去定何之。
京洛多知己，谁能忆左思。

【宋中别李八】

高適

岁晏谁不归，君归意可说。将趋倚门望，还念同人别。
驻马临长亭，飘然事明发。苍茫眺千里，正值苦寒节。
旧国多转蓬，平台下明月。世情薄疵贱，夫子怀贤哲。
行矣各勉旃，吾当挹馀烈。

【别王彻】

高適

归客自南楚，怅然思北林。萧条秋风暮，回首江淮深。
留君终日欢，或为梁父吟。时辈想鹏举，他人嗟陆沉。
载酒登平台，赠君千里心。浮云暗长路，落日有归禽。
离别未足悲，辛勤当自任。吾知十年后，季子多黄金。

【送萧十八与房侍御回还】

高適

常苦古人远，今见斯人古。澹泊遗声华，周旋必邹鲁。
故交在梁宋，游方出庭户。匹马鸣朔风，一身济河浒。

辛勤采兰咏，款曲翰林主。岁月催别离，庭闱远风土。
寥寥寒烟静，莽莽夕阴吐。明发不在兹，青天眇难睹。

【宋中送族侄式颜（时张大夫贬括州使人

召式颜

遂有此作）】

高適

大夫击东胡，胡尘不敢起。胡人山下哭，胡马海边死。
部曲尽公侯，舆台亦朱紫。当时有勋业，末路遭谗毁。
转旆燕赵间，剖符括苍里。弟兄莫相见，亲族远粉梓。
不改青云心，仍招布衣士。平生怀感激，本欲候知己。
去矣难重陈，飘然自兹始。游梁且未遇，适越今何以。
乡山西北愁，竹箭东南美。峥嵘缙山外，苍莽几千里。

旅雁悲啾啾，朝昏孰云已。登临多瘴疠，动息在风水。
虽有贤主人，终为客行子。我携一尊酒，满酌聊劝尔。
劝尔惟一言，家声勿沦滓。

【又送族侄式颜】

高適

惜君才未遇，爱君才若此。世上五百年，君家一千里。
俱游帝城下，忽在梁园里。我今行山东，离忧不能已。

【赠别王十七管记】

高適

故交吾未测，薄宦空年岁。晚节踪曩贤，雄词冠当世。
堂中皆食客，门外多酒债。产业曾未言，衣裘与人敝。
飘飘戎幕下，出入关山际。转战轻壮心，立谈有边计。
云沙自回合，天海空迢递。星汉将骄，月盛胡兵锐。
沙深冷陁断，雪暗辽阳闭。亦谓扫欃枪，旋惊陷蜂虿。
归旌告东捷，斗骑传西败。遥飞绝汉书，已筑长安第。
画龙俱在叶，宠鹤先居卫。勿辞部曲勋，不藉将军势。
相逢季冬月，怅望穷海裔。折剑留赠人，严装遂云迈。
我行将悠缅，及此还羈滞。曾非济代谋，且有临深诫。

随波混清浊，与物同丑丽。眇忆青岩栖，宁忘褐衣拜。
自言爱水石，本欲亲兰蕙。何意薄松筠，翻然重菅蒯。
恒深取与分，孰慢平生契。款曲鸡黍期，酸辛别离袂。
逢时愧名节，遇坎悲沦替。适赵非解纷，游燕往无说。
浩歌方振荡，逸翮思凌励。倏若异鹏抃，吾当学蝉蜕。

【涟上别王秀才】

高適

飘飘经远道，客思满穷秋。浩荡对长涟，君行殊未休。
崎岖山海侧，想像无前俦。何意照乘珠，忽然欲暗投。

东路方箫条，楚歌复悲愁。暮帆使人感，去鸟兼离忧。
行矣当自爱，壮年莫悠悠。余亦从此辞，异乡难久留。
赠言岂终极，慎勿滞沧洲。

【赠别沈四逸人】

高適

沈侯未可测，其况信浮沉。十载常独坐，几人知此心。
乘舟蹈沧海，买剑投黄金。世务不足烦，有田西山岑。
我来遇知己，遂得开清襟。何意阊阖间，沛然江海深。
疾风扫秋树，濮上多鸣砧。耿耿尊酒前，聊雁飞愁音。

平生重离别，感激对孤琴。

【送韩九】

高適

惆怅别离日，裴回歧路前。归人望独树，匹马随秋蝉。
常与天下士，许君兄弟贤。良时正可用，行矣莫徒然。

【送崔录事赴宣城】

高適

大国非不理，小官皆用才。欲行宣城印，住饮洛阳杯。
晚景为人别，长天无鸟回。举帆风波渺，倚棹江山来。
羡尔兼乘兴，芜湖千里开。

【别张少府】

高適

归客留不住，朝云纵复横。马头向春草，斗柄临高城。
嗟我久离别，羡君看弟兄。归心更难道，回首一伤情。

【淇上别刘少府子英】

高適

近来住淇上，萧条惟空林。又非耕种时，闲散多自任。
伊君独知我，驱马欲招寻。千里忽携手，十年同苦心。
求仁见交态，于道喜甘临。逸思乃天纵，微才应陆沉。
飘然归故乡，不复问离襟。南登黎阳渡，莽苍寒云阴。
桑叶原上起，河凌山下深。途穷更远别，相对益悲吟。

【别耿都尉】

高適

四十能学剑，时人无此心。如何耿夫子，感激投知音。
翩翩白马来，二月青草深。别易小千里，兴酣倾百金。

第二百一十二卷

【宋中遇林虑杨十七山人，因而有别】

高適

昔余涉漳水，驱车行邺西。遥见林虑山，苍苍夏天倪。
邂逅逢尔曹，说君彼岩栖。萝径垂野蔓，石房倚云梯。
秋韭何青青，药苗数百畦。栗林隘谷口，栝树森回谿。
耕耘有山田，纺绩有山妻。人生苟如此，何必组与珪。
谁谓远相访，曩情殊不迷。檐前举醇醪，灶下烹只鸡。
朔风忽振荡，昨夜寒蜚啼。游子益思归，罢琴伤解携。
出门尽原野，白日黯已低。始惊道路难，终念言笑睽。
因声谢岑壑，岁暮一攀跻。

【酬别薛三、蔡大，留简韩十四主簿】

高適

迢递辞京华，辛勤异乡县。登高俯沧海，回首泪如霰。
同人久离别，失路还相见。薛侯怀直道，德业应时选。
蔡子负清才，当年擢宾荐。韩公有奇节，词赋凌群彦。

读书嵩岑间，作吏沧海甸。伊余寡栖托，感激多愠见。
纵诞非尔情，飘沦任疵贱。忽枉琼瑶作，乃深平生眷。
始谓吾道存，终嗟客游倦。归心无昼夜，别事除言宴。
复值凉风时，苍茫夏云变。

【送虞城刘明府谒魏郡苗太守】

高適

天官苍生望，出入承明庐。肃肃领旧藩，皇皇降玺书。
茂宰多感激，良将复吹嘘。永怀一言合，谁谓千里疏。
对酒忽命驾，兹情何起予。炎天昼如火，极目无行车。
长路出雷泽，浮云归孟诸。魏郡十万家，歌钟喧里闾。
传道贤君至，闭关常晏如。君将挹高论，定是问樵渔。
今日逢明圣，吾为陶隐居。

【途中酬李少府赠别之作】

高適

西上逢节换，东征私自怜。故人今卧疾，欲别还留连。
举酒临南轩，夕阳满中筵。宁知江上兴，乃在河梁偏。
行李多光辉，札翰忽相鲜。谁谓岁月晚，交情尚贞坚。
终嗟州县劳，官谤复迍邰。虽负忠信美，其如方寸悬。
连帅扇清风，千里犹眼前。曾是趋藻镜，不应翻弃捐。

日来知自强，风气殊未痊。可以加药物，胡为辄忧煎。
驱马出大梁，原野一悠然。柳色感行客，云阴愁远天。
皇明烛幽遐，德泽普照宣。鹄鸿列霄汉，燕雀何翩翩。
余亦惬所从，渔樵十二年。种瓜漆园里，凿井卢门边。

去去勿重陈，生涯难勉旃。或期遇春事，与尔复周旋。
投报空回首，狂歌谢比肩。

【睢阳酬别畅大判官】

高適

吾友遇知己，策名逢圣朝。高才擅白雪，逸翰怀青霄。
承诏选嘉宾，慨然即驰轺。清昼下公馆，尺书忽相邀。
留欢惜别离，毕景驻行镳。言及沙漠事，益令胡马骄。
丈夫拔东蕃，声冠霍嫫姚。兜鍪冲矢石，铁甲生风飙。
诸将出冷陁，连营济石桥。酋豪尽俘馘，子弟输征徭。
边庭绝刁斗，战地成渔樵。榆关夜不扃，塞口长萧萧。
降胡满蓟门，一一能射雕。军中多宴乐，马上何轻趫。
戎狄本无厌，羁縻非一朝。饥附诚足用，饱飞安可招。
李牧制儋蓝，遗风岂寂寥。君还谢幕府，慎勿轻刍荛。

【宴韦司户山亭院】

高適

人幽想灵山，意惬怜远水。习静务为适，所居还复尔。
汲流涨华池，开酌宴君子。苔径试窥践，石屏可攀倚。
入门见中峰，携手如万里。横琴了无事，垂钓应有以。

高馆何沉沉，飒然凉风起。

【同诸公登慈恩寺浮图】

高適

香界泯群有，浮图岂诸相。登临骇孤高，披拂欣大壮。
言是羽翼生，迥出虚空上。顿疑身世别，乃觉形神王。
宫阙皆户前，山河尽檐向。秋风昨夜至，秦塞多清旷。
千里何苍苍，五陵郁相望。盛时惭阮步，未宦知周防。
输效独无因，斯焉可游放。

【同薛司直诸公秋霁曲江俯见南山作】

高適

南山郁初霁，曲江湛不流。若临瑶池前，想望昆仑丘。
回首见黛色，眇然波上秋。深沉俯峥嵘，清浅延阻修。
连潭万木影，插岸千岩幽。杳霭信难测，渊沦无暗投。
片云对渔父，独鸟随虚舟。我心寄青霞，世事惭白鸥。
得意在乘兴，忘怀非外求。良辰自多暇，欣与数子游。

【登广陵栖灵寺塔】

高適

淮南富登临，兹塔信奇最。直上造云族，凭虚纳天籁。
迥然碧海西，独立飞鸟外。始知高兴尽，达与赏心会。
连山黯吴门，乔木吞楚塞。城池满窗下，物象归掌内。
远思驻江帆，暮时结春霭。轩车疑蠢动，造化资大块。
何必了无身，然后知所退。

【登百丈峰二首】

高適

朝登百丈峰，遥望燕支道。汉垒青冥间，胡天白如扫。
忆昔霍将军，连年此征讨。匈奴终不灭，寒山徒草草。
唯见鸿雁飞，令人伤怀抱。
晋武轻后事，惠皇终已昏。豺狼塞瀍洛，胡羯争乾坤。
四海如鼎沸，五原徒自尊。而今白庭路，犹对青阳门。
朝市不足问，君臣随草根。

【同群公秋登琴台】

高適

古迹使人感，琴台空寂寥。静然顾遗尘，千载如昨朝。
临眺自兹始，群贤久相邀。德与形神高，孰知天地遥。
四时何倏忽，六月鸣秋蛩。万象归白帝，平川横赤霄。
犹是对夏伏，几时有凉飙。燕雀满檐楹，鸿鹄抟扶摇。
物性各自得，我心在渔樵。兀然还复醉，尚握尊中瓢。

【同群公出猎海上】

高適

畋猎自古昔，况伊心赏俱。偶与群公游，旷然出平芜。
层阴涨溟海，杀气穷幽都。鹰隼何翩翩，驰骤相传呼。
豺狼窜榛莽，麋鹿罹艰虞。高鸟下駉弓，困兽斗匹夫。
尘惊大泽晦，火燎深林枯。失之有馀恨，获者无全躯。
咄彼工拙间，恨非指踪徒。犹怀老氏训，感叹此欢娱。

【同群公题郑少府田家（此公昔任白马尉，

今寄

住滑台）】

高適

郑侯应凄惶，五十头尽白。昔为南昌尉，今作东郡客。
与语多远情，论心知所益。秋林既清旷，穷巷空淅沥。

蝶舞园更闲，鸡鸣日云夕。男儿未称意，其道固无适。
劝君且杜门，勿叹人事隔。

【同群公题中山寺】

高適

平原十里外，稍稍云岩深。遂及清净所，都无人世心。
名僧既礼谒，高阁复登临。石壁倚松径，山田多栗林。
超遥尽巘嶂，逼侧仍岖。吾欲休世事，于焉聊自任。

【同群公宿开善寺，赠陈十六所居】

高適

驾车出入境，避暑投僧家。裴回龙象侧，始见香林花。
读书不及经，饮酒不胜茶。知君悟此道，所未搜袈裟。
谈空忘外物，持诚破诸邪。则是无心地，相看唯月华。

【同韩四、薛三东亭玩月】

高適

远游怅不乐，兹赏吾道存。款曲故人意，辛勤清夜言。

东亭何寥寥，佳境无朝昏。阶墀近洲渚，户牖当郊原。
矧乃穷周旋，游时怡讨论。树阴荡瑶瑟，月气延清尊。
明河带飞雁，野火连荒村。对此更愁予，悠哉怀故园。

【同敬八、卢五泛河间清河】

高適

清川在城下，沿泛多所宜。同济惬数公，玩物欣良时。
飘飘波上兴，燕婉舟中词。昔陟乃平原，今来忽涟漪。
东流达沧海，西流延滹池。云树共晦明，井邑相逶迤。

稍随归月帆，若与沙鸥期。渔父更留我，前潭水未滋。

【同房侍御山园新亭与邢判官同游】

高適

隐隐春城外，朦胧陈迹深。君子顾榛莽，兴言伤古今。
决河导新流，疏径踪旧林。开亭俯川陆，时景宜招寻。
肃穆逢使轩，夤缘事登临。忝游芝兰室，还对桃李阴。
岸远白波来，气喧黄鸟吟。因睹歌颂作，始作经济心。
灌坛有遗风，单父多鸣琴。谁为久州县，苍生怀德音。

【同马太守听九思法师讲金刚经】

高適

吾师晋阳宝，杰出山河最。途经世谛间，心到空王外。
鸣钟山虎伏，说法天龙会。了义同建瓴，梵法若吹籁。
深知亿劫苦，善喻恒沙大。舍施割肌肤，攀缘去亲爱。
招提何清净，良牧驻轻盖。露冕众香中，临人觉苑内。
心持佛印久，标割魔军退。愿开初地因，永奉弥天对。

【涟上题樊氏水亭】

高適

涟上非所趣，偶为世务牵。经时驻归棹，日夕对平川。
莫论行子愁，且得主人贤。亭上酒初熟，厨中鱼每鲜。
自说宦游来，因之居住偏。煮盐沧海曲，种稻长淮边。
四时常晏如，百口无饥年。菱芋藩篱下，渔樵耳目前。
异县少朋从，我行复迍邰。向不逢此君，孤舟已言旋。
明日又分首，风涛还眇然。

【同吕判官从哥舒大夫破洪济城回，登积

石军多

福七级浮图】

高適

塞口连浊河，辕门对山寺。宁知鞍马上，独有登临事。

七级凌太清，千崖列苍翠。飘飘方寓目，想像见深意。
高兴殊未平，凉风飒然至。拔城阵云合，转旆胡星坠。
大将何英灵，官军动天地。君怀生羽翼，本欲附骐驎。

款段苦不前，青冥信难致。一歌阳春后，三叹终自愧。

【三君咏·魏郑公（徵）】

高適

郑公经纶日，隋氏风尘昏。济代取高位，逢时敢直言。
道光先帝业，义激旧君恩。寂寞卧龙处，英灵千载魂。

【三君咏·郭代公（元振）】

高適

代公实英迈，津涯浩难识。拥兵抗矫征，仗节归有德。
纵横负才智，顾盼安社稷。流落勿重陈，怀哉为凄恻。

【三君咏·狄梁公（仁杰）】

高適

梁公乃贞固，勋烈垂竹帛。昌言太后朝，潜运储君策。
待贤开相府，共理登方伯。至今青云人，犹是门下客。

【宓公琴台诗三首】

高適

宓子昔为政，鸣琴登此台。琴和人亦闲，千载称其才。
临眺忽凄怆，人琴安在哉。悠悠此天壤，唯有颂声来。
邦伯感遗事，慨然建琴堂。乃知静者心，千载犹相望。
入室想其人，出门何茫茫。唯见白云合，东临邹鲁乡。
皤皤邑中老，自夸邑中理。何必升君堂，然后知君美。
开门无犬吠，早卧常晏起。昔人不忍欺，今我还复尔。

【李云南征蛮诗】

高適

圣人赫斯怒，诏伐西南戎。肃穆庙堂上，深沉节制雄。
遂令感激士，得建非常功。料死不料敌，顾恩宁顾终。
鼓行天海外，转战蛮夷中。梯巘近高鸟，穿林经毒虫。
鬼门无归客，北户多南风。蜂虺隔万里，云雷随九攻。
长驱大浪破，急击群山空。饷道忽已远，悬军垂欲穷。
精诚动白日，愤薄连苍穹。野食掘田鼠，晡餐兼燹僮。

收兵列亭堠，拓地弥西东。临事耻苟免，履危能饬躬。
将星独照耀，边色何溟濛。泸水夜可涉，交州今始通。
归来长安道，召见甘泉宫。廉蔺若未死，孙吴知暗同。

相逢论意气，慷慨谢深衷。

【题尉迟将军新庙】

高適

周室既板荡，贼臣立婴儿。将军独激昂，誓欲酬恩私。
孤城日无援，高节终可悲。家国共沦亡，精魂空在斯。
沉沉积冤气，寂寂无人知。良牧怀深仁，与君建明祠。
父子俱血食，轩车每逶迤。我来荐蘋蘩，感叹兴此词。
晨光上阶闼，杀气翻旌旗。明明幽冥理，至诚信莫欺。
唯夫二千石，多庆方自兹。

【观李九少府翥树宓子贱神祠碑】

高適

吾友吏兹邑，亦尝怀宓公。安知梦寐间，忽与精灵通。
一见兴永叹，再来激深衷。宾从何逶迤，二十四老翁。
于焉建层碑，突兀长林东。作者无愧色，行人感遗风。
坐令高岸尽，独对秋山空。片石勿谓轻，斯言固难穷。
龙盘色丝外，鹄顾偃波中。形胜驻群目，坚贞指苍穹。

我非王仲宣，去矣徒发蒙。

【同观陈十六史兴碑】

高適

荆衡气偏秀，江汉流不歇。此地多精灵，有时生才杰。
伊人今独步，逸思能间发。永怀掩风骚，千载常砭砭。
新碑亦崔嵬，佳句悬日月。则是刊石经，终然继棊机。
我来观雅制，慷慨变毛发。季主尽荒淫，前王徒贻厥。
东周既削弱，两汉更沦没。西晋何披猖，五胡相唐突。
作歌乃彰善，比物仍恶讐。感叹将谓谁，对之空咄咄。

【宋中十首】

高適

梁王昔全盛，宾客复多才。悠悠一千年，陈迹唯高台。
寂寞向秋草，悲风千里来。
朝临孟诸上，忽见芒砀间。赤帝终已矣，白云长不还。
时清更何有，禾黍遍空山。
景公德何广，临变莫能欺。三请皆不忍，妖星终自移。
君心本如此，天道岂无知。

梁苑白日暮，梁山秋草时。君王不可见，修竹令人悲。
九月桑叶尽，寒风鸣树枝。
登高临旧国，怀古对穷秋。落日鸿雁度，寒城砧杵愁。

昔贤不复有，行矣莫淹留。
出门望终古，独立悲且歌。忆昔鲁仲尼，凄凄此经过。
众人不可向，伐树将如何。
逍遥漆园吏，冥没不知年。世事浮云外，闲居大道边。
古来同一马，今我亦忘筌。
五霸递征伐，宋人无战功。解围幸奇说，易子伤吾衷。
唯见卢门外，萧条多转蓬。
常爱宓子贱，鸣琴能自亲。邑中静无事，岂不由其身。
何意千年后，寂寞无此人。
阍伯去已久，高丘临道傍。人皆有兄弟，尔独为参商。
终古犹如此。而今安可量。

【蓟中作】

高適

策马自沙漠，长驱登塞垣。边城何萧条，白日黄云昏。

一到征战处，每愁胡虏翻。岂无安边书，诸将已承恩。
惆怅孙吴事，归来独闭门。

【自淇涉黄河途中作十三首】

高適

川上常极目，世情今已闲。去帆带落日，征路随长山。
亲友若云霄，可望不可攀。于兹任所惬，浩荡风波间。
清晨泛中流，羽族满汀渚。黄鹄何处来，昂藏寡俦侣。
飞鸣无人见，饮啄岂得所。云汉尔固知，胡为不轻举。
野人头尽白，与我忽相访。手持青竹竿，日暮淇水上。
虽老美容色，虽贫亦闲放。钓鱼三十年，中心无所向。
南登滑台上，却望河淇间。竹树夹流水，孤城对远山。
念兹川路阔，羡尔沙鸥闲。长想别离处，犹无音信还。
东入黄河水，茫茫泛纡直。北望太行山，峨峨半天色。
山河相映带，深浅未可测。自昔有贤才，相逢不相识。
秋日登滑台，台高秋已暮。独行既未惬，怀土怅无趣。
晋宋何萧条，羌胡散驰鹜。当时无战略，此地即边戍。
兵革徒自勤，山河孰云固。乘闲喜临眺，感物伤游寓。
惆怅落日前，飘飘远帆处。北风吹万里，南雁不知数。

归意方浩然，云沙更回互。

乱流自兹远，倚楫时一望。遥见楚汉城，崔嵬高山上。
天道昔未测，人心无所向。屠钓称侯王，龙蛇争霸王。
缅怀多杀戮，顾此生惨怆。圣代休甲兵，吾其得闲放。
兹川方悠邈，云沙无前后。古堰对河壖，长林出淇口。
独行非吾意，东向日已久。忧来谁得知，且酌尊中酒。
朝从北岸来，泊船南河浒。试共野人言，深觉农夫苦。

去秋虽薄熟，今夏犹未雨。耕耘日勤劳，租税兼舄鹵。
园蔬空寥落，产业不足数。尚有献芹心，无因见明主。
茫茫浊河注，怀古临河滨。禹功本豁达，汉迹方因循。
坎德昔滂沱，冯夷胡不仁。激湍陵堤防，东郡多悲辛。
天子忽惊悼，从官皆负薪。畚筑岂无谋，祈祷如有神。
宣房今安在，高岸空嶙峋。

我行倦风湍，辍棹将问津。空传歌瓠子，感慨独愁人。
孟夏桑叶肥，秣阴夹长津。蚕农有时节，田野无闲人。
临水狎渔樵，望山怀隐沦。谁能去京洛，憔悴对风尘。
朝景入平川，川长复垂柳。遥看魏公墓，突兀前山后。
忆昔大业时，群雄角奔走。伊人何电迈，独立风尘首。
传檄举敖仓，拥兵屯洛口。连营一百万，六合如可有。
方项终比肩，乱隋将假手。力争固难恃，骄战曷能久。
若使学萧曹，功名当不朽。

皤皤河滨叟，相遇似有耻。辍榜聊问之，答言尽终始。
一生虽贫贱，九十年未死。且喜对儿孙，弥惭远城市。
结庐黄河曲，垂钓长河里。漫漫望云沙，萧条听风水。
所思强饭食，永愿在乡里。万事吾不知，其心只如此。

【宋中遇陈二】

高適

常忝鲍叔义，所期王佐才。如何守苦节，独此无良媒。
离别十年外，飘飏千里来。安知罢官后，惟见柴门开。

穷巷隐东郭，高堂咏南陔。篱根长花草，井上生莓苔。
伊昔望霄汉，于今倦蒿莱。男儿命未达，且尽手中杯。

【宋中遇刘书记有别】

高適

何代无秀士，高门生此才。森然睹毛发，若见河山来。
几载困常调，一朝时运催。白身谒明主，待诏登云台。
相逢梁宋间，与我醉蒿莱。寒楚眇千里，雪天昼不开。
末路终离别，不能强悲哀。男儿争富贵，劝尔莫迟回。

【鲁郡途中遇徐十八录事（时此公学王书 嗟别）】

高適

谁谓嵩颖客，遂经邹鲁乡。前临少昊墟，始觉东蒙长。
独行岂吾心，怀古激中肠。圣人久已矣，游夏遥相望。
裴回野泽间，左右多悲伤。日出见阙里，川平知汶阳。
弱冠负高节，十年思自强。终然不得意，去去任行藏。

【遇冲和先生】

高適

冲和生何代，或谓游东溟。三命谒金殿，一言拜银青。
自云多方术，往往通神灵。万乘亲问道，六宫无敢听。
昔去限霄汉，今来睹仪形。头戴鹖鸟冠，手摇白鹤翎。
终日饮醇酒，不醉复不醒。常忆鸡鸣山，每诵西升经。
拊背念离别，依然出户庭。莫见今如此，曾为一客星。

【鲁西至东平】

高適

沙岸拍不定，石桥水横流。问津见鲁俗，怀古伤家丘。
寥落千载后，空传褒圣侯。

【东平路作三首】

高適

南图适不就，东走岂吾心。索索凉风动，行行秋水深。
蝉鸣木叶落，兹夕更愁霖。

明时好画策，动欲干王公。今日无成事，依依亲老农。
扁舟向何处，吾爱汶阳中。
清旷凉夜月，裴回孤客舟。渺然风波上，独爱前山秋。
秋至复摇落，空令行者愁。

【东平路中遇大水】

高適

天灾自古有，昏垫弥今秋。霖霖溢川原，湔洞涵田畴。
指途适汶阳，挂席经芦洲。永望齐鲁郊，白云何悠悠。
傍沿钜野泽，大水纵横流。虫蛇拥独树，麋鹿奔行舟。
稼穡随波澜，西成不可求。室居相枕藉，蛙黾声啾啾。
仍怜穴蚁漂，益羨云禽游。农夫无倚著，野老生殷忧。
圣主当深仁，庙堂运良筹。仓廩终尔给，田租应罢收。
我心胡郁陶，征旅亦悲愁。纵怀济时策，谁肯论吾谋。

【登堊】

高適

堊头远行客，堊上分流水。流水无尽期，行人未云已。
浅才登一命，孤剑通万里。岂不思故乡，从来感知己。

【苦雪四首】

高適

二月犹北风，天阴雪冥冥。寥落一室中，怅然惭百龄。
苦愁正如此，门柳复青青。
惠连发清兴，袁安念高卧。余故非斯人，为性兼懒惰。
赖兹尊中酒，终日聊自过。
濛濛洒平陆，淅沥至幽居。且喜润群物，焉能悲斗储。
故交久不见，鸟雀投吾庐。
孰云久闲旷，本自保知寡。穷巷独无成，春条只盈把。
安能羡鹏举，且欲歌牛下。乃知古时人，亦有如我者。

【哭单父梁九少府】

高適

开筐泪沾臆，见君前日书。夜台今寂寞，独是子云居。
畴昔探灵奇，登临赋山水。同舟南浦下，望月西江里。
契阔多别离，绸缪到生死。九原即何处，万事皆如此。
晋山徒峨峨，斯人已冥冥。常时禄且薄，歿后家复贫。
妻子在远道，弟兄无一人。十上多苦辛，一官恒自哂。
青云将可致，白日忽先尽。唯有身后名，空留无远近。

【哭裴少府】

高適

世人谁不死，嗟君非生虑。扶病适到官，田园在何处。
公才群吏感，葬事他人助。余亦未识君，深悲哭君去。

第二百一十三卷

【行路难二首】

高適

长安少年不少钱，能骑骏马鸣金鞭。五侯相逢大道边，
美人弦管争留连。黄金如斗不敢惜，片言如山莫弃捐。
安知憔悴读书者，暮宿灵台私自怜。
君不见富家翁，旧时贫贱谁比数。一朝金多结豪贵，
万事胜人健如虎。子孙成行满眼前，妻能管弦妾能舞。
自矜一身忽如此，却笑傍人独愁苦。东邻少年安所如，
席门穷巷出无车。有才不肯学干谒，何用年年空读书。

【秋胡行（一作鲁秋胡）】

高適

妾本邯郸未嫁时，容华倚翠人未知。一朝结发从君子，
将妾迢迢东鲁陲。时逢大道无艰阻，君方游宦从陈汝。
蕙楼独卧频度春，彩阁辞君几徂暑。三月垂杨蚕未眠，

携笼结侣南陌边。道逢行子不相识，赠妾黄金买少年。
妾家夫婿经离久，寸心誓与长相守。愿言行路莫多情，
道妾贞心在人口。日暮蚕饥相命归，携笼端饰来庭闱。
劳心苦力终无恨，所冀君恩即可依。闻说行人已归止，
乃是向来赠金子。相看颜色不复言，相顾怀惭有何已。
从来自隐无疑背，直为君情也相会。如何咫尺仍有情，
况复迢迢千里外。誓将顾恩不顾身，念君此日赴河津。
莫道向来不得意，故欲留规诫后人。

【古大梁行】

高適

古城莽苍饶荆榛，驱马荒城愁杀人。魏王宫观尽禾黍，
信陵宾客随灰尘。忆昨雄都旧朝市，轩车照耀歌钟起。
军容带甲三十万，国步连营一千里。全盛须臾那可论，
高台曲池无复存。遗墟但见狐狸迹，古地空馀草木根。

暮天摇落伤怀抱，倚剑悲歌对秋草。侠客犹传朱亥名，
行人尚识夷门道。白璧黄金万户侯，宝刀骏马填山丘。
年代凄凉不可问，往来唯有水东流。

【邯鄲少年行】

高適

邯鄲城南游侠子，自矜生长邯鄲里。千场纵博家仍富，
几度报仇身不死。宅中歌笑日纷纷，门外车马常如云。
未知肝胆向谁是，令人却忆平原君。君不见今人交态薄，
黄金用尽还疏索。以兹感叹辞旧游，更于时事无所求。
且与少年饮美酒，往来射猎西山头。

【燕歌行】

高適

汉家烟尘在东北，汉将辞家破残贼。男儿本自重横行，
天子非常赐颜色。摐金伐鼓下榆关，旌旆逶迤碣石间。
校尉羽书飞瀚海，单于猎火照狼山。山川萧条极边土，
胡骑凭陵杂风雨。战士军前半死生，美人帐下犹歌舞。
大漠穷秋塞草腓，孤城落日斗兵稀。身当恩遇恒轻敌，
力尽关山未解围。铁衣远戍辛勤久，玉箸应啼别离后。

少妇城南欲断肠，征人蓟北空回首。边庭飘飖那可度，
绝域苍茫更何有。杀气三时作阵云，寒声一夜传刁斗。
相看白刃血纷纷，死节从来岂顾勋。君不见沙场征战苦，
至今犹忆李将军。

【古歌行】

高適

君不见汉家三叶从代至，高皇旧臣多富贵。
天子垂衣方晏如，庙堂拱手无馀议。苍生偃卧休征战，
露台百金以为费。田舍老翁不出门，洛阳少年莫论事。

【人日寄杜二拾遗】

高適

人日题诗寄草堂，遥怜故人思故乡。柳条弄色不忍见，
梅花满枝空断肠。身在远藩无所预，心怀百忧复千虑。
今年人日空相忆，明年人日知何处。一卧东山三十春，
岂知书剑老风尘。龙钟还忝二千石，愧尔东西南北人。

【九日酬颜少府】

高適

檐前白日应可惜，篱下黄花为谁有。行子迎霜未授衣，
主人得钱始沽酒。苏秦憔悴人多厌，蔡泽栖迟世看丑。
纵使登高只断肠，不如独坐空搔首。

【留别郑三、韦九兼洛下诸公】

高適

忆昨相逢论久要，顾君哂我轻常调。羁旅虽同白社游，
诗书已作青云料。蹇质蹉跎竟不成，年过四十尚躬耕。
长歌达者杯中物，大笑前人身后名。幸逢明盛多招隐，
高山大泽征求尽。此时亦得辞渔樵，青袍裹身荷圣朝。
犁牛钓竿不复见，县人邑吏来相邀。远路鸣蝉秋兴发，
华堂美酒离忧销。不知何日更携手，应念兹晨去折腰。

【送杨山人归嵩阳】

高適

不到嵩阳动十年，旧时心事已徒然。一二故人不复见，

三十六峰犹眼前。夷门二月柳条色，流莺数声泪沾臆。
凿井耕田不我招，知君以此忘帝力。山人好去嵩阳路，
惟余眷眷长相忆。

【送别】

高適

昨夜离心正郁陶，三更白露西风高。萤飞木落何淅沥，
此时梦见西归客。曙钟寥亮三四声，东邻嘶马使人惊。
揽衣出户一相送，唯见归云纵复横。

【赠别晋三处士】

高適

有人家住清河源，渡河问我游梁园。手持道经注已毕，
心知内篇口不言。卢门十年见秋草，此心惆怅谁能道。
知己从来不易知，慕君为人与君好。别时九月桑叶疏，
出门千里无行车。爱君且欲君先达，今上求贤早上书。

【送浑将军出塞】

高適

将军族贵兵且强，汉家已是浑邪王。子孙相承在朝野，
至今部曲燕支下。控弦尽用阴山儿，登阵常骑大宛马。
银鞍玉勒绣螭弧，每逐嫖姚破骨都。李广从来先将士，
卫青未肯学孙吴。传有沙场千万骑，昨日边庭羽书至。
城头画角三四声，匣里宝刀昼夜鸣。意气能甘万里去，
辛勤判作一年行。黄云白草无前后，朝建旌旄夕刁斗。
塞下应多侠少年，关西不见春杨柳。从军借问所从谁，
击剑酣歌当此时。远别无轻绕朝策，平戎早寄仲宣诗。

【送蔡山人】

高適

东山布衣明古今，自言独未逢知音。识者阅见一生事，
到处豁然千里心。看书学剑长辛苦，近日方思谒明主。
斗酒相留醉复醒，悲歌数年泪如雨。丈夫遭遇不可知，
买臣主父皆如斯。我今蹭蹬无所似，看尔崩腾何若为。
【封丘作】

高適

我本漁樵孟諸野，一生自是悠悠者。乍可狂歌草澤中，
寧堪作吏風塵下。只言小邑無所為，公門百事皆有期。
拜迎官長心欲碎，鞭撻黎庶令人悲。歸來向家問妻子，
舉家盡笑今如此。生事應須南畝田，世情付與東流水。
夢想舊山安在哉，為銜君命且遲回。乃知梅福徒為爾，
轉憶陶潛歸去來。

【題李別駕壁】

高適

去鄉不遠逢知己，握手相歡得如此。禮樂遙傳魯伯禽，
賓客爭過魏公子。酒筵暮散明月上，枥馬長鳴春風起。
一生稱意能幾人，今日從君問終始。

【寄宿田家】

高適

田家老翁住東陂，說道平生隱在茲。鬢白未曾記日月，
山青每到識春時。門前種柳深成巷，野谷流泉添入池。
牛壯日耕十畝地，人閑常掃一茅茨。客來滿酌清尊酒，

感兴平吟才子诗。岩际窟中藏鼯鼠，潭边竹里隐鸬鹚。
村墟日落行人少，醉后无心怯路歧。今夜只应还寄宿，
明朝拂曙与君辞。

【别韦参军】

高適

二十解书剑，西游长安城。举头望君门，屈指取公卿。
国风冲融迈三五，朝廷欢乐弥寰宇。白璧皆言赐近臣，
布衣不得干明主。归来洛阳无负郭，东过梁宋非吾土。
兔苑为农岁不登，雁池垂钓心长苦。世人遇我同众人，
唯君于我最相亲。且喜百年有交态，未尝一日辞家贫。
弹棋击筑白日晚，纵酒高歌杨柳春。欢娱未尽分散去，
使我惆怅惊心神。丈夫不作儿女别，临歧涕泪沾衣巾。

【送田少府贬苍梧】

高適

沉吟对迁客，惆怅西南天。昔为一官未得意，
今向万里令人怜。念兹斗酒成暌间，停舟叹君日将晏。
远树应怜北地春，行人却羡南归雁。丈夫穷达未可知，
看君不合长数奇。江山到处堪乘兴，杨柳青青那足悲。

【平台夜遇李景参有别】

高適

离心忽怅然，策马对秋天。孟诸薄暮凉风起，归客相逢渡睢水。昨时携手已十年，今日分途各千里。岁物萧条满路歧，此行浩荡令人悲。家贫羡尔有微禄，欲往从之何所之。

【送郭处士往莱芜，兼寄苟山人】

高適

君为东蒙客，往来东蒙畔。云卧临峰阳，山行穷日观。少年词赋皆可听，秀眉白面风清冷。身上未曾染名利，口中犹未知膻腥。今日还山意无极，岂辞世路多相识。归见莱芜九十翁，为论别后长相忆。

【赋得还山吟，送沈四山人】

高適

还山吟，天高日暮寒山深，送君还山识君心。
人生老大须恣意，看君解作一生事，山间偃仰无不至。

石泉淙淙若风雨，桂花松子常满地。卖药囊中应有钱，
还山服药又长年。白云劝尽杯中物，明月相随何处眠。
眠时忆问醒时事，梦魂可以相周旋。

【崔司录宅燕大理李卿】

高適

多雨殊未已，秋云更沉沉。洛阳故人初解印，
山东小吏来相寻。上卿才大名不朽，早朝至尊暮求友。
豁达常推海内贤，殷勤但酌尊中酒。饮醉欲言归剡溪，
门前驷马光照衣。路傍观者徒唧唧，我公不以为是非。

【同鲜于洛阳于毕员外宅观画马歌】

高適

知君爱鸣琴，仍好千里马。永日恒思单父中，

有时心到宛城下。遇客丹青天下才，白生胡雏控龙媒。
主人娱宾画障开，只言骐骥西极来。半壁走参走覃势不住，
满堂风飘飒然度。家僮愕视欲先鞭，枥马惊嘶还屡顾。
始知物妙皆可怜，燕昭市骏岂徒然。纵令剪拂无所用，
犹胜駉骀在眼前。

【同河南李少尹毕员外宅夜饮,时洛阳告

捷,遂作

春酒歌】

高適

故人美酒胜浊醪，故人清词合风骚。长歌满酌惟吾曹，
高谈正可挥麈毛。半醉忽然持蟹螯，洛阳告捷倾前后。
武侯腰间印如斗，郎官无事时饮酒。杯中绿蚁吹转来，
瓮上飞花拂还有。前年持节将楚兵，去年留司在东京，
今年复拜二千石，盛夏五月西南行。彭门剑门蜀山里，
昨逢军人劫夺我，到家但见妻与子。赖得饮君春酒数十杯，
不然令我愁欲死。

【同李九士曹观壁画云作】

高適

始知帝乡客，能画苍梧云。秋天万里一片色，
只疑飞尽犹氛氲。

【见薛大臂鹰作（一作李白）】

高適

寒楚十二月，苍鹰八九毛。寄言燕雀莫相啁，
自有云霄万里高。

【画马篇（同诸公宴睢阳李太守，各赋一物）】

高適

君侯枌上骢，貌在丹青中。马毛连钱蹄铁色，
图画光辉骄玉勒。马行不动势若来，权奇蹴踏无尘埃。
感兹绝代称妙手，遂令谈者不容口。麒麟独步自可珍，
弩骀万匹知何有。终未如他枌上骢，载华毂，骋飞鸿。
荷君剪拂与君用，一日千里如旋风。

【咏马鞭】

高適

龙竹养根凡几年，工人截之为长鞭，一节一目皆天然。

珠重重，星连连。绕指柔，纯金坚。绳不直，规不圆。
把向空中捎一声，良马有心日驰千。

【塞下曲（贺兰作）】

高適

君不见芳树枝，春花落尽蜂不窥。君不见梁上泥，
秋风始高燕不栖。荡子从军事征战，蛾眉婵娟守空闺。
独宿自然堪下泪，况复时间鸟夜啼。

【渔父歌】

高適

曲岸深潭一山叟，驻眼看钩不移手。世人欲得知姓名，
良久问他不开口。箬皮笠子荷叶衣，心无所营守钓矶。
料得孤舟无定止，日暮持竿何处归。

第二百一十四卷

【部落曲】

高適

蕃军傍塞游，代马喷风秋。老将垂金甲，阏支著锦裘。
雕戈蒙豹尾，红旆插狼头。日暮天山下，鸣笳汉使愁。

【赠杜二拾遗】

高適

传道招提客，诗书自讨论。佛香时入院，僧饭屡过门。
听法还应难，寻经剩欲翻。草玄今已毕，此外复何言。

【醉后赠张九旭】

高適

世上谩相识，此翁殊不然。兴来书自圣，醉后语尤颠。

白发老闲事，青云在目前。床头一壶酒，能更几回眠。

【途中寄徐录事（比以王书见赠）】

高適

落日风雨至，秋天鸿雁初。离忧不堪比，旅馆复何如。
君又几时去，我知音信疏。空多篋中赠，长见右军书。

【酬卫八雪中见寄】

高適

季冬忆淇上，落日归山樊。旧宅带流水，平田临古村。
雪中望来信，醉里开衡门。果得希代宝，絨之那可论。

【送白少府送兵之陇右】

高適

践更登陇首，远别指临洮。为问关山事，何如州县劳。
军容随赤羽，树色引青袍。谁断单于臂，今年太白高。

【河西送李十七】

高適

边城多远别，此去莫徒然。问礼知才子，登科及少年。
出门看落日，驱马向秋天。高价人争重，行当早著鞭。

【送张瑶贬五谿尉】

高適

他日维桢干，明时悬谏诤。江山遥去国，妻子独还家。
离别无嫌远，沉浮勿强嗟。南登有词赋，知尔吊长沙。

【别韦五】

高適

徒然酌杯酒，不觉散人愁。相识仍远别，欲归翻旅游。
夏云满郊甸，明月照河洲。莫恨征途远，东看漳水流。

【别刘大校书】

高適

昔日京华去，知君才望新。应犹作赋好，莫叹在官贫。
且复伤远别，不然愁此身。清风几万里，江上一归人。

【宋中别司功叔，各赋一物得商丘】

高適

商丘试一望，隐隐带秋天。地与辰星在，城将大路迁。
干戈悲昔事，墟落对穷年。即此伤离绪，凄凄赋酒筵。

【送蔡十二之海上（时在卫中）】

高適

黯然而所为，相对但悲酸。季弟念离别，贤兄救急难。
河流冰处尽，海路雪中寒。尚有南飞雁，知君不忍看。

【别韦兵曹】

高適

离别长千里，相逢数十年。此心应不变，他事已徒然。
惆怅春光里，蹉跎柳色前。逢时当自取，看尔欲先鞭。

【独孤判官部送兵】

高適

饯君嗟远别，为客念周旋。征路今如此，前军犹眇然。
出关逢汉壁，登陇望胡天。亦是封侯地，期君早着鞭。

【别从甥万盈】

高適

诸生曰万盈，四十乃知名。宅相予偏重，家丘人莫轻。
美才应自料，苦节岂无成。莫以山田薄，今春又不耕。

【别崔少府】

高適

知府少得意，汶上掩柴扉。寒食仍留火，春风未授衣。
皆言黄绶屈，早向青云飞。借问他乡事，今年归不归。

【别冯判官】

高適

碣石辽西地，渔阳蓟北天。关山唯一道，雨雪尽三边。
才子方为客，将军正渴贤。遥知幕府下，书记日翩翩。

【淇上送韦司仓往滑台】

高適

饮酒莫辞醉，醉多适不愁。孰知非远别，终念对穷秋。
滑台门外见，淇水眼前流。君去应回首，风波满渡头。

【送崔功曹赴越】

高適

传有东南别，题诗报客居。江山知不厌，州县复何如。
莫恨吴歆曲，尝看越绝书。今朝欲乘兴，随尔食鲈鱼。

【送蹇秀才赴临洮】

高適

怅望日千里，如何今二毛。犹思阳谷去，莫厌陇山高。
倚马见雄笔，随身唯宝刀。料君终自致，勋业在临洮。

【广陵别郑处士】

高適

落日知分手，春风莫断肠。兴来无不惬，才在亦何伤。
溪水堪垂钓，江田耐插秧。人生只为此，亦足傲羲皇。

【别孙訢】

高適

离人去复留，白马黑貂裘。屈指论前事，停鞭惜旧游。
帝乡那可忘，旅馆日堪愁。谁念无知己，年年睢水流。

【送刘评事充朔方判官，赋得征马嘶】

高適

征马向边州，萧萧嘶不休。思深应带别，声断为兼秋。
歧路风将远，关山月共愁。赠君从此去，何日大刀头。

【送魏八】

高適

更沽淇上酒，还泛驿前舟。为惜故人去，复怜嘶马愁。
云山行处合，风雨兴中秋。此路无知己，明珠莫暗投。

【赠别褚山人】

高適

携手赠将行，山人道姓名。光阴蓟子训，才术褚先生。
墙上梨花白，尊中桂酒清。洛阳无二价，犹是慕风声。

【别王八】

高適

征马嘶长路，离人挹佩刀。客来东道远，归去北风高。
时候何萧索，乡心正郁陶。传君遇知己，行日有绨袍。

【送董判官】

高適

逢君说行迈，倚剑别交亲。幕府为才子，将军作主人。

近关多雨雪，出塞有风尘。长策须当用，男儿莫顾身。

【送郑侍御谪闽中】

高適

谪去君无恨，闽中我旧过。大都秋雁少，只是夜猿多。
东路云山合，南天瘴疠和。自当逢雨露，行矣慎风波。

【送李侍御赴安西】

高適

行子对飞蓬，金鞭指铁骢。功名万里外，心事一杯中。
虏障燕支北，秦城太白东。离魂莫惆怅，看取宝刀雄。

【送裴别将之安西】

高適

绝域眇难跻，悠然信马蹄。风尘经跋涉，摇落怨睽携。
地出流沙外，天长甲子西。少年无不可，行矣莫凄凄。

【宴郭校书，因之有别】

高適

彩服趋庭训，分交载酒过。芸香名早著，蓬转事仍多。
苦战知机息，穷愁奈别何。云霄莫相待，年鬓已蹉跎。

【同李太守北池泛舟，宴高平郑太守】

高適

每揖龚黄事，还陪李郭舟。云从四岳起，水向百城流。
幽意随登陟，嘉言即献酬。乃知缝掖贵，今日对诸侯。

【同崔员外、綦母拾遗九日宴京兆府李士曹】

高適

今日好相见，群贤仍废曹。晚晴催翰墨，秋兴引风骚。
绛叶拥虚砌，黄花随浊醪。闭门无不可，何事更登高。

【同群公十月朝宴李太守宅】

高適

良牧征高赏，褰帷问考槃。岁时当正月，甲子入初寒。
已听甘棠颂，欣陪旨酒欢。仍怜门下客，不作布衣看。

【武威同诸公过杨七山人，得藤字】

高適

幕府日多暇，田家岁复登。相知恨不早，乘兴乃无恒。
穷巷在乔木，深斋垂古藤。边城唯有醉，此外更何能。

【同群公登濮阳圣佛寺阁】

高適

落日登临处，悠然意不穷。佛因初地识，人觉四天空。
来雁清霜后，孤帆远树中。裴回伤寓目，萧索对寒风。

【同卫八题陆少府书斋】

高適

知君薄州县，好静无冬春。散帙至栖鸟，明灯留故人。

深房腊酒熟，高院梅花新。若是周旋地，当令风义亲。

【淇上别业】

高適

依依西山下，别业桑林边。庭鸭喜多雨，邻鸡知暮天。

野人种秋菜，古老开原田。且向世情远，吾今聊自然。

【入昌松东界山行】

高適

鸟道几登顿，马蹄无暂闲。崎岖出长坂，合沓犹前山。

石激水流处，天寒松色间。王程应未尽，且莫顾刀环。

【使青夷军入居庸三首】

高適

匹马行将久，征途去转难。不知边地别，只讶客衣单。
溪冷泉声苦，山空木叶干。莫言关塞极，云雪尚漫漫。
古镇青山口，寒风落日时。岩峦鸟不过，冰雪马堪迟。

出塞应无策，还家赖有期。东山足松桂，归去结茅茨。
登顿驱征骑，栖迟愧宝刀。远行今若此，微禄果徒劳。
绝坂水连下，群峰云共高。自堪成白首，何事一青袍。

【自蓟北归】

高適

驱马蓟门北，北风边马哀。苍茫远山口，豁达胡天开。
五将已深入，前军止半回。谁怜不得意，长剑独归来。

【东平别前卫县李寮少府】

高適

黄鸟翩翩杨柳垂，春风送客使人悲。怨别自惊千里外，

论交却忆十年时。云开汶水孤帆远，路绕梁山匹马迟。
此地从来可乘兴，留君不住益凄其。

【夜别韦司士，得城字】

高適

高馆张灯酒复清，夜钟残月雁归声。只言啼鸟堪求侣，
无那春风欲送行。黄河曲里沙为岸，白马津边柳向城。
莫怨他乡暂离别，知君到处有逢迎。

【送李少府贬峡中，王少府贬长沙】

高適

嗟君此别意何如，驻马衔杯问谪居。巫峡啼猿数行泪，
衡阳归雁几封书。青枫江上秋天远，白帝城边古木疏。
圣代即今多雨露，暂时分手莫踟躇。

【同陈留崔司户早春宴蓬池】

高適

同官载酒出郊圻，晴日东驰雁北飞。隔岸春云邀翰墨，
傍檐垂柳报芳菲。池边转觉虚无尽，台上偏宜酩酊归。
州县徒劳那可度，后时连骑莫相违。

【金城北楼】

高適

北楼西望满晴空，积水连山胜画中。湍上急流声若箭，
城头残月势如弓。垂竿已羡磻溪老，体道犹思塞上翁。
为问边庭更何事，至今羌笛怨无穷。

【同颜六少府旅宦秋中之作】

高適

传君昨夜怅然悲，独坐新斋木落时。逸气旧来凌燕雀，
高才何得混妍媸。迹留黄绶人多叹，心在青云世莫知。
不是鬼神无正直，从来州县有瑕疵。

【重阳】

高適

节物惊心两鬓华，东篱空绕未开花。百年将半仕三已，
五亩就荒天一涯。岂有白衣来剥啄，一从乌帽自欹斜。
真成独坐空搔首，门柳萧萧噪暮鸦。

【古乐府飞龙曲，留上陈左相（陈希烈）】

高適

德以精灵降，时膺梦寐求。苍生谢安石，天子富平侯。

尊俎资高论，岩廊挹大猷。相门连户牖，卿族嗣弓裘。
豁达云开霁，清明月映秋。能为吉甫颂，善用子房筹。
阶砌思攀陟，门阑尚阻修。高山不易仰，大匠本难投。
迹与松乔合，心缘启沃留。公才山吏部，书癖杜荆州。
幸沐千年圣，何辞一尉休。折腰知宠辱，回首见沉浮。
天地庄生马，江湖范蠡舟。逍遥堪自乐，浩荡信无忧。
去此从黄绶，归欤任白头。风尘与霄汉，瞻望日悠悠。

【留上李右相（一作奉赠李右相林甫）】

高適

风俗登淳古，君臣挹大庭。深沉谋九德，密勿契千龄。
独立调元气，清心豁窅冥。本枝连帝系，长策冠生灵。
传说明殷道，萧何律汉刑。钧衡持国柄，柱石总朝经。
隐轸江山藻，氛氲鼎鼐铭。兴中皆白雪，身外即丹青。
江海呼穷鸟，诗书问聚萤。吹嘘成羽翼，提握动芳馨。
倚伏悲还笑，栖迟醉复醒。恩荣初就列，含育忝宵形。
有窃丘山惠，无时枕席宁。壮心瞻落景，生事感浮萍。
莫以才难用，终期善易听。未为门下客，徒谢少微星。

【同李员外贺哥舒大夫破九曲之作】

高適

遥传副丞相，昨日破西蕃。作气群山动，扬军大旆翻。
奇兵邀转战，连弩绝归奔。泉喷诸戎血，风驱死虏魂。
头飞攒万戟，面缚聚辕门。鬼哭黄埃暮，天愁白日昏。
石城与岩险，铁骑皆云屯。长策一言决，高踪百代存。
威棱慑沙漠，忠义感乾坤。老将黯无色，儒生安敢论。
解围凭庙算，止杀报君恩。唯有关河渺，苍茫空树墩。

【信安王幕府诗】

高適

云纪轩皇代，星高太白年。庙堂咨上策，幕府制中权。
盘石藩维固，升坛礼乐先。国章荣印绶，公服贵貂蝉。
乐善旌深德，输忠格上玄。剪桐光宠锡，题剑美贞坚。
圣祚雄图广，师贞武德虔。雷霆七校发，旌旆五营连。
华省征群乂，霜台举二贤。岂伊公望远，曾是茂才迁。
并秉韬铃术，兼该翰墨筵。帝思麟阁像，臣献柏梁篇。
振玉登辽甸，捭金历蓟壖。度河飞羽檄，横海泛楼船。
北伐声逾迈，东征务以专。讲戎喧涿野，料敌静居延。
军势持三略，兵戎自九天。朝瞻授钺去，时听偃戈旋。
大漠风沙里，长城雨雪边。云端临碣石，波际隐朝鲜。
夜壁冲高斗，寒空驻彩旃。倚弓玄兔月，饮马白狼川。
庶物随交泰，苍生解倒悬。四郊增气象，万里绝风烟。
关塞鸿勋著，京华甲第全。落梅横吹后，春色凯歌前。
直道常兼济，微才独弃捐。曳裾诚已矣，投笔尚凄然。
作赋同元淑，能诗匪仲宣。云霄不可望，空欲仰神仙。

【东平旅游，奉赠薛太守二十四韵】

高適

颂美驰千古，钦贤仰大猷。晋公标逸气，汾水注长流。
神与公忠节，天生将相俦。青云本自负，赤县独推尤。
御史风逾劲，郎官草屡修。鹄鸾粉署起，鹰隼柏台秋。
出入交三事，飞鸣揖五侯。军书陈上策，廷议借前筹。
肃肃趋朝列，雍雍引帝求。一麾俄出守，千里再分忧。
不改任棠水，仍传晏子裘。歌谣随举扇，旌旆逐鸣驺。
郡国长河绕，川原大野幽。地连尧泰岳，山向禹青州。
汶上春帆渡，秦亭晚日愁。遗墟当少昊，悬象逼奎娄。
即此逢清鉴，终然喜暗投。叨承解榻礼，更得问缣游。
高兴陪登陟，嘉言忝献酬。观棋知战胜，探象会冥搜。
眺听情何限，冲融惠勿休。只应齐语默，宁肯问沉浮。
然诺长怀季，栖遑辄累丘。平生感知己，方寸岂悠悠。

【真定即事，奉赠韦使君二十八韵】

高適

飘泊怀书客，迟回此路隅。问津惊弃置，投刺忽踟蹰。
方伯恩弥重，苍生咏已苏。郡称廉叔度，朝议管夷吾。
乃继三台侧，仍将四岳俱。江山澄气象，崖谷倚冰壶。
诏宠金门策，官荣叶县凫。擢才登粉署，飞步蹑云衢。

起草征调墨，焚香即宴娱。光华扬盛矣，霄汉在兹乎。
隐轸推公望，逶迤协帝俞。轩车辞魏阙，旌节副幽都。
始佩仙郎印，俄兼太守符。尤多蜀郡理，更得颍川谟。
城邑推雄镇，山川列简图。旧燕当绝漠，全赵对平芜。
旷野何弥漫，长亭复郁纡。始泉遗俗近，活水战场无。
月换思乡陌，星回记斗枢。岁容归万象，和气发鸿炉。
沦落而谁遇，栖遑有是夫。不才羞拥肿，干禄谢侏儒。
契阔惭行迈，羁离忆友于。田园同季子，储蓄异陶朱。
方欲呈高义，吹嘘揖大巫。永怀吐肝胆，犹惮阻荣枯。
解榻情何限，忘言道未殊。从来贵缝掖，应是念穷途。

【和窦侍御登凉州七级浮图之作】

高適

化塔屹中起，孤高宜上跻。铁冠雄赏眺，金界宠招携。
空色在轩户，边声连鼓鼙。天寒万里北，地豁九州西。
清兴揖才彦，峻风和端倪。始知阳春后，具物皆筌蹄。

【酬河南节度使贺兰大夫见赠之作】

高適

高阁凭栏槛，中军倚旆旌。感时常激切，于己即忘情。

河华屯妖气，伊瀍有战声。愧无戡难策，多谢出师名。

秉钺知恩重，临戎觉命轻。股肱瞻列岳，唇齿赖长城。
隐隐摧锋势，光光弄印荣。鲁连真义士，陆逊岂书生。
直道宁殊智，先鞭忽抗行。楚云随去马，淮月尚连营。
抚剑堪投分，悲歌益不平。从来重然诺，况值欲横行。

【奉酬睢阳路太守见赠之作】

高適

盛才膺命代，高价动良时。帝简登藩翰，人和发咏思。
神仙去华省，鹄鹭忆丹墀。清净能无事，优游即赋诗。
江山纷想像，云物共萎蕤。逸气刘公幹，玄言向子期。
多惭汲引速，翻愧激昂迟。相马知何限，登龙反自疑。
风尘吏道迫，行迈旅心悲。拙疾徒为尔，穷愁欲问谁。
秋庭一片叶，朝镜数茎丝。州县甘无取，丘园悔莫追。
琼瑶生篋笥，光景借茅茨。他日青霄里，犹应访所知。

【奉酬睢阳李太守】

高適

公族称王佐，朝经允帝求。本枝疆我李，盘石冠诸刘。
礼乐光辉盛，山河气象幽。系高周柱史，名重晋阳秋。

华省膺推择，青云宠宴游。握兰多具美，前席有嘉谋。
赋得黄金赐，言皆白璧酬。著鞭驱驷马，操刃解全牛。

出镇兼方伯，承家复列侯。朝瞻孔北海，时用杜荆州。
广固才登陟，毗陵忽阻修。三台冀入梦，四岳尚分忧。
郡邑连京口，山川望石头。海门当建节，江路引鸣驺。
俗见中兴理，人逢至道休。先移白额横，更息赭衣偷。
梁国歌来晚，徐方怨不留。岂伊齐政术，将以变浇浮。
讼简知能吏，刑宽察要囚。坐堂风偃草，行县雨随辀。
地是蒙庄宅，城遗阼伯丘。孝王馀井径，微子故田畴。
冬至招摇转，天寒螭蠃收。猿岩飞雨雪，兔苑落梧楸。
列戟霜侵户，褰帟月在钩。好贤常解榻，乘兴每登楼。
逸足横千里，高谈注九流。诗题青玉案，衣赠黑貂裘。
穷巷轩车静，闲斋耳目愁。未能方管乐，翻欲慕巢由。
讲德良难敌，观风岂易俦。寸心仍有适，江海一扁舟。

【送柴司户充刘卿判官之岭外】

高适

岭外资雄镇，朝端宠节旄。月卿临幕府，星使出词曹。
海对羊城阔，山连象郡高。风霜驱瘴疠，忠信涉波涛。
别恨随流水，交情脱宝刀。有才无不适，行矣莫徒劳。

【送蔡少府赴登州推事】

高適

胶东连即墨，莱水入沧溟。国小常多事，人讹屡抵刑。
公才征郡邑，诏使出郊坰。标格谁当犯，风谣信可听。
峥嵘大岷口，迢迢汶阳亭。地迴云偏白，天秋山更青。
祖筵方卜昼，王事急侵星。劝尔将为德，斯言盖有听。

【秦中送李九赴越】

高適

携手望千里，于今将十年。如何每离别，心事复迢迢。
适越虽有以，出关终耿然。愁霖不可向，长路或难前。
吴会独行客，山阴秋夜船。谢家征故事，禹穴访遗编。
镜水君所忆，莼羹余旧便。归来莫忘此，兼示济江篇。

【钱宋八充彭中丞判官之岭南】

高適

睹君济时略，使我气填膺。长策竟不用，高才徒见称。

一朝知己达，累日诏书征。羽翮忽然就，风飙谁敢凌。
举鞭趋岭峤，屈指冒炎蒸。北雁送驰驿，南人思饮冰。
彼邦本倔强，习俗多骄矜。翠羽干平法，黄金挠直绳。
若将除害马，慎勿信苍蝇。魑魅宁无患，忠贞适有凭。
猿啼山不断，鸢跼路难登。海岸出交趾，江城连始兴。
绣衣当节制，幕府盛威棱。勿惮九嶷险，须令百越澄。

立谈多感激，行李即严凝。离别胡为者，云霄迟尔升。

【陪窦侍御泛灵云池】

高適

白露时先降，清川思不穷。江湖仍塞上，舟楫在军中。
舞换临津树，歌饶向迥风。夕阳连积水，边色满秋空。
乘兴宜投辖，邀欢莫避骢。谁怜持弱羽，犹欲伴鹓鸿。

【陪窦侍御灵云南亭宴诗，得雷字】

高適

人幽宜眺听，目极喜亭台。风景知愁在，关山忆梦回。
只言殊语默，何意忝游陪。连唱波澜动，冥搜物象开。
新秋归远树，残雨拥轻雷。檐外长天尽，尊前独鸟来。
常吟塞下曲，多谢幕中才。河汉徒相望，嘉期安在哉。

【同熊少府题卢主簿茅斋（庐兼有人伦）】

高適

虚院野情在，茅斋秋兴存。孝廉趋下位，才子出高门。

乃继幽人静，能令学者尊。江山归谢客，神鬼下刘根。
阶树时攀折，窗书任讨论。自堪成独往，何必武陵源。

【同朱五题卢使君义井】

高適

高义唯良牧，深仁自下车。宁知凿井处，还是饮冰馀。
地即泉源久，人当汲引初。体清能鉴物，色洞每含虚。
上善滋来往，中和浹里闾。济时应未竭，怀惠复何如。

【同郭十题杨主簿新厅】

高適

华馆曙沈沈，惟良正在今。用材兼柱石，闻物象高深。
更得芝兰地，兼营枳棘林。向风扃戟户，当署近棠阴。
勿改安卑节，聊闲理剧心。多君有知己，一和郢中吟。

【秋日作】

高適

端居值秋节，此日更愁辛。寂寞无一事，蒿莱通四邻。

闭门生白发，回首忆青春。岁月不相待，交游随众人。
云霄何处托，愚直有谁亲。举酒聊自劝，穷通信尔身。

【辟阳城】

高適

荒城在高岸，凌眺俯清淇。传道汉天子，而封审食其。
奸淫且不戮，茅土孰云宜。何得英雄主，返令儿女欺。
母仪良已失，臣节岂如斯。太息一朝事，乃令人所嗤。

【赴彭州山行之作】

高適

峭壁连崆峒，攒峰叠翠微。鸟声堪驻马，林色可忘机。
怪石时侵径，轻萝乍拂衣。路长愁作客，年老更思归。
且悦岩峦胜，宁嗟意绪违。山行应未尽，谁与玩芳菲。

【咏史】

高適

尚有绨袍赠，应怜范叔寒。不知天下士，犹作布衣看。

【送兵到蓟北】

高適

积雪与天迥，屯军连塞愁。谁知此行迈，不为觅封侯。

【同群公题张处士菜园】

高適

耕地桑柘间，地肥菜常熟。为问葵藿资，何如庙堂肉。

【逢谢偃】

高適

红颜怆为别，白发始相逢。唯馀昔时泪，无复旧时容。

【田家春望】

高適

出门何所见，春色满平芜。可叹无知己，高阳一酒徒。

【闲居】

高適

柳色惊心事，春风厌索居。方知一杯酒，犹胜百家书。

【封丘作】

高適

州县才难适，云山道欲穷。揣摩惭黠吏，栖隐谢愚公。

【九曲词三首】

高適

许国从来彻庙堂，连年不为在疆场。
将军天上封侯印，御史台上异姓王。
万骑争歌杨柳春，千场对舞绣骐驎。
到处尽逢欢洽事，相看总是太平人。
铁骑横行铁岭头，西看逻娑取封侯。
青海只今将饮马，黄河不用更防秋。

【营州歌】

高適

营州少年厌原野，狐裘蒙茸猎城下。
虏酒千钟不醉人，胡儿十岁能骑马。

【玉真公主歌】

高適

常言龙德本天仙，谁谓仙人每学仙。
更道玄元指李日，多于王母种桃年。
仙宫仙府有真仙，天宝天仙秘莫传。
为问轩皇三百岁，何如大道一千年。

【和王七玉门关听吹笛（一作塞上闻笛）】

高適

胡人吹笛戍楼间，楼上萧条海月闲。
借问落梅凡几曲，从风一夜满关山。

【别董大二首】

高適

十里黄云白日曛，北风吹雁雪纷纷。
莫愁前路无知己，天下谁人不识君。
六翮飘飘私自怜，一离京洛十馀年。

丈夫贫贱应未足，今日相逢无酒钱。

【送桂阳孝廉】

高適

桂阳年少西入秦，数经甲科犹白身。

即今江海一归客，他日云霄万里人。

【送李少府，时在客舍作】

高適

相逢旅馆意多违，暮雪初晴候雁飞。

主人酒尽君未醉，薄暮途遥归不归。

【听张立本女吟】

高適

危冠广袖楚宫妆，独步闲庭逐夜凉。

自把玉钗敲砌竹，清歌一曲月如霜。

【初至封丘作】

高適

可怜薄暮宦游子，独卧虚斋思无已。
去家百里不得归，到官数日秋风起。

【除夜作】

高適

旅馆寒灯独不眠，客心何事转凄然。
故乡今夜思千里，愁鬓明朝又一年。

第二百一十五卷

【剑池】

李峴

阖闾葬日劳人力，嬴政穿来役鬼功。
澄碧尚疑神物在，等闲雷雨起潭中。

【张公洞】

李栖筠

一径深窈窕，上升翠微中。忽然灵洞前，日月开仙宫。
道士十二人，往还驭清风。焚香入深洞，巨石如虚空。
夙夜备蘋藻，诏书祠张公。五云何裴回，玄鹤下苍穹。
我本道门子，愿言出尘笼。扫除方寸间，几与神灵通。
宿昔勤梦想，契之在深衷。迟回将不还，章绶系我躬。
稽首谢真侣，辞满归崆峒。

【投宋大夫】

李栖筠

十处投人九处违，家乡万里又空归。
严霜昨夜侵人骨，谁念高堂未授衣。

【宝林寺作】

徐浩

兹山昔飞来，远自琅琊台。孤岫龟形在，深泉鳗井开。
越王屡登陟，何相传词才。塔庙崇其巔，规模称壮哉。
禅堂清潏润，高阁无恢旆。照耀珠吐月，铿轰钟隐雷。
揆余久纓弁，末路遭遄回。一弃沧海曲，六年稽岭隈。

逝川惜东驶，驰景怜西颓。腰带愁疾减，容颜衰悴催。
赖居兹寺中，法士多瑰能。洗心听经论，礼足蠲凶灾。
永愿依胜侣，清江乘度杯。

【谒禹庙】

徐浩

宙浚敷四海，川源涤九州。既膺九命锡，乃建洪范畴。
鼎革固天后，运兴匪人谋。肇开宅土业，永庇昏垫忧。
山足灵庙在，门前清镜流。象筵陈玉帛，容卫俨戈矛。
探穴图书朽，卑宫堂殿修。梅梁今不坏，松栢古仍留。

负责故乡近，謁来申俎羞。为鱼知造化，叹凤仰徽猷。
不复闻夏乐，唯馀奏楚幽。婆娑非舞羽，铿锵异鸣球。
盛德吾无间，高功谁与俦。灾淫破凶慝，祚圣拥神休。
出谷莺初语，空山猿独愁。春晖生草树，柳色暖汀州。
恩贷题舆重，荣殊衣锦游。宦情同械系，生理任桴浮。
地极临沧海，天遥过斗牛。精诚如可谅，他日寄冥搜。

【自悼】

薛令之

朝日上团团，照见先生盘。盘中何所有，苜蓿长阑干。
饭涩匙难绾，羹稀箸易宽。只可谋朝夕，何由保岁寒。

【灵岩寺】

薛令之

草堂栖在灵山谷，勤苦诗书向灯烛。
柴门半掩寂无人，惟有白云相伴宿。

【湘夫人】

邹绍先

枫叶下秋渚，二妃愁渡湘。疑山空杳蔼，何处望君王。
日落水云里，悠悠心自伤。

【寄妻父刘长卿（一作严维诗，题作发桐

庐寄刘员

外）】

李穆

处处云山无尽时，桐庐南望转参差。
舟人莫道新安近，欲上潺湲行自迟。

【短歌行】

冯著

寂寞草中兰，亭亭山上松。贞芳日有分，生长耐相容。
结根各得地，幸沾雨露功。参辰无停泊，且顾一西东。
君但开怀抱，猜恨莫匆匆。

【洛阳道】

冯著

洛阳宫中花柳春，洛阳道上无行人。皮裘毡帐不相识，
万户千门闭春色。春色深，春色深，君王一去何时寻。
春雨洒，春雨洒，周南一望堪泪下。蓬莱殿中寝胡人，
鵁鶄楼前放胡马。闻君欲行西入秦，君行不用过天津。
天津桥上多胡尘，洛阳道上愁杀人。

【行路难】

冯著

男儿坎轲徒搔首，入市脱衣且沽酒。行路难，权门慎勿干，
平人争路相摧残。春秋四气更回换，人事何须再三叹。君不见
雀为鸽，鹰为鸇，东海成田谷为岸。负薪客，归去来。龟反顾，
鹤裴回，黄河岸上起尘埃。相逢未相识，何用强相猜。行路难，

故山应不改，茅舍汉中在。白酒杯中聊一歌，苍蝇苍蝇奈尔何。

【燕衔泥】

冯著

双燕碌碌飞入屋，屋中老人喜燕归，裴回绕我床头飞。
去年为尔逐黄雀，雨多屋漏泥土落。尔莫厌老翁茅屋低，
梁头作窠梁下栖。尔不见东家黄鵠鸣啧啧，
蛇盘瓦沟鼠穿壁。豪家大屋尔莫居，骄儿少妇采尔雏。
井旁写水泥自足，衔泥上屋随尔欲。

【同孟浩然宴赋（一作题壁歌）】

王迥

屈宋英声今止已，江山继嗣多才子。作者于今尽相似，
聚宴王家其乐矣。共赋新诗发宫徵，书于屋壁彰厥美。

【尚书都堂瓦松】

李晔

华省秘仙踪，高堂露瓦松。叶因春后长，花为雨来浓。
影混鸳鸯色，光含翡翠容。天然斯所寄，地势太无从。
接栋临双阙，连蕙近九重。宁知深涧底，霜雪岁兼封。

【省试七月流火】

敬括

前庭一叶下，言念忽悲秋。变节金初至，分寒火正流。
气含凉夜早，光拂夏云收。助月微明散，沿河丽景浮。
礼标时令爽，诗兴国风幽。自此观邦正，深知王业休。

第二百一十六卷

【奉赠韦左丞丈二十二韵】

杜甫

纨袴不饿死，儒冠多误身。丈人试静听，贱子请具陈。
甫昔少年日，早充观国宾。读书破万卷，下笔如有神。
赋料扬雄敌，诗看子建亲。李邕求识面，王翰愿卜邻。
自谓颇挺出，立登要路津。致君尧舜上，再使风俗淳。
此意竟萧条，行歌非隐沦。骑驴三十载，旅食京华春。
朝扣富儿门，暮随肥马尘。残杯与冷炙，到处潜悲辛。
主上顷见征，欷然欲求伸。青冥却垂翅，蹭蹬无纵鳞。
甚愧丈人厚，甚知丈人真。每于百僚上，猥诵佳句新。
窃效贡公喜，难甘原宪贫。焉能心怏怏，只是走踖踖。
今欲东入海，即将西去秦。尚怜终南山，回首清渭滨。
常拟报一饭，况怀辞大臣。白鸥没浩荡，万里谁能驯。

【送高三十五书记】

杜甫

崆峒小麦熟，且愿休王师。请公问主将，焉用穷荒为。
饥鹰未饱肉，侧翅随人飞。高生跨鞍马，有似幽并儿。
脱身簿尉中，始与捶楚辞。借问今何官，触热向武威。
答云一书记，所愧国士知。人实不易知，更须慎其仪。
十年出幕府，自可持旌麾。此行既特达，足以慰所思。
男儿功名遂，亦在老大时。常恨结欢浅，各在天一涯。
又如参与商，惨惨中肠悲。惊风吹鸿鹄，不得相追随。
黄尘翳沙漠，念子何当归。边城有馀力，早寄从军诗。

【赠李白】

杜甫

二年客东都，所历厌机巧。野人对膾腥，蔬食常不饱。
岂无青精饭，使我颜色好。苦乏大药资，山林迹如扫。
李侯金闺彦，脱身事幽讨。亦有梁宋游，方期拾瑶草。

【游龙门奉先寺（龙门即伊阙，一名阙口，
在河南

府北四十里）】

杜甫

已从招提游，更宿招提境。阴壑生虚籁，月林散清影。
天阙象纬逼，云卧衣裳冷。欲觉闻晨钟，令人发深省。

【望岳】

杜甫

岱宗夫如何，齐鲁青未了。造化钟神秀，阴阳割昏晓。
荡胸生曾云，决眦入归鸟。会当凌绝顶，一览众山小。

【陪李北海宴历下亭】

杜甫

东藩驻皂盖，北渚凌青荷。海内此亭古，济南名士多。
云山已发兴，玉佩仍当歌。修竹不受暑，交流空涌波。

蕴真惬所遇，落日将如何。贵贱俱物役，从公难重过。

【同李太守登历下古城员外新亭，亭对鹊湖】

杜甫

新亭结构罢，隐见清湖阴。迹籍台观旧，气溟海岳深。
圆荷想自昔，遗堞感至今。芳宴此时具，哀丝千古心。
主称寿尊客，筵秩宴北林。不阻蓬荜兴，得兼梁甫吟。

【玄都坛歌，寄元逸人】

杜甫

故人昔隐东蒙峰，已佩含景苍精龙。故人今居子午谷，
独在阴崖结茅屋。屋前太古玄都坛，青石漠漠常风寒。
子规夜啼山竹裂，王母昼下云旗翻。知君此计成长往，
芝草琅玕日应长。铁锁高垂不可攀，致身福地何萧爽。

【今夕行（自齐赵西归至咸阳作）】

杜甫

今夕何夕岁云徂，更长烛明不可孤。咸阳客舍一事无，

相与博塞为欢娱。冯陵大叫呼五白，袒跣不肯成枭卢。
英雄有时亦如此，邂逅岂即非良图。
君莫笑刘毅从来布衣愿，家无儋石输百万。

【贫交行】

杜甫

翻手作云覆手雨，纷纷轻薄何须数。君不见管鲍贫时交，
此道今人弃如土。

【兵车行】

杜甫

车辚辚，马萧萧，行人弓箭各在腰。耶娘妻子走相送，
尘埃不见咸阳桥。牵衣顿足阑道哭，哭声直上干云霄。
道傍过者问行人，行人但云点行频。或从十五北防河，
便至四十西营田。去时里正与裹头，归来头白还戍边。
边亭流血成海水，武皇开边意未已。
君不闻汉家山东二百州，千村万落生荆杞。
纵有健妇把锄犁，禾生陇亩无东西。况复秦兵耐苦战，
被驱不异犬与鸡。长者虽有问，役夫敢申恨。
且如今年冬，未休关西卒。县官急索租，租税从何出。
信知生男恶，反是生女好。生女犹是嫁比邻，
生男埋没随百草。君不见青海头，古来白骨无人收。

新鬼烦冤旧鬼哭，天阴雨湿声啾啾。

【高都护骢马行（高仙芝，开元末为安西副都护）】

杜甫

安西都护胡青骢，声价欻然来向东。此马临阵久无敌，与人一心成大功。功成惠养随所致，飘飘远自流沙至。雄姿未受伏枥恩，猛气犹思战场利。腕促蹄高如踏铁，交河几蹴曾冰裂。五花散作云满身，万里方看汗流血。

长安壮儿不敢骑，走过掣电倾城知。青丝络头为君老，何由却出横门道。

【天育骠骑歌（天育，厩名，未详所出）】

杜甫

吾闻天子之马走千里，今之画图无乃是。
是何意态雄且杰，骏尾萧梢朔风起。毛为绿縹两耳黄，眼有紫焰双瞳方。矫矫龙性合变化，卓立天骨森开张。伊昔太仆张景顺，监牧攻驹阅清峻。遂令大奴守天育，别养骥子怜神俊。当时四十万匹马，张公叹其材尽下。故独写真传世人，见之座右久更新。年多物化空形影，呜呼健步无由骋。如今岂无骀腹与骅骝，

时无王良伯乐死即休。

【白丝行】

杜甫

缫丝须长不须白，越罗蜀锦金粟尺。象床玉手乱殷红，
万草千花动凝碧。已悲素质随时染，裂下鸣机色相射。
美人细意熨帖平，裁缝灭尽针线迹。春天衣著为君舞，
蛱蝶飞来黄鹂语。落絮游丝亦有情，随风照日宜轻举。
香汗轻尘污颜色，开新合故置何许。君不见才士汲引难，

恐惧弃捐忍羁旅。

【秋雨叹三首】

杜甫

雨中百草秋烂死，阶下决明颜色鲜。著叶满枝翠羽盖，
开花无数黄金钱。凉风萧萧吹汝急，恐汝后时难独立。
堂上书生空白头，临风三嗅馨香泣。
阑风长雨秋纷纷，四海八荒同一云。去马来牛不复辨，
浊泾清渭何当分。禾头生耳黍穗黑，农夫田妇无消息。
城中斗米换衾裯，相许宁论两相直。
长安布衣谁比数，反锁衡门守环堵。老夫不出长蓬蒿，
稚子无忧走风雨。雨声飏飏催早寒，胡雁翅湿高飞难。
秋来未曾见白日，泥污后土何时干。

【叹庭前甘菊花】

杜甫

檐前甘菊移时晚，青蕊重阳不堪摘。明日萧条醉尽醒，
残花烂熳开何益。篱边野外多众芳，采撷细琐升中堂。
念兹空长大枝叶，结根失所缠风霜。

【醉时歌（赠广文馆博士郑虔）】

杜甫

诸公衮衮登台省，广文先生官独冷。甲第纷纷厌梁肉，
广文先生饭不足。先生有道出羲皇，先生有才过屈宋。
德尊一代常轶轲，名垂万古知何用。杜陵野客更嗤嗤，
被褐短窄鬓如丝。日采太仓五升米，时赴郑老同襟期。
得钱即相觅，沽酒不复疑。忘形到尔汝，痛饮真吾师。
清夜沈沈动春酌，灯前细雨檐花落。但觉高歌有鬼神，
焉知饿死填沟壑。相如逸才亲涤器，子云识字终投阁。
先生早赋归去来，石田茅屋荒苍苔。儒术于我何有哉，
孔丘盗跖俱尘埃。不须闻此意惨怆，生前相遇且衔杯。

【醉歌行】

杜甫

陆机二十作文赋，汝更小年能缀文。总角草书又神速，
世上儿子徒纷纷。骅骝作驹已汗血，鸷鸟举翮连青云。
词源倒流三峡水，笔阵独扫千人军。只今年才十六七，
射策君门期第一。旧穿杨叶真自知，暂蹶霜蹄未为失。
偶然擢秀非难取，会是排风有毛质。汝身已见唾成珠，
汝伯何由发如漆。春光澹沱秦东亭，渚薄牙白水荇青。
风吹客衣日杲杲，树搅离思花冥冥。酒尽沙头双玉瓶，

众宾皆醉我独醒。乃知贫贱别更苦，吞声踟躅涕泪零。

【赠卫八处士】

杜甫

人生不相见，动如参与商。今夕复何夕，共此灯烛光。
少壮能几时，鬓发各已苍。访旧半为鬼，惊呼热中肠。
焉知二十载，重上君子堂。昔别君未婚，儿女忽成行。
怡然敬父执，问我来何方。问答乃未已，儿女罗酒浆。
夜雨翦春韭，新炊间黄粱。主称会面难，一举累十觞。
十觞亦不醉，感子故意长。明日隔山岳，世事两茫茫。

【苦雨奉寄陇西公兼呈王征士】

杜甫

今秋乃淫雨，仲月来寒风。群木水光下，万象云气中。
所思碍行潦，九里信不通。悄悄素浚路，迢迢天汉东。
愿腾六尺马，背若孤征鸿。划见公子面，超然欢笑同。
奋飞既胡越，局促伤樊笼。一饭四五起，凭轩心力穷。
嘉蔬没混浊，时菊碎榛丛。鹰隼亦屈猛，乌鸢何所蒙。
式瞻北邻居，取适南巷翁。挂席钓川涨，焉知清兴终。

【同诸公登慈恩寺塔】

杜甫

高标跨苍天，烈风无时休。自非旷士怀，登兹翻百忧。
方知象教力，足可追冥搜。仰穿龙蛇窟，始出枝撑幽。
七星在北户，河汉声西流。羲和鞭白日，少昊行清秋。
秦山忽破碎，泾渭不可求。俯视但一气，焉能辨皇州。
回首叫虞舜，苍梧云正愁。惜哉瑶池饮，日晏昆仑丘。
黄鹄去不息，哀鸣何所投。君看随阳雁，各有稻粱谋。

【示从孙济（济字应物，官给事中、京兆尹）】

杜甫

平明跨驴出，未知适谁门。权门多噂口沓，且复寻诸孙。
诸孙贫无事，宅舍如荒村。堂前自生竹，堂后自生萱。
萱草秋已死，竹枝霜不蕃。淘米少汲水，汲多井水浑。
刈葵莫放手，放手伤葵根。阿翁懒惰久，觉儿行步奔。
所来为宗族，亦不为盘飧。小人利口实，薄俗难可论。
勿受外嫌猜，同姓古所敦。

【九日寄岑参（参，南阳人）】

杜甫

出门复入门，两脚但如旧。所向泥活活，思君令人瘦。
沉吟坐西轩，饮食错昏昼。寸步曲江头，难为一相就。
吁嗟呼苍生，稼穡不可救。安得诛云师，畴能补天漏。
大明韬日月，旷野号禽兽。君子强逶迤，小人困驰骤。
维南有崇山，恐与川浸溜。是节东篱菊，纷披为谁秀。
岑生多新诗，性亦嗜醇酎。采采黄金花，何由满衣袖。

【送孔巢父谢病归游江东，兼呈李白】

杜甫

巢父掉头不肯住，东将入海随烟雾。诗卷长留天地间，
钓竿欲拂珊瑚树。深山大泽龙蛇远，春寒野阴风景暮。
蓬莱织女回云车，指点虚无是征路。自是君身有仙骨，
世人那得知其故。惜君只欲苦死留，富贵何如草头露。
蔡侯静者意有馀，清夜置酒临前除。罢琴惆怅月照席，
几岁寄我空中书。南寻禹穴见李白，道甫问信今何如。

【饮中八仙歌】

杜甫

知章骑马似乘船，眼花落井水底眠。汝阳三斗始朝天，
道逢麴车口流涎，恨不移封向酒泉。左相日兴费万钱，
饮如长鲸吸百川，衔杯乐圣称世贤。宗之潇洒美少年，
举觞白眼望青天，皎如玉树临风前。苏晋长斋绣佛前，
醉中往往爱逃禅。李白一斗诗百篇，长安市上酒家眠。
天子呼来不上船，自称臣是酒中仙。张旭三杯草圣传，
脱帽露顶王公前，挥毫落纸如云烟。焦遂五斗方卓然，
高谈雄辨惊四筵。

【曲江三章，章五句】

杜甫

曲江萧条秋气高，菱荷枯折随风涛，游子空嗟垂二毛。
白石素沙亦相荡，哀鸿独叫求其曹。
即事非今亦非古，长歌激越梢林莽，比屋豪华固难数。
吾人甘作心似灰，弟侄何伤泪如雨。
自断此生休问天，杜曲幸有桑麻田，故将移住南山边。
短衣匹马随李广，看射猛虎终残年。

【丽人行】

杜甫

三月三日天气新，长安水边多丽人。态浓意远淑且真，
肌理细腻骨肉匀。绣罗衣裳照暮春，蹙金孔雀银麒麟。
头上何所有，翠微檣叶垂鬓唇。背后何所见，
珠压腰极稳称身。就中云幕椒房亲，赐名大国虢与秦。
紫驼之峰出翠釜，水精之盘行素鳞。犀箸厌饫久未下，
鸾刀缕切空纷纶。黄门飞鞚不动尘，御厨络绎送八珍。
箫鼓哀吟感鬼神，宾从杂遝实要津。后来鞍马何逡巡，
当轩下马入锦茵。杨花雪落覆白蘋，青鸟飞去衔红巾。
炙手可热势绝伦，慎莫近前丞相嗔。

【乐游园歌】

杜甫

乐游古园崦森爽，烟绵碧草萋萋长。公子华筵势最高，
秦川对酒平如掌。长生木瓢示真率，更调鞍马狂欢赏。
青春波浪芙蓉园，白日雷霆夹城仗。阊阖晴开暎荡荡，
曲江翠幕排银榜。拂水低徊舞袖翻，缘云清切歌声上。
却忆年年人醉时，只今未醉已先悲。数茎白发那抛得，
百罚深杯亦不辞。圣朝亦知贱士丑，一物自荷皇天慈。
此身饮罢无归处，独立苍茫自咏诗。

【渼陂行（陂在鄠县西五里，周一十四里）】

杜甫

岑参兄弟皆好奇，携我远来游渼陂。天地黝惨忽异色，
波涛万顷堆琉璃。琉璃汗漫泛舟入，事殊兴极忧思集。
鼉作鲸吞不复知，恶风白浪何嗟及。主人锦帆相为开，
舟子喜甚无氛埃。鸂鶒散乱棹讴发，丝管啁啾空翠来。
沈竿续蔓深莫测，菱叶荷花静如拭。宛在中流渤澥清，
下归无极终南黑。半陂已南纯浸山，动影袅窕冲融间。
船舷暝戛云际寺，水面月出蓝田关。此时骊龙亦吐珠，
冯夷击鼓群龙趋。湘妃汉女出歌舞，金支翠旗光有无。

咫尺但愁雷雨至，苍茫不晓神灵意。少壮几时奈老何，
向来哀乐何其多。

【渼陂西南台】

杜甫

高台面苍陂，六月风日冷。蒹葭离披去，天水相与永。
怀新目似击，接要心已领。仿佛识鲛人，空蒙辨鱼艇。
错磨终南翠，颠倒白阁影。嵒崖增光辉，乘陵惜俄顷。
劳生愧严郑，外物慕张邴。世复轻骅骝，吾甘杂蛙黾。
知归俗可忽，取适事莫并。身退岂待官，老来苦便静。
况资菱芡足，庶结茅茨迥。从此具扁舟，弥年逐清景。

【戏简郑广文虔，兼呈苏司业源明】

杜甫

广文到官舍，系马堂阶下。醉则骑马归，颇遭官长骂。
才名四十年，坐客寒无毡。赖有苏司业，时时与酒钱。

【夏日李公见访】

杜甫

远林暑气薄，公子过我游。贫居类村坞，僻近城南楼。

帝舍颇淳朴，所愿亦易求。隔屋唤西家，借问有酒不。
墙头过浊醪，展席俯长流。清风左右至，客意已惊秋。
巢多众鸟斗，叶密鸣蝉稠。苦道此物聒，孰谓吾庐幽。
水花晚色静，庶足充淹留。预恐尊中尽，更起为君谋。

【奉同郭给事汤东灵湫作（骊山温汤之东 有龙湫）】

杜甫

东山气鸿濛，宫殿居上头。君来必十月，树羽临九州。
阴火煮玉泉，喷薄涨岩幽。有时浴赤日，光抱空中楼。
阊风入辙迹，旷原延冥搜。沸天万乘动，观水百丈湫。
幽灵斯可佳，王命官属休。初闻龙用壮，擘石摧林丘。
中夜窟宅改，移因风雨秋。倒悬瑶池影，屈注苍江流。
味如甘露浆，挥弄滑且柔。翠旗澹偃蹇，云车纷少留。
箫鼓荡四溟，异香泱泱浮。鲛人献微绡，曾祝沈豪牛。

百祥奔盛明，古先莫能俦。坡陀金虾蟆，出见盖有由。
至尊顾之笑，王母不肯收。复归虚无底，化作长黄虬。
飘飘青琐郎，文彩珊瑚钩。浩歌渌水曲，清绝听者愁。

【夜听许十损诵诗，爱而有作】

杜甫

许生五台宾，业白出石壁。余亦师粲可，身犹缚禅寂。
何阶子方便，谬引为匹敌。离索晚相逢，包蒙欣有击。
诵诗浑游衍，四座皆辟易。应手看捶钩，清心听鸣镝。
精微穿溟滓，飞动摧霹雳。陶谢不枝梧，风骚共推激。
紫燕自超诣，翠驳谁剪剔。君意人莫知，人间夜寥阒。

【桥陵诗三十韵，因呈县内诸官】

杜甫

先帝昔晏驾，兹山朝百灵。崇冈拥象设，沃野开天庭。
即事壮重险，论功超五丁。坡陀因厚地，却略罗峻屏。
云阙虚冉冉，风松肃泠泠。石门霜露白，玉殿莓苔青。
宫女晚知曙，祠官朝见星。空梁簇画戟，阴井敲铜瓶。
中使日夜继，惟王心不宁。岂徒恤备享，尚谓求无形。
孝理敦国政，神凝推道经。瑞芝产庙柱，好鸟鸣岩扃。
高岳前崔嵬，洪河左滢潏。金城蓄峻址，沙苑交回汀。

永与奥区固，川原纷眇冥。居然赤县立，台榭争峩亭。
官属果称是，声华真可听。王刘美竹润，裴李春兰馨。
郑氏才振古，啖侯笔不停。遣辞必中律，利物常发硎。
绮绣相展转，琳琅愈青荧。侧闻鲁恭化，秉德崔瑗铭。
太史候凫影，王乔随鹤翎。朝仪限霄汉，容思回林坰。

坎轲辞下杜，飘飘陵浊泾。诸生旧短褐，旅泛一浮萍。
荒岁儿女瘦，暮途涕泗零。主人念老马，靡署容秋萤。
流寓理岂惬，穷愁醉未醒。何当摆俗累，浩荡乘沧溟。

【沙苑行】

杜甫

君不见左辅白沙如白水，缭以周墙百馀里。
龙媒昔是渥洼生，汗血今称献于此。苑中騋牝三千匹，
丰草青青寒不死。食之豪健西域无，每岁攻驹冠边鄙。
王有虎臣司苑门，入门天厩皆云屯。骊骊一骨独当御，
春秋二时归至尊。至尊内外马盈亿，伏枥在坻空大存。
逸群绝足信殊杰，倜傥权奇难具论。累累塹阜藏奔突，
往往坡陀纵超越。角壮翻同麋鹿游，浮深簸荡鼉鼉窟。
泉出巨鱼长比人，丹砂作尾黄金鳞。岂知异物同精气，
虽未成龙亦有神。

【骢马行】

杜甫

邓公马癖人共知，初得花骢大宛种。夙昔传闻思一见，
牵来左右神皆竦。雄姿逸态何嵒峩，顾影骄嘶自矜宠。
隅目青荧夹镜悬，肉骏硉礧连钱动。朝来久试华轩下，
未觉千金满高价。赤汗微生白雪毛，银鞍却覆香罗帕。

卿家旧赐公取之，天厩真龙此其亚。昼洗须腾泾渭深，朝趋可刷幽并夜。吾闻良骥老始成，此马数年人更惊。岂有四蹄疾于鸟，不与八骏俱先鸣。时俗造次那得致，云雾晦冥方降精。近闻下诏喧都邑，肯使骐驎地上行。

【去矣行】

杜甫

君不见鞬上鹰，一饱则飞掣。焉能作堂上燕，衔泥附炎热。野人旷荡无靦颜，岂可久在王侯间。未试囊中餐玉法，明朝且入蓝田山。

【自京赴奉先县咏怀五百字】

杜甫

杜陵有布衣，老大意转拙。许身一何愚，窃比稷与契。居然成濩落，白首甘契阔。盖棺事则已，此志常觊豁。

穷年忧黎元，叹息肠内热。取笑同学翁，浩歌弥激烈。非无江海志，萧洒送日月。生逢尧舜君，不忍便永诀。当今廊庙具，构厦岂云缺。葵藿倾太阳，物性固莫夺。顾惟蝼蚁辈，但自求其穴。胡为慕大鲸，辄拟偃溟渤。以兹悟生理，独耻事干谒。兀兀遂至今，忍为尘埃没。终愧巢与由，未能易其节。沈饮聊自适，放歌颇愁绝。岁暮百草零，疾风高冈裂。天衢阴峥嵘，客子中夜发。

霜严衣带断，指直不得结。凌晨过骊山，御榻在嵒岬。
蚩尤塞寒空，蹴蹋崖谷滑。瑶池气郁律，羽林相摩戛。
君臣留欢娱，乐动殷樛嶠。赐浴皆长缨，与宴非短褐。
彤庭所分帛，本自寒女出。鞭挞其夫家，聚敛贡城阙。
圣人筐篚恩，实欲邦国活。臣如忽至理，君岂弃此物。
多士盈朝廷，仁者宜战栗。况闻内金盘，尽在卫霍室。
中堂舞神仙，烟雾散玉质。暖客貂鼠裘，悲管逐清瑟。
劝客驼蹄羹，霜橙压香橘。朱门酒肉臭，路有冻死骨。
荣枯咫尺异，惆怅难再述。北辕就泾渭，官渡又改辙。
群冰从西下，极目高岑兀。疑是崆峒来，恐触天柱折。
河梁幸未坼，枝撑声窸窣。行旅相攀援，川广不可越。
老妻寄异县，十口隔风雪。谁能久不顾，庶往共饥渴。
入门闻号咷，幼子饥已卒。吾宁舍一哀，里巷亦呜咽。
所愧为人父，无食致夭折。岂知秋未登，贫窶有仓卒。
生常免租税，名不隶征伐。抚迹犹酸辛，平人固骚屑。
默思失业徒，因念远戍卒。忧端齐终南，湏洞不可掇。

【奉先刘少府新画山水障歌】

杜甫

堂上不合生枫树，怪底江山起烟雾。闻君扫却赤县图，
乘兴遣画沧洲趣。画师亦无数，好手不可遇。
对此融心神。知君重毫素。岂但祁岳与郑虔，
笔迹远过杨契丹。得非悬圃裂，无乃潇湘翻。
悄然坐我天姥下，耳边已似闻清猿。反思前夜风雨急，

乃是蒲城鬼神入。元气淋漓障犹湿，真宰上诉天应泣。
野亭春还杂花远，渔翁暝蹋孤舟立。沧浪水深青溟阔，
欹岸侧岛秋毫末。不见湘妃鼓瑟时，至今斑竹临江活。
刘侯天机精，爱画入骨髓。自有两儿郎，挥洒亦莫比。
大儿聪明到，能添老树巅崖里。小儿心孔开。
貌得山僧及童子。若耶溪，云门寺。
吾独胡为在泥滓，青鞋布袜从此始。

【白水县崔少府十九翁高斋三十韵】

杜甫

客从南县来，浩荡无与适。旅食白日长，况当朱炎赫。
高斋坐林杪，信宿游衍阒。清晨陪跻攀，傲睨俯峭壁。
崇冈相枕带，旷野怀咫尺。始知贤主人，赠此遣愁寂。
危阶根青冥，曾冰生淅沥。上有无心云，下有欲落石。
泉声闻复急，动静随所击。鸟呼藏其身，有似惧弹射。
吏隐道性情，兹焉其窟宅。白水见舅氏，诸翁乃仙伯。
杖藜长松阴，作尉穷谷僻。为我炊雕胡，逍遥展良覿。

坐久风颇愁，晚来山更碧。相对十丈蛟，欬翻盘涡坼。
何得空里雷，殷殷寻地脉。烟氛蔼嵒岑，魍魎森惨戚。
昆仑崕峒颠，回首如不隔。前轩颓反照，巖绝华岳赤。
兵气涨林峦，川光杂锋镝。知是相公军，铁马云雾积。
玉觞淡无味，胡羯岂强敌。长歌激屋梁，泪下流枉席。
人生半哀乐，天地有顺逆。慨彼万国夫，休明备征狄。
猛将纷填委，庙谋蓄长策。东郊何时开，带甲且来释。

欲告清宴罢，难拒幽明迫。三叹酒食旁，何由似平昔。

【三川观水涨二十韵】

杜甫

我经华原来，不复见平陆。北上唯土山，连山走穷谷。
火云无时出，飞电常在目。自多穷岫雨，行潦相趖蹙。
蓊郁川气黄，群流会空曲。清晨望高浪，忽谓阴崖踣。
恐泥窜蛟龙，登危聚麋鹿。枯查卷拔树，礧礧共充塞。
声吹鬼神下，势阅人代速。不有万穴归，何以尊四渎。
及观泉源涨，反惧江海覆。漂沙坼岸去，漱壑松柏秃。
乘陵破山门，回斡裂地轴。交洛赴洪河，及关岂信宿。
应沈数州没，如听万室哭。秽浊殊未清，风涛怒犹蓄。
何时通舟车，阴气不黪黪。浮生有荡汨，吾道正羁束。
人寰难容身，石壁滑侧足。云雷此不已，艰险路更跼。
普天无川梁，欲济愿水缩。因悲中林士，未脱众鱼腹。
举头向苍天，安得骑鸿鹄。

【悲陈陶】

杜甫

孟冬十郡良家子，血作陈陶泽中水。野旷天清无战声，
四万义军同日死。群胡归来血洗箭，仍唱胡歌饮都市。
都人回面向北啼，日夜更望官军至。

【悲青坂】

杜甫

我军青坂在东门，天寒饮马太白窟。黄头奚儿日向西，
数骑弯弓敢驰突。山雪河冰野萧瑟，青是烽烟白人骨。
焉得附书与我军，忍待明年莫仓卒。

【哀江头】

杜甫

少陵野老吞声哭，春日潜行曲江曲。江头宫殿锁千门，
细柳新蒲为谁绿。忆昔霓旌下南苑，苑中万物生颜色。
昭阳殿里第一人，同辇随君侍君侧。辇前才人带弓箭，
白马嚼啮黄金勒。翻身向天仰射云，一箭正坠双飞翼。

明眸皓齿今何在，血污游魂归不得。清渭东流剑阁深，
去住彼此无消息。人生有情泪沾臆，江水江花岂终极。
黄昏胡骑尘满城，欲往城南忘南北。

【哀王孙】

杜甫

长安城头头白乌，夜飞延秋门上呼。又向人家啄大屋，
屋底达官走避胡。金鞭断折九马死。骨肉不待同驰驱。

腰下宝玦青珊瑚，可怜王孙泣路隅。问之不肯道姓名，
但道困苦乞为奴。已经百日窜荆棘，身上无有完肌肤。
高帝子孙尽隆准，龙种自与常人殊。豺狼在邑龙在野。
王孙善保千金躯。不敢长语临交衢，且为王孙立斯须。
昨夜东风吹血腥，东来橐驼满旧都。朔方健儿好身手，
昔何勇锐今何愚。窃闻天子已传位，圣德北服南单于。
花门剺面请雪耻，慎勿出口他人狙。哀哉王孙慎勿疏，
五陵佳气无时无。

【大云寺赞公房四首】

杜甫

心在水精域，衣沾春雨时。洞门尽徐步，深院果幽期。
到扉开复闭，撞钟斋及兹。醍醐长发性，饮食过扶衰。

把臂有多日，开怀无愧辞。黄鹂度结构，紫鸽下罽罃。
愚意会所适，花边行自迟。汤休起我病，微笑索题诗。
细软青丝履，光明白氎巾。深藏供老宿，取用及吾身。
自顾转无趣，交情何尚新。道林才不世，惠远德过人。
雨泻暮檐竹，风吹青井芹。天阴对图画，最觉润龙鳞。
灯影照无睡，心清闻妙香。夜深殿突兀，风动金银铛。
天黑闭春院，地清栖暗芳。玉绳回断绝，铁凤森翱翔。
梵放时出寺，钟残仍殷床。明朝在沃野，苦见尘沙黄。
童儿汲井华，惯捷瓶上手。沾洒不濡地，扫除似无帚。
明霞烂复阁，霁雾褰高牖。侧塞被径花，飘飘委墀柳。
艰难世事迫，隐遁佳期后。晤语契深心，那能总箝口。

奉辞还杖策，暂别终回首。泱泱泥污人，听听国多狗。
既未免羈絆，时来憩奔走。近公如白雪，执热烦何有。

第二百一十七卷

【苏端、薛复筵简薛华醉歌】

杜甫

文章有神交有道，端复得之名誉早。爱客满堂尽豪翰，
开筵上日思芳草。安得健步移远梅，乱插繁花向晴昊。
千里犹残旧冰雪，百壶且试开怀抱。垂老恶闻战鼓悲，
急觴为缓忧心捣。少年努力纵谈笑，看我形容已枯槁。
坐中薛华善醉歌，歌辞自作风格老。近来海内为长句，
汝与山东李白好。何刘沈谢力未工，才兼鲍昭愁绝倒。
诸生颇尽新知乐，万事终伤不自保。气酣日落西风来，
愿吹野水添金杯。如渑之酒常快意，亦知穷愁安在哉。
忽忆雨时秋井塌，古人白骨生青苔，如何不饮令心哀。

【晦日寻崔戢、李封】

杜甫

朝光入瓮牖，尸寝惊敝裘。起行视天宇，春气渐和柔。
兴来不暇懒，今晨梳我头。出门无所待，徒步觉自由。

杖藜复恣意，免值公与侯。晚定崔李交，会心真罕俦。

每过得酒倾，二宅可淹留。喜结仁里欢，况因令节求。
李生园欲荒，旧竹颇修修。引客看扫除，随时成献酬。
崔侯初筵色，已畏空尊愁。未知天下士，至性有此否。
草牙既青出，蜂声亦暖游。思见农器陈，何当甲兵休。
上古葛天民，不贻黄屋忧。至今阮籍等，熟醉为身谋。
威风高其翔，长鲸吞九洲。地轴为之翻，百川皆乱流。
当歌欲一放，泪下恐莫收。浊醪有妙理，庶用慰沈浮。

【雨过苏端（端置酒）】

杜甫

鸡鸣风雨交，久旱云亦好。杖藜入春泥，无食起我早。
诸家忆所历，一饭迹便扫。苏侯得数过，欢喜每倾倒。
也复可怜人，呼儿具梨枣。浊醪必在眼，尽醉摅怀抱。
红稠屋角花，碧委墙隅草。亲宾纵谈谑，喧闹畏衰老。
况蒙霈泽垂，粮粒或自保。妻孥隔军垒，拨弃不拟道。

【喜晴（一作喜雨）】

杜甫

皇天久不雨，既雨晴亦佳。出郭眺西郊，肃肃春增华。
青茱陵陂麦，窈窕桃李花。春夏各有实，我饥岂无涯。

干戈虽横放，惨澹斗龙蛇。甘泽不犹愈，且耕今未赊。
丈夫则带甲，妇女终在家。力难及黍稷，得种菜与麻。

千载商山芝，往者东门瓜。其人骨已朽，此道谁疵瑕。
英贤遇轹轲，远引蟠泥沙。顾惭昧所适，回宠辱身。
剧谈怜野逸，嗜酒见天真。醉舞梁园夜，行歌泗水春。
才高心不展，道屈善无邻。处士祢衡俊，诸生原宪贫。
稻粱求未足，薏苡谤何频。五岭炎蒸地，三危放逐臣。
几年遭鵬鸟，独泣向麒麟。苏武先还汉，黄公岂事秦。
楚筵辞醴日，梁狱上书辰。已用当时法，谁将此义陈。
老吟秋月下，病起暮江滨。莫怪恩波隔，乘槎与问津。

【送率府程录事还乡】

杜甫

鄙夫行衰谢，抱病昏妄集。常时往还人，记一不识十。
程侯晚相遇，与语才杰立。熏然耳目开，颇觉聪明入。
千载得鲍叔，末契有所及。意钟老柏青，义动修蛇蛰。
若人可数见，慰我垂白泣。告别无淹晷，百忧复相袭。
内愧突不黔，庶羞以赒给。素丝挈长鱼，碧酒随玉粒。
途穷见交态，世梗悲路涩。东风吹春冰，泱莽后土湿。
念君惜羽翮，既饱更思戢。莫作翻云鹞，闻呼向禽急。

【述怀一首（此已下自贼中窜归凤翔作）】

杜甫

去年潼关破，妻子隔绝久。今夏草木长，脱身得西走。

麻鞋见天子，衣袖露两肘。朝廷愍生还，亲故伤老丑。
涕泪授拾遗，流离主恩厚。柴门虽得去，未忍即开口。
寄书问三川，不知家在否。比闻同罹祸，杀戮到鸡狗。
山中漏茅屋，谁复依户牖。摧颓苍松根，地冷骨未朽。
几人全性命，尽室岂相偶。岑猛虎场，郁结回我首。
自寄一封书，今已十月后。反畏消息来，寸心亦何有。
汉运初中兴，生平老耽酒。沉思欢会处，恐作穷独叟。

【送长孙九侍御赴武威判官】

杜甫

骢马新凿蹄，银鞍被来好。绣衣黄白郎，骑向交河道。
问君适万里，取别何草草。天子忧凉州，严程到须早。
去秋群胡反，不得无电扫。此行收遗甿，风俗方再造。
族父领元戎，名声国中老。夺我同官良，飘摇按城堡。
使我不能餐，令我恶怀抱。若人才思阔，溟涨浸绝岛。
尊前失诗流，塞上得国宝。皇天悲送远，云雨白浩浩。
东郊尚烽火，朝野色枯槁。西极柱亦倾，如何正穹昊。

【送樊二十三侍御赴汉中判官】

杜甫

威弧不能弦，自尔无宁岁。川谷血横流，豺狼沸相噬。
天子从北来，长驱振凋敝。顿兵岐梁下，却跨沙漠裔。

二京陷未收，四极我得制。萧索汉水清，缅通淮湖税。
使者纷星散，王纲尚旒缀。南伯从事贤，君行立谈际。
生知七曜历，手画三军势。冰雪净聪明，雷霆走精锐。
幕府辍谏官，朝廷无此例。至尊方旰食，仗尔布嘉惠。
补阙暮征入，柱史晨征憩。正当艰难时，实藉长久计。
回风吹独树，白日照执袂。恸哭苍烟根，山门万重闭。
居人莽牢落，游子方迢递。裴回悲生离，局促老一世。
陶唐歌遗民，后汉更列帝。恨无匡复姿，聊欲从此逝。

【送从弟亚赴安西判官】

杜甫

南风作秋声，杀气薄炎炽。盛夏鹰隼击，时危异人至。
令弟草中来，苍然请论事。诏书引上殿，奋舌动天意。
兵法五十家，尔腹为箠笥。应对如转丸，疏通略文字。
经纶皆新语，足以正神器。宗庙尚为灰，君臣俱下泪。
崆峒地无轴，青海天轩轻。西极最疮痍，连山暗烽燧。
帝曰大布衣，藉卿佐元帅。坐看清流沙，所以子奉使。
归当再前席，适远非历试。须存武威郡，为画长久利。

孤峰石戴驿，快马金缠轡。黄羊饫不膻，芦酒多还醉。
踊跃常人情，惨澹苦士志。安边敌何有，反正计始遂。
吾闻驾鼓车，不合用骐骥。龙吟回其头，夹辅待所致。

【送韦十六评事充同谷郡防御判官】

杜甫

昔没贼中时，潜与子同游。今归行在所，王事有去留。
逼侧兵马间，主忧急良筹。子虽躯干小，老气横九州。
挺身艰难际，张目视寇雠。朝廷壮其节，奉诏令参谋。
銮舆驻凤翔，同谷为咽喉。西扼弱水道，南镇枹罕陬。
此邦承平日，剽劫吏所羞。况乃胡未灭，控带莽悠悠。
府中韦使君，道足示怀柔。令侄才俊茂，二美又何求。
受词太白脚，走马仇池头。古色沙土裂，积阴雪云稠。
羌父豪猪靴，羌儿青兕裘。吹角向月窟，苍山旌旆愁。
鸟惊出死树，龙怒拔老湫。古来无人境，今代横戈矛。
伤哉文儒士，愤激驰林丘。中原正格斗，后会何缘由。
百年赋命定，岂料沉与浮。且复恋良友，握手步道周。
论兵远壑净，亦可纵冥搜。题诗得秀句，札翰时相投。

【塞芦子（芦子关属夏州，北去塞门镇一十八里）】

杜甫

五城何迢迢，迢迢隔河水。边兵尽东征，城内空荆杞。
思明割怀卫，秀岩西未已。回略大荒来，崑函盖虚尔。
延州秦北户，关防犹可倚。焉得一万人，疾驱塞芦子。

岐有薛大夫，旁制山贼起。近闻昆戎徒，为退三百里。
芦关扼两寇，深意实在此。谁能叫帝阍，胡行速如鬼。

【彭衙行（郿阳县西北有彭衙城）】

杜甫

忆昔避贼初，北走经险艰。夜深彭衙道，月照白水山。
尽室久徒步，逢人多厚颜。参差谷鸟吟，不见游子还。
痴女饥咬我，啼畏虎狼闻。怀中掩其口，反侧声愈嗔。
小儿强解事，故索苦李餐。一旬半雷雨，泥泞相牵攀。
既无御雨备，径滑衣又寒。有时经契阔，竟日数里间。
野果充糒粮，卑枝成屋椽。早行石上水，暮宿天边烟。
少留周家注，欲出芦子关。故人有孙宰，高义薄曾云。
延客已曛黑，张灯启重门。暖汤濯我足，翦纸招我魂。
从此出妻孥，相视涕阑干。众雏烂熯睡，唤起沾盘餐。
誓将与夫子，永结为弟昆。遂空所坐堂，安居奉我欢。
谁肯艰难际，豁达露心肝。别来岁月周，胡羯仍构患。
何当有翅翎，飞去堕尔前。

【北征】

杜甫

皇帝二载秋，闰八月初吉。杜子将北征，苍茫问家室。
维时遭艰虞，朝野少暇日。顾惭恩私被，诏许归蓬荜。

拜辞诣阙下，怵惕久未出。虽乏谏诤姿，恐君有遗失。
君诚中兴主，经纬固密勿。东胡反未已，臣甫愤所切。
挥涕恋行在，道途犹恍惚。乾坤含疮痍，忧虞何时毕。
靡靡逾阡陌，人烟眇萧瑟。所遇多被伤，呻吟更流血。
回首凤翔县，旌旗晚明灭。前登寒山重，屡得饮马窟。
邠郊入地底，泾水中荡潏。猛虎立我前，苍崖吼时裂。
菊垂今秋花，石戴古车辙。青云动高兴，幽事亦可悦。
山果多琐细，罗生杂橡栗。或红如丹砂，或黑如点漆。
雨露之所濡，甘苦齐结实。缅思桃源内，益叹身世拙。
坡陀望鄜畤，岩谷互出没。我行已水滨，我仆犹木末。
鸱鸟鸣黄桑，野鼠拱乱穴。夜深经战场，寒月照白骨。
潼关百万师，往者散何卒。遂令半秦民，残害为异物。
况我堕胡尘，及归尽华发。经年至茅屋，妻子衣百结。
恸哭松声回，悲泉共幽咽。平生所娇儿，颜色白胜雪。
见耶背面啼，垢腻脚不袜。床前两小女，补绽才过膝。
海图坼波涛，旧绣移曲折。天吴及紫凤，颠倒在短褐。
老夫情怀恶，呕泄卧数日。那无囊中帛，救汝寒凜栗。
粉黛亦解苞，衾裯稍罗列。瘦妻面复光，痴女头自栉。
学母无不为，晓妆随手抹。移时施朱铅，狼藉画眉阔。
生还对童稚，似欲忘饥渴。问事竞挽须，谁能即嗔喝。
翻思在贼愁，甘受杂乱聒。新归且慰意，生理焉能说。

至尊尚蒙尘，几日休练卒。仰观天色改，坐觉祲气豁。
阴风西北来，惨澹随回鹘。其王愿助顺，其俗善驰突。
送兵五千人，驱马一万匹。此辈少为贵，四方服勇决。
所用皆鹰腾，破敌过箭疾。圣心颇虚伫，时议气欲夺。
伊洛指掌收，西京不足拔。官军请深入，蓄锐何俱发。
此举开青徐，旋瞻略恒碣。昊天积霜露，正气有肃杀。

祸转亡胡岁，势成擒胡月。胡命其能久，皇纲未宜绝。
忆昨狼狈初，事与古先别。奸臣竞菹醢，同恶随荡析。
不闻夏殷衰，中自诛褒妲。周汉获再兴，宣光果明哲。
桓桓陈将军，仗钺奋忠烈。微尔人尽非，于今国犹活。
凄凉大同殿，寂寞白兽闕。都人望翠华，佳气向金阙。
园陵固有神，扫洒数不缺。煌煌太宗业，树立甚宏达。

【得舍弟消息】

杜甫

风吹紫荆树，色与春庭暮。花落辞故枝，风回返无处。
骨肉恩书重，漂泊难相遇。犹有泪成河，经天复东注。

【徒步归行】

杜甫

明公壮年值时危，经济实藉英雄姿。国之社稷今若是，
武定祸乱非公谁。凤翔千官且饱饭，衣马不复能轻肥。
青袍朝士最困者，白头拾遗徒步归。人生交契无老少，
论交何必先同调。妻子山中哭向天，须公枥上追风骠。

【玉华宫】

杜甫

溪回松风长，苍鼠窜古瓦。不知何王殿，遗构绝壁下。
阴房鬼火青，坏道哀湍泻。万籁真笙竽，秋色正萧洒。
美人为黄土，况乃粉黛假。当时侍金舆，故物独石马。
忧来藉草坐，浩歌泪盈把。冉冉征途间，谁是长年者。

【九成宫】

杜甫

苍山入百里，崖断如杵臼。曾宫凭风回，岌岌土囊口。
立神扶栋梁，凿翠开户牖。其阳产灵芝，其阴宿牛斗。
纷披长松倒，揭山夔怪石走。哀猿啼一声，客泪迸林藪。
荒哉隋家帝，制此今颓朽。向使国不亡，焉为巨唐有。
虽无新增修，尚置官居守。巡非瑶水远，迹是雕墙后。
我行属时危，仰望嗟叹久。天王守太白，驻马更搔首。

【羌村】

杜甫

峥嵘赤云西，日脚下平地。柴门鸟雀噪，归客千里至。
妻孥怪我在，惊定还拭泪。世乱遭飘荡，生还偶然遂。

邻人满墙头，感叹亦歔歔。夜阑更秉烛，相对如梦寐。
晚岁迫偷生，还家少欢趣。娇儿不离膝，畏我复却去。
忆昔好追凉，故绕池边树。萧萧北风劲，抚事煎百虑。
赖知禾黍收，已觉糟床注。如今足斟酌，且用慰迟暮。
群鸡正乱叫，客至鸡斗争。驱鸡上树木，始闻叩柴荆。
父老四五人，问我久远行。手中各有携，倾榼浊复清。
苦辞酒味薄，黍地无人耕。兵革既未息，儿童尽东征。
请为父老歌，艰难愧深情。歌罢仰天叹，四座泪纵横。

【逼仄行，赠毕曜】

杜甫

逼仄何逼仄，我居巷南子巷北。可恨邻里间，
十日不一见颜色。自从官马送还官，行路难行涩如棘。
我贫无乘非无足，昔者相过今不得。实不是爱微躯，
又非关足无力。徒步翻愁官长怒，此心炯炯君应识。
晓来急雨春风颠，睡美不闻钟鼓传。东家蹇驴许借我，

泥滑不敢骑朝天。已令请急会通籍，男儿信命绝可怜。
焉能终日心拳拳，忆君诵诗神凛然。辛夷始花亦已落，
况我与子非壮年。街头酒价常苦贵，方外酒徒稀醉眠。
速宜相就饮一斗，恰有三百青铜钱。

【送李校书二十六韵】

杜甫

代北有豪鹰，生子毛尽赤。渥洼骐驎儿，尤异是龙脊。
李舟名父子，清峻流辈伯。人间好少年，不必须白晰。
十五富文史，十八足宾客。十九授校书，二十声辉赫。
众中每一见，使我潜动魄。自恐二男儿，辛勤养无益。
乾元元年春，万姓始安宅。舟也衣彩衣，告我欲远适。
倚门固有望，敛衽就行役。南登吟白华，已见楚山碧。
蔼蔼咸阳都，冠盖日云积。何时太夫人，堂上会亲戚。
汝翁草明光，天子正前席。归期岂烂漫，别意终感激。
顾我蓬屋姿，谬通金闺籍。小来习性懒，晚节慵转剧。
每愁悔吝作，如觉天地窄。羡君齿发新，行己能夕惕。
临岐意颇切，对酒不能吃。回身视绿野，惨澹如荒泽。
老雁春忍饥，哀号待枯麦。时哉高飞燕，绚练新羽翮。
长云湿褒斜，汉水饶巨石。无令轩车迟，衰疾悲夙昔。

【洗兵马（收京后作）】

杜甫

中兴诸将收山东，捷书日报清昼同。河广传闻一苇过，
胡危命在破竹中。祇残邺城不日得，独任朔方无限功。
京师皆骑汗血马，回纥喂肉葡萄宫。已喜皇威清海岱，
常思仙仗过崆峒。三年笛里关山月，万国兵前草木风。

成王功大心转小，郭相谋深古来少。司徒清鉴悬明镜，尚书气与秋天杳。二三豪俊为时出，整顿乾坤济时了。东走无复忆鲈鱼，南飞觉有安巢鸟。青春复随冠冕入，紫禁正耐烟花绕。鹤禁通霄凤辇备，鸡鸣问寝龙楼晓。攀龙附凤势莫当，天下尽化为侯王。汝等岂知蒙帝力，时来不得夸身强。关中既留萧丞相，幕下复用张子房。张公一生江海客，身长九尺须眉苍。征起适遇风云会，扶颠始知筹策良。青袍白马更何有，后汉今周喜再昌。寸地尺天皆入贡，奇祥异瑞争来送。不知何国致白环，复道诸山得银瓮。隐士休歌紫芝曲，词人解撰河清颂。田家望望惜雨干，布谷处处催春种。淇上健儿归莫懒，城南思妇愁多梦。安得壮士挽天河，净洗甲兵长不用。

【留花门】

杜甫

北门天骄子，饱肉气勇决。高秋马肥健，挟矢射汉月。

自古以为患，诗人厌薄伐。修德使其来，羈縻固不绝。胡为倾国至，出入暗金阙。中原有驱除，隐忍用此物。公主歌黄鹄，君王指白日。连云屯左辅，百里见积雪。长戟鸟休飞，哀笳曙幽咽。田家最恐惧，麦倒桑枝折。沙苑临清渭，泉香草丰洁。渡河不用船，千骑常撒烈。胡尘逾太行，杂种抵京室。花门既须留，原野转萧瑟。

【病后遇王倚饮，赠歌】

杜甫

麟角凤觜世莫识，煎胶续弦奇自见。尚看王生抱此怀，
在于甫也何由美。且遇王生慰畴昔，素知贱子甘贫贱。
酷见冻馁不足耻，多病沈年苦无健。王生怪我颜色恶，
答云伏枕艰难遍，疟疠三秋孰可忍，寒热百日相交战。
头白眼暗坐有胝，肉黄皮皱命如线。惟生哀我未平复，
为我力致美肴膳。遣人向市赊香粳，唤妇出房亲自饌。
长安冬菹酸且绿，金城土酥静如练。兼求富豪且割鲜，
密沽斗酒谐终宴。故人情义晚谁似，令我手脚轻欲漩。
老马为驹信不虚，当时得意况深眷。但使残年饱吃饭，
只愿无事常相见。

【湖城东遇孟云卿，复归刘颢宅宿宴，饮 散因为醉歌】

杜甫

疾风吹尘暗河县，行子隔手不相见。湖城城南一开眼，
驻马偶识云卿面。向非刘颢为地主，懒回鞭辔成高宴。
刘侯叹我携客来，置酒张灯促华馔。且将款曲终今夕，
休语艰难尚酣战。照室红炉促曙光，萦窗素月垂文练。
天开地裂长安陌，寒尽春生洛阳殿。岂知驱车复同轨，

可惜刻漏随更箭。人生会合不可常，庭树鸡鸣泪如线。

【阆乡姜七少府设脍，戏赠长歌】

杜甫

姜侯设脍当严冬，昨日今日皆天风。河东未渔不宜得，
凿冰恐侵河伯宫。饔人受鱼鲛人手，洗鱼磨刀鱼眼红。
无声细下飞碎雪，有骨已剝嘴春葱。偏劝腹腴愧年少，
软炊香饭缘老翁。落砧何曾白纸湿，放箸未觉金盘空。
新欢便饱姜侯德，清觞异味情屡极。东归贪路自觉难，
欲别上马身无力。可怜为人好心事，于我见子真颜色。
不恨我衰子贵时，怅望且为今相义。

【戏赠阆乡秦少公短歌】

杜甫

去年行宫当太白，朝回君是同舍客。同心不减骨肉亲，
每语见许文章伯。今日时清两京道，相逢苦觉人情好。

昨夜邀欢乐更无，多才依旧能潦倒。

【李鄠县丈人胡马行】

杜甫

丈人骏马名胡骝，前年避胡过金牛。回鞭却走见天子，
朝饮汉水暮灵州。自矜胡骝奇绝代，乘出千人万人爱。
一闻说尽急难材，转益愁向骅骝辈。头上锐耳批秋竹，
脚下高蹄削寒玉。始知神龙别有种，不比俗马空多肉。
洛阳大道时再清，累日喜得俱东行。凤臆龙髻未易识，
侧身注目长风生。

【义鹘】

杜甫

阴崖有苍鹰，养子黑柏颠。白蛇登其巢，吞噬恣朝餐。
雄飞远求食，雌者鸣辛酸。力强不可制，黄口无半存。
其父从西归，翻身入长烟。斯须领健鹘，痛愤寄所宣。
斗上捩孤影，噉哮来九天。修鳞脱远枝，巨颡坼老拳。
高空得蹭蹬，短草辞蜿蜒。折尾能一掉，饱肠皆已穿。
生虽灭众雏，死亦垂千年。物情有报复，快意贵目前。
兹实鸷鸟最，急难心炯然。功成失所往，用舍何其贤。
近经湓水湄，此事樵夫传。飘萧觉素发，凛欲冲儒冠。

人生许与分，只在顾盼间。聊为义鹘行，用激壮士肝。

【画鹢行（一作画雕）】

杜甫

高堂见生鹢，飒爽动秋骨。初惊无拘挛，何得立突兀。
乃知画师妙，功刮造化窟。写作神骏姿，充君眼中物。
乌鹄满櫓枝，轩然恐其出。侧脑看青霄，宁为众禽没。
长翮如刀剑，人寰可超越。乾坤空峥嵘，粉墨且萧瑟。
缅思云沙际，自有烟雾质。吾今意何伤，顾步独纡郁。

【瘦马行（一作老马）】

杜甫

东郊瘦马使我伤，骨骼硃兀如堵墙。绊之欲动转欹侧，
此岂有意仍腾骧。细看六印带官字，众道三军遗路旁。
皮干剥落杂泥滓，毛暗萧条连雪霜。去岁奔波逐馀寇，
骅骝不惯不得将。士卒多骑内厩马，惆怅恐是病乘黄。
当时历块误一蹶，委弃非汝能周防。见人惨澹若哀诉，
失主错莫无晶光。天寒远放雁为伴，日暮不收乌啄疮。
谁家且养愿终惠，更试明年春草长。

【新安吏】

杜甫

客行新安道，喧呼闻点兵。借问新安吏，县小更无丁。
府帖昨夜下，次选中男行。中男绝短小，何以守王城。
肥男有母送，瘦男独伶俜。白水暮东流，青山犹哭声。
莫自使眼枯，收汝泪纵横。眼枯即见骨，天地终无情。
我军取相州，日夕望其平。岂意贼难料，归军星散营。
就粮近故垒，练卒依旧京。掘壕不到水，牧马役亦轻。
况乃王师顺，抚养甚分明。送行勿泣血，仆射如父兄。

【潼关吏】

杜甫

士卒何草草，筑城潼关道。大城铁不如，小城万丈馀。
借问潼关吏，修关还备胡。要我下马行，为我指山隅。
连云列战格，飞鸟不能逾。胡来但自守，岂复忧西都。
丈人视要处，窄狭容单车。艰难奋长戟，万古用一夫。
哀哉桃林战，百万化为鱼。请嘱防关将，慎勿学哥舒。

【石壕吏（陕县有石壕镇）】

杜甫

暮投石壕村，有吏夜捉人。老翁逾墙走，老妇出门看。
吏呼一何怒，妇啼一何苦。听妇前致词，三男鄜城戍。
一男附书至，二男新战死。存者且偷生，死者长已矣。
室中更无人，惟有乳下孙。有孙母未去，出入无完裙。
老妪力虽衰，请从吏夜归。急应河阳役，犹得备晨炊。
夜久语声绝，如闻泣幽咽。天明登前途，独与老翁别。

【新婚别】

杜甫

兔丝附蓬麻，引蔓故不长。嫁女与征夫，不如弃路旁。
结发为妻子，席不暖君床。暮婚晨告别，无乃太匆忙。
君行虽不远，守边赴河阳。妾身未分明，何以拜姑嫜。
父母养我时，日夜令我藏。生女有所归，鸡狗亦得将。
君今往死地，沈痛迫中肠。誓欲随君去，形势反苍黄。
勿为新婚念，努力事戎行。妇人在军中，兵气恐不扬。
自嗟贫家女，久致罗襦裳。罗襦不复施，对君洗红妆。
仰视百鸟飞，大小必双翔。人事多错迕，与君永相望。

【垂老别】

杜甫

四郊未宁静，垂老不得安。子孙阵亡尽，焉用身独完。
投杖出门去，同行为辛酸。幸有牙齿存，所悲骨髓干。

男儿既介胄，长揖别上官。老妻卧路啼，岁暮衣裳单。
孰知是死别，且复伤其寒。此去必不归，还闻劝加餐。
土门壁甚坚，杏园度亦难。势异邺城下，纵死时犹宽。
人生有离合，岂择衰老端。忆昔少壮日，迟回竟长叹。
万国尽征戍，烽火被冈峦。积尸草木腥，流血川原丹。
何乡为乐土，安敢尚盘桓。弃绝蓬室居，塌然摧肺肝。

【无家别】

杜甫

寂寞天宝后，园庐但蒿藜。我里百馀家，世乱各东西。
存者无消息，死者为尘泥。贱子因阵败，归来寻旧蹊。
人行见空巷，日瘦气惨凄。但对狐与狸，竖毛怒我啼。
四邻何所有，一二老寡妻。宿鸟恋本枝，安辞且穷栖。
方春独荷锄，日暮还灌畦。县吏知我至，召令习鼓鞀。
虽从本州役，内顾无所携。近行止一身，远去终转迷。
家乡既荡尽，远近理亦齐。永痛长病母，五年委沟谿。
生我不得力，终身两酸嘶。人生无家别，何以为烝黎。

【夏日叹】

杜甫

夏日出东北，陵天经中街。朱光彻厚地，郁蒸何由开。
上苍久无雷，无乃号令乖。雨降不濡物，良田起黄埃。

飞鸟苦热死，池鱼涸其泥。万人尚流冗，举目唯蒿莱。
至今大河北，化作虎与豺。浩荡想幽蓟，王师安在哉。
对食不能餐，我心殊未谐。眇然贞观初，难与数子偕。

【夏夜叹】

杜甫

永日不可暮，炎蒸毒我肠。安得万里风，飘飘吹我裳。
昊天出华月，茂林延疏光。仲夏苦夜短，开轩纳微凉。
虚明见纤毫，羽虫亦飞扬。物情无巨细，自适固其常。
念彼荷戈士，穷年守边疆。何由一洗濯，执热互相望。
竟夕击刁斗，喧声连万方。青紫虽被体，不如早还乡。
北城悲笳发，鹳鹤号且翔。况复烦促倦，激烈思时康。

【立秋后题】

杜甫

日月不相饶，节序昨夜隔。玄蝉无停号，秋燕已如客。
平生独往愿，惆怅年半百。罢官亦由人，何事拘形役。

第二百一十八卷

【贻阮隐居】

杜甫

陈留风俗衰，人物世不数。塞上得阮生，迥继先父祖。
贫知静者性，自益毛发古。车马入邻家，蓬蒿翳环堵。
清诗近道要，识子用心苦。寻我草径微，褰裳蹋寒雨。
更议居远村，避喧甘猛虎。足明箕颍客，荣贵如粪土。

【遣兴三首】

杜甫

下马古战场，四顾但茫然。风悲浮云去，黄叶坠我前。
朽骨穴蝼蚁，又为蔓草缠。故老行叹息，今人尚开边。
汉虏互胜负，封疆不常全。安得廉耻将，三军同晏眠。
高秋登塞山，南望马邑州。降虏东击胡，壮健尽不留。
穹庐莽牢落，上有行云愁。老弱哭道路，愿闻甲兵休。
邺中事反覆，死人积如丘。诸将已茅土，载驱谁与谋。

丰年孰云迟，甘泽不在早。耕田秋雨足，禾黍已映道。
春苗九月交，颜色同日老。劝汝衡门士，忽悲尚枯槁。
时来展材力，先后无丑好。但讶鹿皮翁，忘机对芳草。

【昔游】

杜甫

昔谒华盖君，深求洞宫脚。玉棺已上天，白日亦寂寞。
暮升艮岑顶，巾几犹未却。弟子四五人，入来泪俱落。
余时游名山，发轫在远壑。良覯违夙愿，含凄向寥廓。
林昏罢幽磬，竟夜伏石阁。王乔下天坛，微月映皓鹤。
晨溪向虚馭，归径行已昨。岂辞青鞋胝，怅望金匕药。
东蒙赴旧隐，尚忆同志乐。休事董先生，于今独萧索。
胡为客关塞，道意久衰薄。妻子亦何人，丹砂负前诺。
虽悲鬢发变，未忧筋力弱。扶藜望清秋，有兴入庐霍。

【幽人】

杜甫

孤云亦群游，神物有所归。麟凤在赤霄，何当一来仪。
往与惠荀辈，中年沧洲期。天高无消息，弃我忽若遗。
内惧非道流，幽人见瑕疵。洪涛隐语笑，鼓枻蓬莱池。
崔嵬扶桑日，照耀珊瑚枝。风帆倚翠盖，暮把东皇衣。

咽漱元和津，所思烟霞微。知名未足称，局促商山芝。
五湖复浩荡，岁暮有馀悲。

【佳人】

杜甫

绝代有佳人，幽居在空谷。自云良家子，零落依草木。
关中昔丧败，兄弟遭杀戮。官高何足论，不得收骨肉。
世情恶衰歇，万事随转烛。夫婿轻薄儿，新人已如玉。
合昏尚知时，鸳鸯不独宿。但见新人笑，那闻旧人哭。
在山泉水清，出山泉水浊。侍婢卖珠回，牵萝补茅屋。
摘花不插发，采柏动盈掬。天寒翠袖薄，日暮倚修竹。

【赤谷西崦人家】

杜甫

跻险不自喧，出郊已清目。溪回日气暖，径转山田熟。
鸟雀依茅茨，藩篱带松菊。如行武陵暮，欲问桃花宿。

【西枝村寻置草堂地，夜宿赞公土室二首】

杜甫

出郭眇细岑，披榛得微路。溪行一流水，曲折方屡渡。
赞公汤休徒，好静心迹素。昨枉霞上作，盛论岩中趣。
怡然共携手，恣意同远步。扪萝涩先登，陟巘眩反顾。
要求阳冈暖，苦陟阴岭沍。惆怅老大藤，沈吟屈蟠树。

卜居意未展，杖策回且暮。层巅馀落日，早蔓已多露。
天寒鸟已归，月出人更静。土室延白光，松门耿疏影。
跻攀倦日短，语乐寄夜永。明燃林中薪，暗汲石底井。
大师京国旧，德业天机秉。从来支许游，兴趣江湖迥。
数奇谪关塞，道广存箕颍。何知戎马间，复接尘事屏。
幽寻岂一路，远色有诸岭。晨光稍曛曩，更越西南顶。

【寄赞上人】

杜甫

一昨陪锡杖，卜邻南山幽。年侵腰脚衰，未便阴崖秋。
重冈北面起，竟日阳光留。茅屋买兼土，斯焉心所求。
近闻西枝西，有谷杉黍稠。亭午颇和暖，石田又足收。
当期塞雨干，宿昔齿疾瘳。裴回虎穴上，面势龙泓头。
柴荆具茶茗，径路通林丘。与子成二老，来往亦风流。

【太平寺泉眼】

杜甫

招提凭高冈，疏散连草莽。出泉枯柳根，汲引岁月古。
石间见海眼，天畔萦水府。广深丈尺间，宴息敢轻侮。
青白二小蛇，幽姿可时睹。如丝气或上，烂熳为云雨。
山头到山下，凿井不尽土。取供十方僧，香美胜牛乳。
北风起寒文，弱藻舒翠缕。明涵客衣净，细荡林影趣。

何当宅下流，馀润通药圃。三春湿黄精，一食生毛羽。

【梦李白二首】

杜甫

死别已吞声，生别常恻恻。江南瘴疠地，逐客无消息。
故人入我梦，明我长相忆。恐非平生魂，路远不可测。
魂来枫叶青，魂返关塞黑。君今在罗网，何以有羽翼。
落月满屋梁，犹疑照颜色。水深波浪阔，无使蛟龙得。
浮云终日行，游子久不至。三夜频梦君，情亲见君意。
告归常局促，苦道来不易。江湖多风波，舟楫恐失坠。
出门搔白首，若负平生志。冠盖满京华，斯人独憔悴。
孰云网恢恢，将老身反累。千秋万岁名，寂寞身后事。

【有怀台州郑十八司户（虔）】

杜甫

天台隔三江，风浪无晨暮。郑公纵得归，老病不识路。
昔如水上鸥，今如置中兔。性命由他人，悲辛但狂顾。
山鬼独一脚，蝮蛇长如树。呼号傍孤城，岁月谁与度。
从来御魑魅，多为才名误。夫子嵇阮流，更被时俗恶。
海隅微小吏，眼暗发垂素。黄帽映青袍，非供折腰具。
平生一杯酒，见我故人遇。相望无所成，乾坤莽回互。

【遣兴五首】

杜甫

蛰龙三冬卧，老鹤万里心。昔时贤俊人，未遇犹视今。
嵇康不得死，孔明有知音。又如垄底松，用舍在所寻。
大哉霜雪干，岁久为枯林。

昔者庞德公，未曾入州府。襄阳耆旧间，处士节独苦。
岂无济时策，终竟畏罗罟。林茂鸟有归，水深鱼知聚。
举家依鹿门，刘表焉得取。

我今日夜忧，诸弟各异方。不知死与生，何况道路长。
避寇一分散，饥寒永相望。岂无柴门归，欲出畏虎狼。
仰看云中雁，禽鸟亦有行。

蓬生非无根，飘荡随高风。天寒落万里，不复归本丛。
客子念故宅，三年门巷空。怅望但烽火，戎车满关东。
生涯能几何，常在羁旅中。

昔在洛阳时，亲友相追攀。送客东郊道，遨游宿南山。
烟尘阻长河，树羽成皋间。回首载酒地，岂无一日还。
丈夫贵壮健，惨戚非朱颜。

【遣兴五首】

杜甫

朔风飘胡雁，惨澹带砂砾。长林何萧萧，秋草萋更碧。
北里富熏天，高楼夜吹笛。焉知南邻客，九月犹絺绌。

长陵锐头儿，出猎待明发。驛弓金爪镞，白马蹴微雪。
未知所驰逐，但见暮光灭。归来悬两狼，门户有旌节。
漆有用而割，膏以明自煎。兰摧白露下，桂折秋风前。
府中罗旧尹，沙道尚依然。赫赫萧京兆，今为时所怜。
猛虎凭其威，往往遭急缚。雷吼徒咆哮，枝撑已在脚。
忽看皮寝处，无复睛闪烁。人有甚于斯，足以劝元恶。
朝逢富家葬，前后皆辉光。共指亲戚大，缙麻百夫行。
送者各有死，不须羨其强。君看束练去，亦得归山冈。

【遣兴五首】

杜甫

天用莫如龙，有时系扶桑。顿辔海徒涌，神人身更长。
性命苟不存，英雄徒自强。吞声勿复道，真宰意茫茫。
地用莫如马，无良复谁记。此日千里鸣，追风可君意。
君看渥洼种，态与驽骀异。不杂蹄啮间，逍遥有能事。
陶潜避俗翁，未必能达道。观其著诗集，颇亦恨枯槁。
达生岂是足，默识盖不早。有子贤与愚，何其挂怀抱。
贺公雅吴语，在位常清狂。上疏乞骸骨，黄冠归故乡。
爽气不可致，斯人今则亡。山阴一茅宇，江海日凄凉。
吾怜孟浩然，短褐即长夜。赋诗何必多，往往凌鲍谢。
清江空旧鱼，春雨馀甘蔗。每望东南云，令人几悲吒。

【前出塞九首】

杜甫

戚戚去故里，悠悠赴交河。公家有程期，亡命婴祸罗。
君已富土境，开边一何多。弃绝父母恩，吞声行负戈。
出门日已远，不受徒旅欺。骨肉恩岂断，男儿死无时。
走马脱辔头，手中挑青丝。捷下万仞冈，俯身试搴旗。

磨刀呜咽水，水赤刃伤手。欲轻肠断声，心绪乱已久。
丈夫誓许国，愤惋复何有。功名图骐驎，战骨当速朽。
送徒既有长，远戍亦有身。生死向前去，不劳吏怒嗔。
路逢相识人，附书与六亲。哀哉两决绝，不复同苦辛。
迢迢万馀里，领我赴三军。军中异苦乐，主将宁尽闻。
隔河见胡骑，倏忽数百群。我始为奴仆，几时树功勋。
挽弓当挽强，用箭当用长。射人先射马，擒贼先擒王。
杀人亦有限，列国自有疆。苟能制侵陵，岂在多杀伤。
驱马天雨雪，军行入高山。径危抱寒石，指落曾冰间。
已去汉月远，何时筑城还。浮云暮南征，可望不可攀。
单于寇我垒，百里风尘昏。雄剑四五动，彼军为我奔。
虏其名王归，系颈授辕门。潜身备行列，一胜何足论。
从军十年馀，能无分寸功。众人贵苟得，欲语羞雷同。
中原有斗争，况在狄与戎。丈夫四方志，安可辞固穷。

【后出塞五首】

杜甫

男儿生世间，及壮当封侯。战伐有功业，焉能守旧丘。
召募赴蓟门，军动不可留。千金买马鞭，百金装刀头。

阊里送我行，亲戚拥道周。斑白居上列，酒酣进庶羞。
少年别有赠，含笑看吴钩。

朝进东门营，暮上河阳桥。落日照大旗，马鸣风萧萧。
平沙列万幕，部伍各见招。中天悬明月，令严夜寂寥。
悲笳数声动，壮士惨不骄。借问大将谁，恐是霍嫖姚。
古人重守边，今人重高勋。岂知英雄主，出师亘长云。
六合已一家，四夷且孤军。遂使貔虎士，奋身勇所闻。
拔剑击大荒，日收胡马群。誓开玄冥北，持以奉吾君。
献凯日继踵，两蕃静无虞。渔阳豪侠地，击鼓吹笙竽。
云帆转辽海，粳稻来东吴。越罗与楚练，照耀舆台躯。
主将位益崇，气骄傲上都。边人不敢议，议者死路衢。
我本良家子，出师亦多门。将骄益愁思，身贵不足论。
跃马二十年，恐辜明主恩。坐见幽州骑，长驱河洛昏。
中夜间道归，故里但空村。恶名幸脱免，穷老无儿孙。

【别赞上人】

杜甫

百川日东流，客去亦不息。我生苦漂荡，何时有终极。

赞公释门老，放逐来上国。还为世尘婴，颇带憔悴色。
杨枝晨在手，豆子雨已熟。是身如浮云，安可限南北。

异县逢旧友，初忻写胸臆。天长关塞寒，岁暮饥冻逼。
野风吹征衣，欲别向曛黑。马嘶思故枥，归鸟尽敛翼。
古来聚散地，宿昔长荆棘。相看俱衰年，出处各努力。

【万丈潭】

杜甫

青溪合冥莫，神物有显晦。龙依积水蟠，窟压万丈内。
跼步凌垠堦，侧身下烟霭。前临洪涛宽，却立苍石大。
山色一径尽，崖绝两壁对。削成根虚无，倒影垂澹灏。
黑如湾澨底，清见光炯碎。孤云倒来深，飞鸟不在外。
高萝成帷幄，寒木累旌旆。远川曲通流，嵌窦潜泄濑。
造幽无人境，发兴自我辈。告归遗恨多，将老斯游最。
闭藏修鳞蛰，出入巨石碍。何事暑天过，快意风雨会。

【两当县吴十侍御江上宅】

杜甫

寒城朝烟澹，山谷落叶赤。阴风千里来，吹汝江上宅。
鸱鸡号枉渚，日色傍阡陌。借问持斧翁，几年长沙客。
哀哀失木狖，矫矫避弓翮。亦知故乡乐，未敢思夙昔。
昔在凤翔都，共通金闺籍。天子犹蒙尘，东郊暗长戟。

兵家忌间谍，此辈常接迹。台中领举劾，君必慎剖析。

不忍杀无辜，所以分白黑。上官权许与，失意见迁斥。
仲尼甘旅人，向子识损益。朝廷非不知，闭口休叹息。
余时忝谏臣，丹陛实咫尺。相看受狼狈，至死难塞责。
行迈心多违，出门无与适。于公负明义，惆怅头更白。

【发秦州（乾元二年，自秦州赴同谷县纪行）】

杜甫

我衰更懒拙，生事不自谋。无食问乐土，无衣思南州。
汉源十月交，天气凉如秋。草木未黄落，况闻山水幽。
栗亭名更佳，下有良田畴。充肠多薯蕷，崖蜜亦易求。
密竹复冬笋，清池可方舟。虽伤旅寓远，庶遂平生游。
此邦俯要冲，实恐人事稠。应接非本性，登临未销忧。
谿谷无异石，塞田始微收。岂复慰老夫，惘然难久留。
日色隐孤戍，乌啼满城头。中宵驱车去，饮马寒塘流。
磊落星月高，苍茫云雾浮。大哉乾坤内，吾道长悠悠。

【赤谷】

杜甫

天寒霜雪繁，游子有所之。岂但岁月暮，重来未有期。

晨发赤谷亭，险艰方自兹。乱石无改辙，我车已载脂。
山深苦多风，落日童稚饥。悄然村墟迥，烟火何由追。

贫病转零落，故乡不可思。常恐死道路，永为高人嗤。

【铁堂峡（铁堂山在天水县东五里，峡有 铁堂庄）】

杜甫

山风吹游子，缥缈乘险绝。峡形藏堂隍，壁色立积铁。
径摩穹苍蟠，石与厚地裂。修纤无垠竹，嵌空太始雪。
威迟哀壑底，徒旅惨不悦。水寒长冰横，我马骨正折。
生涯抵弧矢，盗贼殊未灭。飘蓬逾三年，回首肝肺热。

【盐井（盐井在成州长道县，有盐官故城）】

杜甫

卤中草木白，青者官盐烟。官作既有程，煮盐烟在川。
汲井岁榑榑，出车日连连。自公斗三百，转致斛六千。
君子慎止足，小人苦喧阗。我何良叹嗟，物理固自然。

【寒硖】

杜甫

行迈日悄悄，山谷势多端。云门转绝岸，积阻霾天寒。

寒硖不可度，我实衣裳单。况当仲冬交，溯沿增波澜。
野人寻烟语，行子傍水餐。此生免荷殳，未敢辞路难。

【法镜寺】

杜甫

身危适他州，勉强终劳苦。神伤山行深，愁破崖寺古。
婵娟碧鲜净，萧瑟寒箴聚。回回山根水，冉冉松上雨。
泄云蒙清晨，初日翳复吐。朱甍半光炯，户牖粲可数。
拄策忘前期，出萝已亭午。冥冥子规叫，微径不复取。

【青阳峡】

杜甫

塞外苦厌山，南行道弥恶。冈峦相经亘，云水气参错。
林迴硖角来，天窄壁面削。溪西五里石，奋怒向我落。
仰看日车侧，俯恐坤轴弱。魑魅啸有风，霜霰浩漠漠。
昨忆逾陇坂，高秋视吴岳。东笑莲华卑，北知崆峒薄。
超然侔壮观，已谓殷寥廓。突兀犹趁人，及兹叹冥莫。

【龙门镇(龙门镇在成县东,后改府城镇)】

杜甫

细泉兼轻冰，沮洳栈道湿。不辞辛苦行，迫此短景急。
石门雪云隘，古镇峰峦集。旌竿暮惨澹，风水白刃涩。
胡马屯成皋，防虞此何及。嗟尔远戍人，山寒夜中泣。

【石龕】

杜甫

熊羆哮我东，虎豹号我西。我后鬼长啸，我前豺又啼。
天寒昏无日，山远道路迷。驱车石龕下，仲冬见虹霓。
伐竹者谁子，悲歌上云梯。为官采美箭，五岁供梁齐。
苦云直簳尽，无以充提携。奈何渔阳骑，飒飒惊烝黎。

【积草岭（同谷县界）】

杜甫

连峰积长阴，白日递隐见。飏飏林响交，惨惨石状变。
山分积草岭，路异明水县。旅泊吾道穷，衰年岁时倦。
卜居尚百里，休驾投诸彦。邑有佳主人，情如已会面。
来书语绝妙，远客惊深眷。食蕨不愿馀，茅茨眼中见。

【泥功山（贞元五年，于同谷西境泥公山

权置行成

州）】

杜甫

朝行青泥上，暮在青泥中。泥泞非一时，版筑劳人功。
不畏道途永，乃将汨没同。白马为铁骊，小儿成老翁。
哀猿透却坠，死鹿力所穷。寄语北来人，后来莫匆匆。

【凤凰台】

杜甫

亭亭凤凰台，北对西康州。西伯今寂寞，凤声亦悠悠。
山峻路绝踪，石林气高浮。安得万丈梯，为君上上头。
恐有无母雏，饥寒日啾啾。我能剖心出，饮啄慰孤愁。
心以当竹实，炯然无外求。血以当醴泉，岂徒比清流。
所贵王者瑞，敢辞微命休。坐看彩翮长，举意八极周。
自天衔瑞图，飞下十二楼。图以奉至尊，凤以垂鸿猷。
再光中兴业，一洗苍生忧。深衷正为此，群盗何淹留。

【乾元中寓居同谷县，作歌七首】

杜甫

有客有客字子美，白头乱发垂过耳。岁拾橡栗随狙公，
天寒日暮山谷里。中原无书归不得，手脚冻皴皮肉死。
呜呼一歌兮歌已哀，悲风为我从天来。

长镵长镵白木柄，我生托子以为命。黄精无苗山雪盛，
短衣数挽不掩胫。此时与子空归来，男呻女吟四壁静。
呜呼二歌兮歌始放，邻里为我色惆怅。

有弟有弟在远方，三人各瘦何人强。生别展转不相见，
胡尘暗天道路长。东飞鴛鹅后鹓鶵，安得送我置汝旁。
呜呼三歌兮歌三发，汝归何处收兄骨。

有妹有妹在钟离，良人早歿诸孤痴。长淮浪高蛟龙怒，
十年不见来何时。扁舟欲往箭满眼，杳杳南国多旌旗。
呜呼四歌兮歌四奏，林猿为我啼清昼。

四山多风溪水急，寒雨飒飒枯树湿。黄蒿古城云不开，
白狐跳梁黄狐立。我生何为在穷谷，中夜起坐万感集。
呜呼五歌兮歌正长，魂招不来归故乡。

南有龙兮在山湫，古木巃嵒枝相樛。木叶黄落龙正蛰，
蝮蛇东来水上游。我行怪此安敢出，拔剑欲斩且复休。
呜呼六歌兮歌思迟，溪壑为我回春姿。

男儿生不成名身已老，三年饥走荒山道。长安卿相多少年，
富贵应须致身早。山中儒生旧相识，但话宿昔伤怀抱。
呜呼七歌兮悄终曲，仰视皇天白日速。

【发同谷县（乾元二年十二月一日自陇右 赴剑南纪行）】

杜甫

贤有不黔突，圣有不暖席。况我饥愚人，焉能尚安宅。
始来兹山中，休驾喜地僻。奈何迫物累，一岁四行役。
忡忡去绝境，杳杳更远适。停骖龙潭云，回首白崖石。
临岐别数子，握手泪再滴。交情无旧深，穷老多惨戚。
平生懒拙意，偶值栖遁迹。去住与愿违，仰惭林间翮。

【木皮岭】

杜甫

首路栗亭西，尚想凤凰村。季冬携童稚，辛苦赴蜀门。
南登木皮岭，艰险不易论。汗流被我体，祁寒为之暄。
远岫争辅佐，千岩自崩奔。始知五岳外，别有他山尊。
仰干塞大明，俯入裂厚坤。再闻虎豹斗，屡踣风水昏。
高有废阁道，摧折如短辕。下有冬青林，石上走长根。
西崖特秀发，焕若灵芝繁。润聚金碧气，清无沙土痕。
忆观昆仑图，目击悬圃存。对此欲何适，默伤垂老魂。

【白沙渡（属剑州）】

杜甫

畏途随长江，渡口下绝岸。差池上舟楫，杳窕入云汉。
天寒荒野外，日暮中流半。我马向北嘶，山猿饮相唤。
水清石礚礚，沙白滩漫漫。迴然洗愁辛，多病一疏散。

高壁抵.崐，洪涛越凌乱。临风独回首，揽辔复三叹。

【水会渡】

杜甫

山行有常程，中夜尚未安。微月没已久，崖倾路何难。
大江动我前，汹若溟渤宽。篙师暗理楫，歌笑轻波澜。
霜浓木石滑，风急手足寒。入舟已千忧，陟巘仍万盘。
迴眺积水外，始知众星乾。远游令人瘦，衰疾惭加餐。

【飞仙阁】

杜甫

土门山行窄，微径缘秋毫。栈云阑干峻，梯石结构牢。
万壑欹疏林，积阴带奔涛。寒日外澹泊，长风中怒号。
歇鞍在地底，始觉所历高。往来杂坐卧，人马同疲劳。
浮生有定分，饥饱岂可逃。叹息谓妻子，我何随汝曹。

【五盘（七盘岭在广元县北，一名五盘，

栈道盘曲有

五重）】

杜甫

五盘虽云险，山色佳有馀。仰凌栈道细，俯映江木疏。
地僻无网罟，水清反多鱼。好鸟不妄飞，野人半巢居。
喜见淳朴俗，坦然心神舒。东郊尚格斗，巨猾何时除。
故乡有弟妹，流落随丘墟。成都万事好，岂若归吾庐。

【龙门阁】

杜甫

清江下龙门，绝壁无尺土。长风驾高浪，浩浩自太古。
危途中萦盘，仰望垂线缕。滑石欹谁凿，浮梁袅相拄。
目眩陨杂花，头风吹过雨。百年不敢料，一坠那得取。
饱闻经瞿塘，足见度大庾。终身历艰险，恐惧从此数。

【石柜阁】

杜甫

季冬日已长，山晚半天赤。蜀道多早花，江间饶奇石。
石柜曾波上，临虚荡高壁。清晖回群鸥，暝色带远客。
羁栖负幽意，感叹向绝迹。信甘孱懦婴，不独冻馁迫。
优游谢康乐，放浪陶彭泽。吾衰未自安，谢尔性所适。

【桔柏渡（在昭化县）】

杜甫

青冥寒江渡，驾竹为长桥。竿湿烟漠漠，江永风萧萧。
连竿动袅娜，征衣飒飘飏。急流鸨鹢散，绝岸鼉鼉骄。
西辕自兹异，东逝不可要。高通荆门路，阔会沧海潮。
孤光隐顾眄，游子怅寂寥。无以洗心胸，前登但山椒。

【剑门】

杜甫

惟天有设险，剑门天下壮。连山抱西南，石角皆北向。
两崖崇墉倚，刻画城郭状。一夫怒临关，百万未可傍。
珠玉走中原，岷峨气凄怆。三皇五帝前，鸡犬各相放。
后王尚柔远，职责道已丧。至今英雄人，高视见霸王。

并吞与割据，极力不相让。吾将罪真宰，意欲铲叠嶂。
恐此复偶然，临风默惆怅。

【鹿头山（山上有关，在德阳县治北）】

杜甫

鹿头何亭亭，是日慰饥渴。连山西南断，俯见千里豁。
游子出京华，剑门不可越。及兹险阻尽，始喜原野阔。

殊方昔三分，霸气曾间发。天下今一家，云端失双阙。
悠然想扬马，继起名碑兀。有文令人伤，何处埋尔骨。
纡馀脂膏地，惨澹豪侠窟。仗钺非老臣，宣风岂专达。
冀公柱石姿，论道邦国活。斯人亦何幸，公镇逾岁月。

【成都府】

杜甫

翳翳桑榆日，照我征衣裳。我行山川异，忽在天一方。
但逢新人民，未卜见故乡。大江东流去，游子去日长。
曾城填华屋，季冬树木苍。喧然名都会，吹箫间笙簧。
信美无与适，侧身望川梁。鸟雀夜各归，中原杳茫茫。
初月出不高，众星尚争光。自古有羁旅，我何苦哀伤。

第二百一十九卷

【石笋行】

杜甫

君不见益州城西门，陌上石笋双高蹲。古来相传是海眼，
苔藓蚀尽波涛痕。雨多往往得瑟瑟，此事恍惚难明论。
恐是昔时卿相墓，立石为表今仍存。惜哉俗态好蒙蔽，
亦如小臣媚至尊。政化错迕失大体，坐看倾危受厚恩。
嗟尔石笋擅虚名，后来未识犹骏奔。安得壮士掷天外，
使人不疑见本根。

【石犀行】

杜甫

君不见秦时蜀太守，刻石立作三犀牛。自古虽有厌胜法，
天生江水向东流。蜀人矜夸一千载，泛滥不近张仪楼。
今年灌口损户口，此事或恐为神羞。终藉堤防出众力，
高拥木石当清秋。先王作法皆正道，鬼怪何得参人谋。
嗟尔三犀不经济，缺讹只与长川逝。但见元气常调和，
自免洪涛恣凋瘵。安得壮士提天纲，再平水土犀奔茫。

【杜鹃行】

杜甫

君不见昔日蜀天子，化作杜鹃似老乌。寄巢生子不自啄，
群鸟至今与哺雏。虽同君臣有旧礼，骨肉满眼身羁孤。
业工窳伏深树里，四月五月偏号呼。其声哀痛口流血，
所诉何事常区区。尔岂摧残始发愤，羞带羽翮伤形愚。
苍天变化谁料得，万事反覆何所无。万事反覆何所无，
岂忆当殿群臣趋。

【赠蜀僧闾丘师兄】

杜甫

大师铜梁秀，籍籍名家孙。呜呼先博士，炳灵精气奔。
惟昔武皇后，临轩御乾坤。多士尽儒冠，墨客蔼云屯。
当时上紫殿，不独卿相尊。世传闾丘笔，峻极逾昆仑。
凤藏丹霄暮，龙去白水浑。青荧雪岭东，碑碣旧制存。
斯文散都邑，高价越玕璠。晚看作者意，妙绝与谁论。
吾祖诗冠古，同年蒙主恩。豫章夹日月，岁久空深根。
小子思疏阔，岂能达词门。穷愁一挥泪，相遇即诸昆。
我住锦官城，兄居祇树园。地近慰旅愁，往来当丘樊。
天涯歇滞雨，粳稻卧不翻。漂然薄游倦，始与道侣敦。
景晏步修廊，而无车马喧。夜阑接软语，落月如金盆。
漠漠世界黑，驱车争夺繁。惟有摩尼珠，可照浊水源。

【泛溪】

杜甫

落景下高堂，进舟泛回溪。谁谓筑居小，未尽乔木西。
远郊信荒僻，秋色有馀凄。练练峰上雪，纤纤云表霓。
童戏左右岸，罟弋毕提携。翻倒荷芰乱，指挥径路迷。
得鱼已割鳞，采藕不洗泥。人情逐鲜美，物贱事已睽。
吾村霭暝姿，异舍鸡亦栖。萧条欲何适，出处无可齐。
衣上见新月，霜中登故畦。浊醪自初熟，东城多鼓鼙。

【题壁画马歌（一作题壁上韦偃画歌。偃

京兆人善画

马）】

杜甫

韦侯别我有所适，知我怜君画无敌。戏拈秃笔扫骅骝，
欵见骐驎出东壁。一匹龔草一匹嘶，坐看千里当霜蹄。
时危安得真致此，与人同生亦同死。

【戏题画山水图歌（一本题下有王宰二字。

宰，蜀人）】

杜甫

十日画一水，五日画一石。能事不受相促迫，

王宰始肯留真迹。壮哉昆仑方壶图，挂君高堂之素壁。
巴陵洞庭日本东，赤岸水与银河通，中有云气随飞龙。
舟人渔子入浦溆，山木尽亚洪涛风。尤工远势古莫比，
咫尺应须论万里。焉得并州快剪刀，翦取吴松半江水。

【题李尊师松树障子歌】

杜甫

老夫清晨梳白头，玄都道士来相访。握发呼儿延入户，
手提新画青松障。障子松林静杳冥，凭轩忽若无丹青。
阴崖却承霜雪干，偃盖反走虬龙形。老夫平生好奇古，
对此兴与精灵聚。已知仙客意相亲，更觉良工心独苦。
松下丈人巾屦同，偶坐似是商山翁。怅望聊歌紫芝曲，
时危惨澹来悲风。

【戏为双松图歌（韦偃画）】

杜甫

天下几人画古松，毕宏已老韦偃少。绝笔长风起纤末，
满堂动色嗟神妙。两株惨裂苔藓皮，屈铁交错回高枝。
白摧朽骨龙虎死，黑入太阴雷雨垂，松根胡僧憩寂寞，
庞眉皓首无住著。偏袒右肩露双脚，叶里松子僧前落。
韦侯韦侯数相见，我有一匹好东绢，重之不减锦绣段。

已令拂拭光凌乱，请公放笔为直干。

【投简成、华两县诸子】

杜甫

赤县官曹拥材杰，软裘快马当冰雪。长安苦寒谁独悲，
杜陵野老骨欲折。南山豆苗早荒秽，青门瓜地新冻裂。
乡里儿童项领成，朝廷故旧礼数绝。自然弃掷与时异，
况乃疏顽临事拙。饥卧动即向一旬，敝裘何啻联百结。
君不见空墙日色晚，此老无声泪垂血。

【徐卿二子歌】

杜甫

君不见徐卿二子生绝奇，感应吉梦相追随。

孔子释氏亲抱送，并是天上麒麟儿。
大儿九龄色清澈，秋水为神玉为骨。
小儿五岁气食牛，满堂宾客皆回头。
吾知徐公百不忧，积善衮衮生公侯。
丈夫生儿有如此二雏者，名位岂肯卑微休。

【病柏】

杜甫

有柏生崇冈，童童状车盖。偃蹇龙虎姿，主当风云会。
神明依正直，故老多再拜。岂知千年根，中路颜色坏。
出非不得地，蟠据亦高大。岁寒忽无凭，日夜柯叶改。
丹凤领九雏，哀鸣翔其外。鸱鸢志意满，养子穿穴内。
客从何乡来，伫立久吁怪。静求元精理，浩荡难倚赖。

【病橘】

杜甫

群橘少生意，虽多亦奚为。惜哉结实小，酸涩如棠梨。
剖之尽蠹虫，采掇爽其宜。纷然不适口，岂只存其皮。
萧萧半死叶，未忍别故枝。玄冬霜雪积，况乃回风吹。
尝闻蓬莱殿，罗列潇湘姿。此物岁不稔，玉食失光辉。
寇盗尚凭陵，当君减膳时。汝病是天意，吾谗罪有司。
忆昔南海使，奔腾献荔支。百马死山谷，到今耆旧悲。

【枯棕】

杜甫

蜀门多棕榈，高者十八九。其皮割剥甚，虽众亦易朽。
徒布如云叶，青黄岁寒后。交横集斧斤，凋丧先蒲柳。

伤时苦军乏，一物官尽取。嗟尔江汉人，生成复何有。
有同枯棕木，使我沈叹久。死者即已休，生者何自守。
啾啾黄雀啅，侧见寒蓬走。念尔形影干，摧残没藜莠。

【枯楠】

杜甫

榱楠枯峥嵘，乡党皆莫记。不知几百岁，惨惨无生意。
上枝摩皇天，下根蟠厚地。巨围雷霆坼，万孔虫蚁萃。
冻雨落流胶，冲风夺佳气。白鹄遂不来，天鸡为愁思。
犹含栋梁具，无复霄汉志。良工古昔少，识者出涕泪。
种榆水中央，成长何容易。截承金露盘，袅袅不自畏。

【丽春】

杜甫

百草竞春华，丽春应最胜。少须好颜色，多漫枝条剩。
纷纷桃李枝，处处总能移。如何贵此重，却怕有人知。

【丈人山（山在青城县北，黄帝封青城山 为五岳丈人）】

杜甫

自为青城客，不唾青城地。为爱丈人山，丹梯近幽意。
丈人祠西佳气浓，缘云拟住最高峰。扫除白发黄精在，
君看他时冰雪容。

【百忧集行（王筠诗百忧俱集断人肠）】

杜甫

忆年十五心尚孩，健如黄犊走复来。庭前八月梨枣熟，
一日上树能千回。即今倏忽已五十，坐卧只多少行立。
强将笑语供主人，悲见生涯百忧集。入门依旧四壁空，
老妻睹我颜色同。痴儿未知父子礼，叫怒索饭啼门东。

【戏作花卿歌】

杜甫

成都猛将有花卿，学语小儿知姓名。用如快鹘风火生，
见贼唯多身始轻。绵州副使著柘黄，我卿扫除即日平。
子章髑髅血模糊，手提掷还崔大夫。李侯重有此节度，

人道我卿绝世无。既称绝世无，天子何不唤取守京都。

【入奏行，赠西山检察使窦侍御】

杜甫

窦侍御，骥之子，凤之雏。年未三十忠义俱，骨鲠绝代无。

炯如一段清冰出万壑，置在迎风寒露之玉壶。

蔗浆归厨金碗冻，洗涤烦热足以宁君躯。

政用疏通合典则，戚联豪贵耽文儒。兵革未息人未苏，

天子亦念西南隅。吐蕃凭陵气颇粗，窦氏检察应时须。

运粮绳桥壮士喜，斩木火井穷猿呼。八州刺史思一战，

三城守边却可图。此行入奏计未小，密奉圣旨恩宜殊。

绣衣春当霄汉立，彩服日向庭闱趋。省郎京尹必俯拾，

江花未落还成都。江花未落还成都，肯访浣花老翁无。

为君酤酒满眼酤，与奴白饭马青刍。

【楠树为风雨所拔叹】

杜甫

倚江楠树草堂前，故老相传二百年。诛茅卜居总为此，

五月仿佛闻寒蝉。东南飘风动地至，江翻石走流云气。

干排雷雨犹力争，根断泉源岂天意。沧波老树性所爱，

浦上童童一青盖。野客频留惧雪霜，行人不过听竿籁。

虎倒龙颠委榛棘，泪痕血点垂胸臆。我有新诗何处吟，

草堂自此无颜色。

【茅屋为秋风所破歌】

杜甫

八月秋高风怒号，卷我屋上三重茅。茅飞度江洒江郊，
高者挂罥长林梢，下者飘转沉塘坳。南村群童欺我老无力，
忍能对面为盗贼，公然抱茅入竹去。唇焦口燥呼不得，
归来倚杖自叹息。俄顷风定云墨色，秋天漠漠向昏黑。
布衾多年冷似铁，骄儿恶卧踏里裂。床床屋漏无干处，
雨脚如麻未断绝。自经丧乱少睡眠，长夜沾湿何由彻。
安得广厦千万间，大庇天下寒士俱欢颜，风雨不动安如山。
呜呼何时眼前突兀见此屋，吾庐独破受冻死亦足。

【大雨】

杜甫

西蜀冬不雪，春农尚嗷嗷。上天回哀眷，朱夏云郁陶。
执热乃沸鼎，纤絺成缁袍。风雷飒万里，霈泽施蓬蒿。
敢辞茅苇漏，已喜黍豆高。三日无行人，二江声怒号。
流恶邑里清，矧兹远江皋。荒庭步鹤鹤，隐几望波涛。
沉疴聚药饵，顿忘所进劳。则知润物功，可以贷不毛。
阴色静陇亩，劝耕自官曹。四邻耒耜出，何必吾家操。

【溪涨】

杜甫

当时浣花桥，溪水才尺馀。白石明可把，水中有行车。
秋夏忽泛滥，岂惟入吾庐。蛟龙亦狼狈，况是鳖与鱼。
兹晨已半落，归路跬步疏。马嘶未敢动，前有深填淤。
青青屋东麻，散乱床上书。不意远山雨，夜来复何如。
我游都市间，晚憩必村墟。乃知久行客，终日思其居。

【戏赠友二首】

杜甫

元年建巳月，郎有焦校书。自夸足膂力，能骑生马驹。
一朝被马踏，唇裂版齿无。壮心不肯已，欲得东擒胡。
元年建巳月，官有王司直。马惊折左臂，骨折面如墨。
骛骀漫深泥，何不避雨色。劝君休叹恨，未必不为福。

【遭田父泥饮美严中丞】

杜甫

步履随春风，村村自花柳。田翁逼社日，邀我尝春酒。
酒酣夸新尹，畜眼未见有。回头指大男，渠是弓弩手。
名在飞骑籍，长番岁时久。前日放营农，辛苦救衰朽。

差科死则已，誓不举家走。今年大作社，拾遗能住否。
叫妇开大瓶，盆中为吾取。感此气扬扬，须知风化首。
语多虽杂乱，说尹终在口。朝来偶然出，自卯将及酉。
久客惜人情，如何拒邻叟。高声索果栗，欲起时被肘。
指挥过无礼，未觉村野丑。月出遮我留，仍嗔问升斗。

【喜雨】

杜甫

春旱天地昏，日色赤如血。农事都已休，兵戈况骚屑。
巴人困军须，恸哭厚土热。沧江夜来雨，真宰罪一雪。
谷根小苏息，沴气终不灭。何由见宁岁，解我忧思结。
峥嵘群山云，交会未断绝。安得鞭雷公，滂沱洗吴越。

【渔阳】

杜甫

渔阳突骑犹精锐，赫赫雍王都节制。猛将飘然恐后时，
本朝不入非高计。禄山北筑雄武城，旧防败走归其营。
系书请问燕耆旧，今日何须十万兵。

【天边行】

杜甫

天边老人归未得，日暮东临大江哭。陇右河源不种田，
胡骑羌兵入巴蜀。洪涛滔天风拔木，前飞秃鹫后鸿鹄。
九度附书向洛阳，十年骨肉无消息。

【大麦行】

杜甫

大麦干枯小麦黄，妇女行泣夫走藏。东至集壁西梁洋，
问谁腰镰胡与羌。岂无蜀兵三千人，部领辛苦江山长。
安得如鸟有羽翅，托身白云还故乡。

【苦战行】

杜甫

苦战身死马将军，自云伏波之子孙。干戈未定失壮士，
使我叹恨伤精魂。去年江南讨狂贼，临江把臂难再得。
别时孤云今不飞，时独看云泪横臆。

【去秋行】

杜甫

去秋涪江木落时，臂枪走马谁家儿。到今不知白骨处，
部曲有去皆无归。遂州城中汉节在，遂州城外巴人稀。
战场冤魂每夜哭，空令野营猛士悲。

【述古三首】

杜甫

赤骥顿长缨，非无万里姿。悲鸣泪至地，为问驭者谁。
凤凰从东来，何意复高飞。竹花不结实，念子忍朝饥。
古时君臣合，可以物理推。贤人识定分，进退固其宜。
市人日中集，于利竞锥刀。置膏烈火上，哀哀自煎熬。
农人望岁稔，相率除蓬蒿。所务谷为本，邪赢无乃劳。
舜举十六相，身尊道何高。秦时任商鞅，法令如牛毛。
汉光得天下，祚永固有开。岂惟高祖圣，功自萧曹来。
经纶中兴业，何代无长才。吾慕寇邓勋，济时信良哉。
耿贾亦宗臣，羽翼共裴回。休运终四百，图画在云台。

第二百二十卷

【观打鱼歌】

杜甫

绵州江水之东津，鲂鱼鱠色胜银。渔人漾舟沈大网，
截江一拥数百鳞。众鱼常才尽却弃，赤鲤腾出如有神。

潜龙无声老蛟怒，回风飒飒吹沙尘。饕子左右挥双刀，
脍飞金盘白雪高。徐州秃尾不足忆，汉阴槎头远遁逃。
鲂鱼肥美知第一，既饱欢娱亦萧瑟。君不见朝来割素髻，
咫尺波涛永相失。

【又观打鱼】

杜甫

苍江鱼子清晨集，设网提纲万鱼急。能者操舟疾若风，
撑突波涛挺叉入。小鱼脱漏不可记，半死半生犹戢戢。
大鱼伤损皆垂头，屈强泥沙有时立。东津观鱼已再来，
主人罢鲙还倾杯。日暮蛟龙改窟穴，山根鳢鲋随云雷。
干戈兵革斗未止，凤凰麒麟安在哉。吾徒胡为纵此乐，
暴殄天物圣所哀。

【越王楼歌（太宗子越王贞为绵州刺史，

作台于州

城西北）】

杜甫

绵州州府何磊落，显庆年中越王作。孤城西北起高楼，

碧瓦朱甍照城郭。楼下长江百丈清，山头落日半轮明。
君王旧迹今人赏，转见千秋万古情。

【海棕行】

杜甫

左绵公馆清江滨，海棕一株高入云。龙鳞犀甲相错落，
苍棱白皮十抱文。自是众木乱纷纷，海棕焉知身出群。
移栽北辰不可得，时有西域胡僧识。

【姜楚公画角鹰歌】

杜甫

楚公画鹰鹰戴角，杀气森森到幽朔。观者贪愁掣臂飞，
画师不是无心学。此鹰写真在左绵，却嗟真骨遂虚传。
梁间燕雀休惊怕，亦未抟空上九天。

【相逢歌赠严二别驾（一作严别驾相逢 歌）】

杜甫

我行入东川，十步一回首。成都乱罢气萧飒，

浣花草堂亦何有。梓中豪俊大者谁，本州从事知名久。
把臂开尊饮我酒，酒酣击剑蛟龙吼。乌帽拂尘青螺粟，
紫衣将炙绯衣走。铜盘烧蜡光吐日，夜如何其初促膝。
黄昏始扣主人门，谁谓俄顷胶在漆。万事尽付形骸外，
百年未见欢娱毕。神倾意豁真佳士，久客多忧今愈疾。
高视乾坤又可愁，一躯交态同悠悠。垂老遇君未恨晚，
似君须向古人求。

【光禄坂行】

杜甫

山行落日下绝壁，西望千山万山赤。树枝有鸟乱鸣时，
暝色无人独归客。马惊不忧深谷坠，草动只怕长弓射。
安得更似开元中，道路即今多拥隔。

【冬到金华山观，因得故拾遗陈公学堂遗迹】

杜甫

涪右众山内，金华紫崔嵬。上有蔚蓝天，垂光抱琼台。
系舟接绝壁，杖策穷萦回。四顾俯层巅，澹然川谷开。
雪岭日色死，霜鸿有馀哀。焚香玉女跪，雾里仙人来。
陈公读书堂，石柱仄青苔。悲风为我起，激烈伤雄才。

【陈拾遗故宅（宅在射洪县东七里东武山下）】

杜甫

拾遗平昔居，大屋尚修椽。悠扬荒山日，惨澹故园烟。
位下曷足伤，所贵者圣贤。有才继骚雅，哲匠不比肩。
公生扬马后，名与日月悬。同游英俊人，多秉辅佐权。
彦昭超玉价，郭振起通泉。到今素壁滑，洒翰银钩连。
盛事会一时，此堂岂千年。终古立忠义，感遇有遗编。

【谒文公上方】

杜甫

野寺隐乔木，山僧高下居。石门日色异，绛气横扶疏。
窈窕入风磴，长芦纷卷舒。庭前猛虎卧，遂得文公庐。
俯视万家邑，烟尘对阶除。吾师雨花外，不下十年馀。
长者自布金，禅龕只晏如。大珠脱玷翳，白月当空虚。
甫也南北人，芜蔓少耘锄。久遭诗酒污，何事忝簪裾。
王侯与蝼蚁，同尽随丘墟。愿闻第一义，回向心地初。

金篦刮眼膜，价重百车渠。无生有汲引，兹理傥吹嘘。

【奉赠射洪李四丈（明甫）】

杜甫

丈人屋上乌，人好乌亦好。人生意气豁，不在相逢早。
南京乱初定，所向邑枯槁。游子无根株，茅斋付秋草。
东征下月峡，挂席穷海岛。万里须十金，妻孥未相保。
苍茫风尘际，蹭蹬骐驎老。志士怀感伤，心胸已倾倒。

【早发射洪县南途中作】

杜甫

将老忧贫窶，筋力岂能及。征途乃侵星，得使诸病入。
鄙人寡道气，在困无独立。俶装逐徒旅，达曙凌险涩。
寒日出雾迟，清江转山急。仆夫行不进，弩马若维絷。
汀洲稍疏散，风景开快悒。空慰所尚怀，终非曩游集。
衰颜偶一破，胜事难屡挹。茫然阮籍途，更洒杨朱泣。

【通泉驿南去通泉县十五里山水作】

杜甫

溪行衣自湿，亭午气始散。冬温蚊蚋在，人远凫鸭乱。
登顿生曾阴，奇支倾出高岸。驿楼衰柳侧，县郭轻烟畔。
一川何绮丽，尽目穷壮观。山色远寂寞，江光夕滋漫。

伤时愧孔父，去国同王粲。我生苦飘零，所历有嗟叹。

【过郭代公故宅】

杜甫

豪俊初未遇，其迹或脱略。代公尉通泉，放意何自若。
及夫登袞冕，直气森喷薄。磊落见异人，岂伊常情度。
定策神龙后，宫中翕清廓。俄顷辨尊亲，指挥存顾托。
群公有惭色，王室无削弱。迥出名臣上，丹青照台阁。
我行得遗迹，池馆皆疏凿。壮公临事断，顾步涕横落。
高咏宝剑篇，神交付冥漠。

【观薛稷少保书画壁】

杜甫

少保有古风，得之陕郊篇。惜哉功名忤，但见书画传。
我游梓州东，遗迹涪江边。画藏青莲界，书入金榜悬。
仰看垂露姿，不崩亦不骞。郁郁三大字，蛟龙岌相缠。
又挥西方变，发地扶屋椽。惨澹壁飞动，到今色未填。
此行叠壮观，郭薛俱才贤。不知百载后，谁复来通泉。

【通泉县署屋壁后薛少保画鹤】

杜甫

薛公十一鹤，皆写青田真。画色久欲尽，苍然犹出尘。
低昂各有意，磊落如长人。佳此志气远，岂惟粉墨新。
万里不以力，群游森会神。威迟白凤态，非是仓庚邻。
高堂未倾覆，常得慰嘉宾。曝露墙壁外，终嗟风雨频。
赤霄有真骨，耻饮洿池津。冥冥任所往，脱略谁能驯。

【陪王侍御同登东山最高顶宴姚通泉，晚

携酒泛

江】

杜甫

姚公美政谁与俦，不减昔时陈太丘。邑中上客有柱史，
多暇日陪骢马游。东山高顶罗珍羞，下顾城郭销我忧。
清江白日落欲尽，复携美人登彩舟。笛声愤怨哀中流，
妙舞逶迤夜未休。灯前往往大鱼出，听曲低昂如有求。
三更风起寒浪涌，取乐喧呼觉船重。满空星河光破碎，
四座宾客色不动。请公临深莫相违，回船罢酒上马归。
人生欢会岂有极，无使霜过沾人衣。

【春日戏题恼郝使君兄】

杜甫

使君意气凌青霄，忆昨欢娱常见招。细马时鸣金腰褭，
佳人屡出董娇饶。东流江水西飞燕，可惜春光不相见。
愿携王赵两红颜，再骋肌肤如素练。通泉百里近梓州，
请公一来开我愁。舞处重看花满面，尊前还有锦缠头。

【短歌行，赠王郎司直】

杜甫

王郎酒酣拔剑斫地歌莫哀，我能拔尔抑塞磊落之奇才。
豫章翻风白日动，鲸鱼跋浪沧溟开。且脱佩剑休裴回，
西得诸侯棹锦水。欲向何门趿珠履，仲宣楼头春色深。
青眼高歌望吾子，眼中之人吾老矣。

【短歌行，送祁录事归合州，因寄苏使君】

杜甫

前者途中一相见，人事经年记君面。后生相动何寂寥，
君有长才不贫贱。君今起柁春江流，余亦沙边具小舟。
幸为达书贤府主，江花未尽会江楼。

【陪章留后惠义寺饯嘉州崔都督赴州】

杜甫

中军待上客，令肃事有恒。前驱入宝地，祖帐飘金绳。
南陌既留欢，兹山亦深登。清闻树杪磬，远谒云端僧。
回策匪新岸，所攀仍旧藤。耳激洞门飙，目存寒谷冰。
出尘閼轨躅，毕景遗炎蒸。永愿坐长夏，将衰栖大乘。
羁旅惜宴会，艰难怀友朋。劳生共几何，离恨兼相仍。

【将适吴楚，留别章使君留后，兼幕府诸

公，得

柳字】

杜甫

我来入蜀门，岁月亦已久。岂惟长儿童，自觉成老丑。
常恐性坦率，失身为杯酒。近辞痛饮徒，折节万夫后。
昔如纵壑鱼，今如丧家狗。既无游方恋，行止复何有。
相逢半新故，取别随薄厚。不意青草湖，扁舟落吾手。
眷眷章梓州，开筵俯高柳。楼前出骑马，帐下罗宾友。
健儿簸红旗，此乐或难朽。日车隐昆仑，鸟雀噪户牖。
波涛未足畏，三峡徒雷吼。所忧盗贼多，重见衣冠走。
中原消息断，黄屋今安否。终作适荆蛮，安排用庄叟。

随云拜东皇，挂席上南斗。有使即寄书，无使长回首。

【山寺（得开字，章留后同游）】

杜甫

野寺根石壁，诸龕遍崔嵬。前佛不复辨，百身一莓苔。
虽有古殿存，世尊亦尘埃。如闻龙象泣，足令信者哀。
使君骑紫马，捧拥从西来。树羽静千里，临江久裴回。
山僧衣蓝缕，告诉栋梁摧。公为顾宾徒，咄嗟檀施开。
吾知多罗树，却倚莲华台。诸天必欢喜，鬼物无嫌猜。
以兹抚士卒，孰曰非周才。穷子失净处，高人忧祸胎。
岁晏风破肉，荒林寒可回。思量入道苦，自哂同婴孩。

【棕拂子】

杜甫

棕拂且薄陋，岂知身效能。不堪代白羽，有足除苍蝇。
荧荧金错刀，擢擢朱丝绳。非独颜色好，亦用顾盼称。
吾老抱疾病，家贫卧炎蒸。啗肤倦扑灭，赖尔甘服膺。
物微世竞弃，义在谁肯征。三岁清秋至，未敢阙緘藤。

【桃竹杖引，赠章留后（竹兼可为簟，名桃笙）】

杜甫

江心蟠石生桃竹，苍波喷浸尺度足。斩根削皮如紫玉，
江妃水仙惜不得。梓潼使君开一束，满堂宾客皆叹息。
怜我老病赠两茎，出入爪甲铿有声。老夫复欲东南征，
乘涛鼓枻白帝城。路幽必为鬼神夺，拔剑或与蛟龙争。
重为告曰：杖兮杖兮，尔之生也甚正直，
慎勿见水踊跃学变化为龙。使我不得尔之扶持，
灭迹于君山湖上之青峰。噫，风尘澒洞兮豺虎咬人，
忽失双杖兮吾将曷从。

【寄题江外草堂（梓州作，寄成都故居）】

杜甫

我生性放诞，雅欲逃自然。嗜酒爱风竹，卜居必林泉。
遭乱到蜀江，卧疴遣所便。诛茅初一亩，广地方连延。
经营上元始，断手宝应年。敢谋土木丽，自觉面势坚。
台亭随高下，敞豁当清川。虽有会心侣，数能同钓船。
干戈未偃息，安得酣歌眠。蛟龙无定窟，黄鹄摩苍天。
古来达士志，宁受外物牵。顾惟鲁钝姿，岂识悔吝先。
偶携老妻去，惨澹凌风烟。事迹无固必，幽贞愧双全。

尚念四小松，蔓草易拘缠。霜骨不甚长，永为邻里怜。

【韦讽录事宅观曹将军画马图】

杜甫

国初已来画鞍马，神妙独数江都王。将军得名三十载，
人间又见真乘黄。曾貌先帝照夜白，龙池十日飞霹雳。
内府殷红马脑碗，婕妤传诏才人索。碗赐将军拜舞归，
轻纨细绮相追飞。贵戚权门得笔迹，始觉屏障生光辉。
昔日太宗拳毛騧，近时郭家师子花。今之新图有二马，
复令识者久叹嗟。此皆骑战一敌万，缟素漠漠开风沙。
其余七匹亦殊绝，迥若寒空动烟雪。霜蹄蹴踏长楸间，
马官厮养森成列。可怜九马争神骏，顾视清高气深稳。
借问苦心爱者谁，后有韦讽前支遁。忆昔巡幸新丰宫，
翠华拂天来向东。腾骧磊落三万匹，皆与此图筋骨同。
自从献宝朝河宗，无复射蛟江水中。
君不见金粟堆前松柏里，龙媒去尽鸟呼风。

【送韦讽上阆州录事参军】

杜甫

国步犹艰难，兵革未衰息。万方哀嗷嗷，十载供军食。
庶官务割剥，不暇忧反侧。诛求何多门，贤者贵为德。
韦生富春秋，洞彻有清识。操持纪纲地，喜见朱丝直。

当令豪夺吏，自此无颜色。必若救疮痍，先应去蠹贼。
挥泪临大江，高天意凄恻。行行树佳政，慰我深相忆。

【丹青引，赠曹将军霸】

杜甫

将军魏武之子孙，于今为庶为清门。英雄割据虽已矣，
文彩风流犹尚存。学书初学卫夫人，但恨无过王右军。
丹青不知老将至，富贵于我如浮云。开元之中常引见，
承恩数上南熏殿。凌烟功臣少颜色，将军下笔开生面。
良相头上进贤冠，猛将腰间大羽箭。褒公鄂公毛发动，
英姿飒爽来酣战。先帝天马玉花骢，画工如山貌不同。
是日牵来赤墀下，迴立阊阖生长风。诏谓将军拂绢素，
意匠惨澹经营中。斯须九重真龙出，一洗万古凡马空。
玉花却在御榻上，榻上庭前屹相向。至尊含笑催赐金，
圉人太仆皆惆怅。弟子韩幹早入室，亦能画马穷殊相。
幹惟画肉不画骨，忍使骅骝气凋丧。将军画善盖有神，
必逢佳士亦写真。即今飘泊干戈际，屡貌寻常行路人。
途穷反遭俗眼白，世上未有如公贫。但看古来盛名下，
终日坎壈缠其身。

【阆州东楼筵，奉送十一舅往青城县，得

昏字】

杜甫

曾城有高楼，制古丹雘存。迢迢百馀尺，豁达开四门。
虽有车马客，而无人世喧。游目俯大江，列筵慰别魂。
是时秋冬交，节往颜色昏。天寒鸟兽休，霜露在草根。
今我送舅氏，万感集清尊。岂伊山川间，回首盗贼繁。
高贤意不暇，王命久崩奔。临风欲恸哭，声出已复吞。

【严氏溪放歌行（溪在阆州东百馀里）】

杜甫

天下甲马未尽销，岂免沟壑常漂漂。剑南岁月不可度，
边头公卿仍独骄。费心姑息是一役，肥肉大酒徒相要。
呜呼古人已粪土，独觉志士甘渔樵。况我飘转无定所，
终日戚戚忍羁旅。秋宿霜溪素月高，喜得与子长夜语。
东游西还力实倦，从此将身更何许。知子松根长茯苓，
迟暮有意来同煮。

【南池（在阆中县东南，即彭道将鱼池）】

杜甫

峥嵘巴阆间，所向尽山谷。安知有苍池，万顷浸坤轴。
呀然阆城南，枕带巴江腹。菱荷入异县，粳稻共比屋。
皇天不无意，美利戒止足。高田失西成，此物颇丰熟。
清源多众鱼，远岸富乔木。独叹枫香林，春时好颜色。
南有汉王祠，终朝走巫祝。歌舞散灵衣，荒哉旧风俗。
高堂亦明王，魂魄犹正直。不应空陂上，缥缈亲酒食。
淫祀自古昔，非唯一川渎。干戈浩茫茫，地僻伤极目。
平生江海兴，遭乱身局促。驻马问渔舟，踟蹰慰羁束。

【发阆中】

杜甫

前有毒蛇后猛虎，溪行尽日无村坞。江风萧萧云拂地，
山木惨惨天欲雨。女病妻忧归意速，秋花锦石谁复数。
别家三月一得书，避地何时免愁苦。

【寄韩谏议】

杜甫

今我不乐思岳阳，身欲奋飞病在床。美人娟娟隔秋水，

濯足洞庭望八荒。鸿飞冥冥日月白，青枫叶赤天雨霜。
玉京群帝集北斗，或骑骐驎翳凤凰。芙蓉旌旗烟雾乐，
影动倒景摇潇湘。星宫之君醉琼浆，羽人稀少不在旁。
似闻昨者赤松子，恐是汉代韩张良。昔随刘氏定长安，
帷幄未改神惨伤。国家成败吾岂敢，色难腥腐餐风香。
周南留滞古所惜，南极老人应寿昌。美人胡为隔秋水，
焉得置之贡玉堂。

【忆昔二首】

杜甫

忆昔先皇巡朔方，千乘万骑入咸阳。阴山骄子汗血马，
长驱东胡胡走藏。邺城反覆不足怪，关中小儿坏纪纲，

张后不乐上为忙。至今今上犹拨乱，劳身焦思补四方。
我昔近侍叨奉引，出兵整肃不可当。为留猛士守未央，
致使岐雍防西羌。犬戎直来坐御林，百官跣足随天王。
愿见北地傅介子，老儒不用尚书郎。

忆昔开元全盛日，小邑犹藏万家室。稻米流脂粟米白，
公私仓廩俱丰实。九州道路无豺虎，远行不劳吉日出。
齐纨鲁缟车班班，男耕女桑不相失。宫中圣人奏云门，
天下朋友皆胶漆。百馀年间未灾变，叔孙礼乐萧何律。
岂闻一绢直万钱，有田种谷今流血。洛阳宫殿烧焚尽，
宗庙新除狐兔穴。伤心不忍问耆旧，复恐初从乱离说。
小臣鲁钝无所能，朝廷记识蒙禄秩。周宣中兴望我皇，
洒血江汉身衰疾。

【冬狩行（时梓州刺史章彝兼侍御史留后东川）】

杜甫

君不见东川节度兵马雄，校猎亦似观成功。
夜发猛士三千人，清晨合围步骤同。禽兽已毙十七八，
杀声落日回苍穹。幕前生致九青兕，骆驼曩羗垂玄熊。
东西南北百里间，仿佛蹴踏寒山空。有鸟名鸛鹄，
力不能高飞逐走蓬。肉味不足登鼎俎，何为见羁虞罗中。
春蒐冬狩侯得同，使君五马一马骢。况今摄行大将权，
号令颇有前贤风。飘然时危一老翁，十年厌见旌旗红。
喜君士卒甚整肃，为我回辔擒西戎。草中狐兔尽何益，

天子不在咸阳宫。朝廷虽无幽王祸，得不哀痛尘再蒙。
呜呼，得不哀痛尘再蒙。

【自平】

杜甫

自平宫中吕太一，收珠南海千馀日。近供生犀翡翠稀，
复恐征戎干戈密。蛮溪豪族小动摇，世封刺史非时朝。
蓬莱殿前诸主将，才如伏波不得骄。

【释闷】

杜甫

四海十年不解兵，犬戎也复临咸京。失道非关出襄野，
扬鞭忽是过胡城。豺狼塞路人断绝。烽火照夜尸纵横。
天子亦应厌奔走，群公固合思升平。但恐诛求不改辙，
闻道嬖孽能全生。江边老翁错料事，眼暗不见风尘清。

【赠别贺兰铤】

杜甫

黄雀饱野粟，群飞动荆榛。今君抱何恨，寂寞向时人。
老骥倦骧首，苍鹰愁易驯。高贤世未识，固合婴饥贫。
国步初返正，乾坤尚风尘。悲歌鬓发白，远赴湘吴春。
我恋岷下芋，君思千里莼。生离与死别，自古鼻酸辛。

【别唐十五诚，因寄礼部贾侍郎（贾至）】

杜甫

九载一相逢，百年能几何。复为万里别，送子山之阿。
白鹤久同林，潜鱼本同河。未知栖集期，衰老强高歌。
歌罢两凄恻，六龙忽蹉跎。相视发皓白，况难驻羲和。
胡星坠燕地，汉将仍横戈。萧条四海内，人少豺虎多。

少人慎莫投，多虎信所过。饥有易子食，兽犹畏虞罗。
子负经济才，天门郁嵯峨。飘摇适东周，来往若崩波。
南宫吾故人，白马金盘陀。雄笔映千古，见贤心靡他。
念子善师事，岁寒守旧柯。为吾谢贾公，病肺卧江沱。

【阆山歌】

杜甫

阆州城东灵山白，阆州城北玉台碧。松浮欲尽不尽云，
江动将崩未崩石。那知根无鬼神会，已觉气与嵩华敌。
中原格斗且未归，应结茅斋看青壁。

【阆水歌】

杜甫

嘉陵江色何所似，石黛碧玉相因依。正怜日破浪花出，
更复春从沙际归。巴童荡桨欹侧过，水鸡衔鱼来去飞。
阆中胜事可肠断，阆州城南天下稀。

【草堂】

杜甫

昔我去草堂，蛮夷塞成都。今我归草堂，成都适无虞。

请陈初乱时，反复乃须臾。大将赴朝廷，群小起异图。
中宵斩白马，盟歃气已粗。西取邛南兵，北断剑阁隅。
布衣数十人，亦拥专城居。其势不两大，始闻蕃汉殊。
西卒却倒戈，贼臣互相诛。焉知肘腋祸，自及梟獍徒。
义士皆痛愤，纪纲乱相逾。一国实三公，万人欲为鱼。
唱和作威福，孰肯辨无辜。眼前列杻械，背后吹笙竽。
谈笑行杀戮，溅血满长衢。到今用钺地，风雨闻号呼。
鬼妾与鬼马，色悲充尔娱。国家法令在，此又足惊吁。
贱子且奔走，三年望东吴。弧矢暗江海，难为游五湖。
不忍竟舍此，复来薤榛芜。入门四松在，步履万竹疏。
旧犬喜我归，低徊入衣裾。邻舍喜我归，酤酒携胡芦。
大官喜我来，遣骑问所须。城郭喜我来，宾客隘村墟。
天下尚未宁，健儿胜腐儒。飘摇风尘际，何地置老夫。

于时见疣赘，骨髓幸未枯。饮啄愧残生，食薇不敢馀。

【四松】

杜甫

四松初移时，大抵三尺强。别来忽三载，离立如人长。
会看根不拔，莫计枝凋伤。幽色幸秀发，疏柯亦昂藏。
所插小藩篱，本亦有堤防。终然振拨损，得吝千叶黄。
敢为故林主，黎庶犹未康。避贼今始归，春草满空堂。
览物叹衰谢，及兹慰凄凉。清风为我起，洒面若微霜。
足以送老姿，聊待偃盖张。我生无根带，配尔亦茫茫。
有情且赋诗，事迹可两忘。勿矜千载后，惨澹蟠穹苍。

【水檻】

杜甫

苍江多风飙，云雨昼夜飞。茅轩驾巨浪，焉得不低垂。
游子久在外，门户无人持。高岸尚如谷，何伤浮柱奇支。
扶颠有劝诫，恐贻识者嗤。既殊大厦倾，可以一木支。
临川视万里，何必阑檻为。人生感故物，慷慨有馀悲。

【破船】

杜甫

平生江海心，宿昔具扁舟。岂惟青溪上，日傍柴门游。
苍皇避乱兵，缅邈怀旧丘。邻人亦已非，野竹独修修。
船舷不重扣，埋没已经秋。仰看西飞翼，下愧东逝流。
故者或可掘，新者亦易求。所悲数奔窜，白屋难久留。

【营屋】

杜甫

我有阴江竹，能令朱夏寒。阴通积水内，高入浮云端。
甚疑鬼物凭，不顾翦伐残。东偏若面势，户牖永可安。
爱惜已六载，兹晨去千竿。萧萧见白日，汹汹开奔湍。
度堂匪华丽，养拙异考槃。草茅虽薶葺，衰疾方少宽。

洗然顺所适，此足代加餐。寂无斤斧响，庶遂憩息欢。

【除草】

杜甫

草有害于人，曾何生阻修。其毒甚蜂蛰，其多弥道周。
清晨步前林，江色未散忧。芒刺在我眼，焉能待高秋。
霜露一沾凝，蕙叶亦难留。荷锄先童稚，日入仍讨求。
转致水中央，岂无双钓舟。顽根易滋蔓，敢使依旧丘。

自兹藩篱旷，更觉松竹幽。芟夷不可阙，疾恶信如雠。

【扬旗】

杜甫

江雨飒长夏，府中有馀清。我公会宾客，肃肃有异声。
初筵阅军装，罗列照广庭。庭空六马入，駉駉扬旗旌。
回回偃飞盖，熠熠迸流星。来缠风飙急，去擘山岳倾。
材归俯身尽，妙取略地平。虹霓就掌握，舒卷随人轻。
三州陷犬戎，但见西岭青。公来练猛士，欲夺天边城。
此堂不易升，庸蜀日已宁。吾徒且加餐，休适蛮与荆。

【太子张舍人遗织成褥段】

杜甫

客从西北来，遗我翠织成。开缄风涛涌，中有掉尾鲸。
逶迤罗水族，琐细不足名。客云充君褥，承君终宴荣。
空堂魑魅走，高枕表神清。领客珍重意，顾我非公卿。
留之惧不祥，施之混柴荆。服饰定尊卑，大哉万古程。
今我一贱老，褊褐更无营。煌煌珠宫物，寝处祸所婴。
叹息当路子，干戈尚纵横。掌握有权柄，衣马自肥轻。
李鼎死岐阳，实以骄贵盈。来瑱赐自尽，气豪直阻兵。
皆闻黄金多，坐见悔吝生。奈何田舍翁，受此厚赐情。

锦鲸卷还客，始觉心和平。振我粗席尘，愧客茹藜羹。

【莫相疑行】

杜甫

男儿生无所成头皓白，牙齿欲落真可惜。忆献三赋蓬莱宫，
自怪一日声辉赫。集贤学士如堵墙，观我落笔中书堂。
往时文彩动人主，此日饥寒趋路旁。晚将末契托年少，
当面输心背面笑。寄谢悠悠世上儿，不争好恶莫相疑。

【别蔡十四著作】

杜甫

贾生恸哭后，寥落无其人。安知蔡夫子，高义迈等伦。
献书谒皇帝，志已清风尘。流涕洒丹极，万乘为酸辛。
天地则创痍，朝廷当正臣。异才复间出，周道日惟新。
使蜀见知己，别颜始一伸。主人薨城府，扶柩归咸秦。
巴道此相逢，会我病江滨。忆念凤翔都，聚散俄十春。
我衰不足道，但愿子意陈。稍令社稷安，自契鱼水亲。
我虽消渴甚，敢忘帝力勤。尚思未朽骨，复睹耕桑民。
积水驾三峡，浮龙倚长津。扬舲洪涛间，仗子济物身。
鞍马下秦塞，王城通北辰。玄甲聚不散，兵久食恐贫。
穷谷无粟帛，使者来相因。若凭南辕吏，书札到天垠。